

ভায়ুঙ তাঁয়সানি কেয়াঙ কথমা

উপেন্দ্র দেববর্মা

কমখিঙনাই

নরেশ চন্দ্র দেববর্মা



Tribal Research and Cultural Institute
Govt. of Tripura, Agartala

তায়ুঙ তীয়সানি কেৰাঙ কথমা

উপেন্দ্ৰ দেববৰ্মা

কমথিঙনাই
নৰেশচন্দ্ৰ দেববৰ্মা



**Tribal Research & Cultural Institute
Government of Tripura**

*a Kokborok folk tale, Taiyung Twisani Kerang Kothoma written by
Upendra Debbarma and edited by Naresh Chandra Devvarma*

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-35-2

Price : ₹ 100/-

তায়ুঙ তীয়সানি কেৰাঙ কথমা

কমথিঙনাইনি কক

আগি আঙ নানা দাবুৰাসঙনি থানি তায়ুঙ তীয়সানি কেৰাঙ কথমা আঙ কিসা খীনামানি কক-ন' আব' জততা সীয়াই-সুগাই মানলিয়া ত-ব' জে মুয়তু মানমানি-ন' উান-সুগাই-ন' সীয়াখা। সীয়মানি-ফা-ন' মিলিয়া জাগাঅ মিলিৰিয়াই মারীখা। কিসাকুসু জাগাঅ জততা সীয়মানি চায়াফা-ন' আঙগাই মা-ন', চায়াখাই সীনামাই তীলাঙদি ব জাগাঅ বুবতাই কক-ন' রীনানি। চিনি তায়ুঙ তীয়সানি কেৰাঙ কথমানি মুকুমু-ন' নারীক-নানি বাগাই-ন' আঙ আগি খীনামানি-ন' সীয়জাখা, আঙ আসা খাইঅ নরগনি থানি অনুমোদন মানানী হিনাই।

অনুমোদন মান-খাই আনি সীয়মানি সার্থক আঙগানী, আনি আসীক-ন' কক। চুৰাই সানজাঅ, জত' নন' খুলুমবাইখা।

তাং ২০১৭ ইং ২রা জানুয়ারী
বাং ১৪২৪, ১৭ই পৌষ, সোমবার


য়াকজুর
উপেন্দ্র দেববর্মা

ককসীকাঙ

ট্ৰাইবেল ৱিসাৰ্চ এন্ড কালচাৰেল ইনস্টিটিউটনি তায় চাঙ বিসি বুরুম বুরুমন' হাঙ্গেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপৰগ কাৰিঅ, অব' চিনি সামুঙ বীতাঙগ' খবজাক। চিনি দফানি সাইকৌৰীঙ সিনাই - নুকনাইৰগ তাইব' আব' হায় দাল বিদাল বিজাপ সাইথানি সাকথারমুঙ নাথুঙ হিনয় চাঙ মাচাং শ্ৰী উপেন্দ্ৰ দেববৰ্মাবায় সাইজাক “তায়ুঙ তায়সানি কেৰাঙ কথমা” বিজাবন' কাৰিনা বাগাঁই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংৰাইদা হুকুমু, মুকুমুনি মারিন' খব্বী উানসুকমা ফেহেলীই তিসামা নুগজাগ'। অ বিজাব জতনি থানি হামজাকমুঙ মানানী খাখীলাইঅ।

আং শ্ৰী উপেন্দ্ৰ দেববৰ্মা তাই কমথীংনাই শ্ৰী নৰেশচন্দ্ৰ দেববৰ্মান' অ “তায়ুঙ তায়সানি কেৰাঙ কথমা” সাইথানি সাকথারমানি বাগাঁই বেলাইখে হামবাই য়াফার'।



(ধনঞ্জয় দেববৰ্মা)

দাগিফাঙ

আগুলি,
১ সেপ্টেম্বৰ, ২০২০

ট্ৰাইবেল ৱিসাৰ্চ এন্ড কালচাৰেল ইনস্টিটিউট
ত্ৰিপুৱা হাফাঙ

কমথিঙনাইনি কক থাইসা-থাইনীয়

ককবরক ককরীবায়নি অ জরাত তাখুক অকরা মীচাঙ উপেন্দ্র দেববর্মা চিনি সঙদুক দফানি ককবরক ককরীবায় তাই হুকুমুন' কুচুগ' তিসানানি বাগাঁই চাইতক-জানাই বরক খরকসা। ব লামতি-রীর্গাঁই তাবুকফান' খুক বাই খুগ' সাজাৰ্গাঁই তঙনাই কেৰাঙ কথমারগন' তাই ককবরক রীচাবমুঙরগন' নায়তুগাঁই চাবাঁই সীয়াই তঙজাখ'। ইংরাজি ২০১৫ বিসিঅ হাসতে সরকারনি সঙদুক নায়ফিল তাই হুকুমু তাঙখর বিনি “চেরমা তীয়সা তাই বাসকীরা বলঙনি কেৰাঙ কথমা” মুঙগাঁই বিজাব কাঙসা সাপগাঁই কারিখা। আবনি উল' বিনি “হাচীকনি খরাঙ জাদুকলিজানি রীচাবমুঙ (বীখাক সারেম)” মুঙগাঁই বিজাব-ব' কাঙসা অ তাঙখর সাপগাঁই কারিখা।

আঙ বিনি (১) কুউই কেনদীরাসানি কেৰাঙ কথমা, (২) কাঙগাইতি বীর্গাঁইচীকনি কেৰাঙ কথমা, (৩) তায়ুঙ তীয়সানি কেৰাঙ কথমা, (৪) পালকতিনি কেৰাঙ কথমা, তাই (৫) তিঙ-তিঙ-তরঙনি কেৰাঙ কথমা,—অ কাঙবা কেৰাঙ কথমা য়াক বাই সীয়জাকন' কাহামখে পরিনা নাঙখা। য়াক বাই সীয়জাক বিনি তাইব' কেৰাঙ কথমা কীবাংমা তঙগ' হিনাঁই আঙ সায়াই মান'। য়াক বাই সীয়জাক বিনি ককবরক রীচাবমুঙরগব' কীবাংমা তাবুকফান' সাপগাঁই কারিজাক- য়াখ' হিনাঁই খীনাঅ।

তাখুক অকরা উপেন্দ্র দেববর্মা বিনি জত' কেৰাঙ কথমা সীয়থানি সাকলাইজাঅ ব বিনি নানা-দাবুরাসঙনি থানি খীনামানি কেৰাঙ কথমারগন' মুয়তু খীলায়-খীলায়ীই উানসুগাঁই সীয়জাঅ। হিনখাই অর' সীংমুঙ থাইসা কাসায়াই মান' ব জে আসীক কীবাংমা কেৰাঙ কথমা হিনাঁই সীয়জামানি অমরগনি জত'-নন' কেৰাঙ কথমানি ককবীর্গাঁই' রীর্গাঁই সই-সই কেৰাঙ কথমা দে হিনাঁই মান? চিনি তিপরা দফাঅ হাকচাল জরা কীচামনি সিমি খুক বাই খুগ' সাজাৰ্গাঁই ফায়নাই কেৰাঙ কথমারগ পাইসুগাঁইয়া-ফান' কীবাংকুক-ন' চিনি বরকরগ সায়াই মানলাইঅ। তাখুক অকরা উপেন্দ্র দেববর্মা বাই মুঙ ফারজাক কেৰাঙ কথমারগ উ খুক বাই খুগ' সাজাৰ্গাঁই

ফায়নাই লুকু-হামজাক-জাক কেৰাঙ কথমাৰগনি বিসিঙগ' কীৰীই আহাই মা তঙগ'।
জেসাফান' অীংথুন অ ককবথমান' তীই-য়ীই অ জরানি ককবরক ককরীবায়ন'
হামজাকনাইরগ তাই কীৰীঙফাৰগ তাখুক অকরা উপেন্দ্র দেববৰ্মানি কেৰাঙ
কথমাৰগন' জায়খে আমজগীই তাই নায়ফিলীই নায়লাইজাথুন।

আনি উানসুকমা জরাতীই, তাখুক অকরা উপেন্দ্র দেববৰ্মা সীয়কীৰীঙ সিমিয়া,
বন' কক-কীৰীঙব' হিনীই মান'। অীংয়াখে ব বাহাইখে আসীক কীবাংমা কেৰাঙ
কথমাৰগ তাই রীচাবমুঙরগ সীয়ীই মানজা বা? অমন' কারীইব' ব সীয়-কীসীরাঙ।
তামনি হিনবা, আসীক উমর চাকীরা অীংফান' ব তাবুকব' মীথাকমা কীৰীইখে
সীয়ীই তঙজাখ'।

আঙ হিননা নায়' বিনি যাক বাই সীয়জাক কীবাংমা কেৰাঙ কথমাৰগ তাই
ককবরক রীচাবমুঙরগ দাকতিন' সাপগীই কারিজাক-বাইথুন। হিনখাই চিনি ককবরক
ককরীবায় তাইব' চাসারীজাক অীংনাই।

বিনি “চেরমা তীয়সানি তাই বাসকীরা বলঙনি কেৰাঙ কথমা” সাপগীই কারিজাক
ফুরন' খুরসাজাকখা জে ব থীঙনুকনি রাইদাতীই কেৰাঙ কথমাৰগ সীয়জাঅ। আঙ
পুয়তু কীরাক নারীগ' বিনি অ “তায়ুঙ তীয়সানি কেৰাঙ কথমা” বিজাব-ব' ককবরক
ককবীরায়নি রাঙখগ' রাঙচাকনি পুইসা-বেলেপ লেপসা হিনীই গসিজাকনাই।

আঙলি,
২১ এপ্রিল, ২০২০

নরেশচন্দ্র দেববৰ্মা

তায়ুঙ তীয়সানি কেৰেঙ কথমা ।
বীৰাইনি চৰিত্ৰ বাই চীলানি চৰিত্ৰ

- ১। কামিঙ কাসকু রাজা ।
- ২। বনকইনা কামিঙ কাসকুনি বিহিক ।
- ৩। বুবাগ্ৰা কুসু ।
- ৪। সেঙ বুবাগ্ৰা ।
- ৫। সরদাৰ ।
- ৬। বলনতিয়া ।
- ৭। বদরঙ ।
- ৮। কাইথ' ।
- ৯। কুনজুতি কাইথনি বিহিক ।
- ১০। মনিয়া ।
- ১১। মায়াতি মনিয়ানি বিহিক ।
- ১২। অচাই ।
- ১৩। মিলিকতি কইনা রাজানি বাঁসাজীক ।
- ১৪। মুকতা মনিয়ানি বাঁসীলা ।
- ১৫। দাইজীক ।
- ১৬। গয়ামনি ।
- ১৭। থাঙচাঁরাই ।
- ১৮। তসিল,—রাজানি খাজীনা রমনাই ।

পুইলানি কক

আগিঅ বঙব' কামিঙ কাসুক রাজা দলিত পানথর তঙমানি, আর-ব' হুক খায়ীই চানানি জাগা কীরীইখা হিনীই নককুরিদক নকদক চালাই কুরিদক চালাইদক তাঁইয়াই তায়ুঙ তীয়সাঅ কামিঙ সেয়াই ফায়বাইখা। অ তায়ুঙ তীয়সাঅ আঁঙখা হুক-ন খায়ীই চালাই নানি-ব' বলঙনি-ব' কুল কীরীই জেসীক-ফা-ন' হুক-ন' হর্গীই চাদি বলঙ হাকীরা কুল কীরীই। অ বলঙ হাকীরারগ বাঁসীক বসরনি-ব' আঁংগীই তঙখা কে-ব' সায়াই মানয়া। অ বলঙ বিসিঙগ' হাবীই কাফির্গীই নায়খাই য়াসকু জরা হাবীই কখীলায়াই থাঙগ', আঁঙগীই, অ উনি তলাতীই খাই নাহরীই নায়দি তকুরু তমসা খারীই থাঙমানি নাহরীই তঙগ' গিরি গিরি খায়ীই খারীই থাঙমানি। অ বলঙ হাকীরাঅ হুক চায়ীই নায়দি থাইচুমু দরমপাই মমফল বানতা খুনজুরুপুই মাইসিঙগা ম-স ফানথক মাই খুল সিপিঙ হামমানি কুল কীরীই, আবনি বাদে-ব' বলঙনি মুই কীথীঙ-ব' মানথ-গ' থরীই পা-চ গানথা রাইসক মুইচিঙ বলঙনি গানদীরীই তাই জাতেরে-জাত মুইকীথীঙ-ব' মানথ-গ'। তাই তীয়সা তীয় পেক সারীই-ব' পুথি লাতিয়া জাঙর আই-সিঙগি আবার আথুক খাঙগীরীই সিকামবুকরগ মানথ-গ'। আব' বাই-ন' বঙব' কামিঙ কাসকু রাজা তায়ুঙ তীয়সাঅ জত-নন' তাঁইয়াই কামিঙ সেয়াই ফায়'। সালসা কামিঙ কাসকু রাজা পানদা নুঙখা।

বঙব' কামিঙনি কাসুক রাজানি বিহিক বনকইনা, বুবাগ্রা কুসু, সেঙ বুবাগ্রা, সরদার বলমতিয়া তাই নককুরিদক নকদক চালাই কুরিদক চালাইদক-রগ ফায়বাইখা।

জত-ন'-বুবাগ্রানি জয় বুবাগ্রানি জয় বুবাগ্রানি জয় হিনলাই-বাইখা।

কামিঙ কাসকু রাজা নরগ জত-নন' আঙ হামরিনানি চারিনানি বার্গীই তায়ুঙ তীয়সা কামিঙ কীতাল সেরিয়াই তুবীই ফায়খা। নরগ তাবুক তায়ুঙ তীয়সানি বলঙ হাকীরা-ন' নায়ীই হুক হর্গীই চালায়াই মানখা জানি জানি খায়ীই, কক আঁংখা তাবুক নরগ তায়ুঙ তীয়সা কামিঙগ' সেলাইয়াই ফায়ীই-ব' আ-ন' আগিনি হাই-ন' হুক হুকফুরুঅ সালসা মাইকাইফুরু' অ-ব' সালসা সালসা খায়ীই জতন' আন' মাচুবাচুরুনাই আগিনি রিতিনিতি হাই খাই-ন'।

- বুবাগ্রা কুসু : খলুমখা বুবাগ্রা, তাবুক অ-র' তায়ুঙ তায়সাত
কামিঙ সেলায়ীই ফায়হিন- বদে আগিনি
রিতিনিতি-ন' খিবাই রিয়ীই মান-সীলাই। আগিনি
রিতিনিতিবা আগিনি হাই-ন' মা তনলাইনাইতা
বুবাগ্রা।
- সেঙ বুবাগ্রা : নরগ নক কুরিদক নকদক চালাই কুরিদক চালাই
দক, নরগ জতন' তাবুক চিনি বুবাগ্রা আগিনি
রিতিনিতি-নন' মানারীকনাই হিনীই সামানি নরগ
আব-ন' গসেয়ীই নাহার-বাইখাই য়াফা খরবাই
গসেয়ীই নাহার-বাইদি।

কামিঙ কাসকু বুবাগ্রা পাইরিয়ীই রিখা পানদা।
পানদানি বরক-রগ জত-ন' থাংবাইখা।
বুবাগ্রা বাই বিহিক বনকইনা ফায়খা।

- বনকইনা : বুবাগ্রা, নীঙ চাঙন' অরঅ কামিঙ সেরিয়ীই
তুবয়ীই ফায়মানি কুকুবুই খাই কাহাম অীঙসুকখা
তামঙগীই হিনবা তায়ুঙ তায়সানি বলঙগ' তা-ম'
তঙয়া তঙ। বলঙগ-ব' নাহারীই নায়দি
খুমাতকতীই খুমতকসা খুম আয়াঙগি খুমপুই
লাঙমাকু মদুবীলা-ত' তখলু তখা রিসুম তাই
জাতেরে-জাত খুমরগ বারীই খুমলীঙনি বলঙ
মতমীই তঙগ'।
- বুবাগ্রা : বুবাগ্রাজীক, চাঙ আগিঅ তঙবুমানি দলিত
পানথ-র' আবতীই কীরীই বাই-ন' চাঙ তায়ুঙ
তায়সাত সায়ীই কামিঙ সেয়ীই ফায়'। অ-র' খাই
ছক খাইয়ীই-ব' চালায়ই মা-ন' বলঙ হাকীরা
তঙগ' হিনীই চাঙ তাবুক সেয়ীই ফায়মানি জাগাঅ
খাই মাই খুল ফলেঅ বিসি খায়ীই। আব' বাই-ন'
চাঙ অ-র' কামিঙ সেয়ীই ফায়'।

- বনকইনা : বুবাগ্রা, সুদু আ-ব' সিমিয়া তকুরু তমসা তকথু তকবুলু আতুকা তপসি তখা তইলিং তকপেপেক সারুকসা গুহালি আরি-গীরা সিকুরুক তফথাই তকমুয়া তকমীখীরা তকসা' তকডালা কুঙকাক চেথুক তাতা-তায়ুঙ তকসা রাঙগিয়া অলদিয়া তাখুক, দক, তকবুই তকমীখীরা তক-হামজীক তাই গিলামা তকমুঙ তঙগ' সায়ীই মানসুকয়া' আবরগ জত-ন' পুঙলাই খাই খীনাথ'থক চালায়ীই তঙলাই।
- বুবাগ্রা : বুবাগ্রাজীক, আবতাই-রগবা তঙনাই-নতা বলঙ কীবাঙ বলঙ হাকীরা-বা, নীঙ অর' তঙতে তঙতে তঙগীই সই আঙসুগীই থাংখাই নাইলা তে-ব' বিসি খায়ীই তঙথক-গানী' নাইয়ীই তঙ-সীলাই।
- বনকইনা : আ-বত' আহাই-ন' আঙনাই তাবুক কীতাল কীতাল-খ বাইসে, বালক-রীরীক তঙথক রীরীক-বা আঙনাইন'তা।

বুবাগ্রা, বনকইনা থাংখা। বদরঙ, কাইথ' ফাইখা।

- বদরঙ : ফায়দি দা কাইথ' চীঙ তায়ুঙ তীয়সাত কমিঙ সেলায়ীই ফায়মানি বসরবা জত-ন' থানসা খায়ীই যাগুল খিললায়ীই হুক-ন' হকলাই-য়ানী, যাগুল খিললায়ীই হুক-ন' হকলাই-খাই তঙথ'থক-ব' তাই কিসা আঙলাই-য়ানী পালেমলেবা। আবতাই-ন খাইলাই-মানি হা-ম ফায়দি।
- কাইথ' : বদরঙ, নিনি আ-ববা কক কাহাম-সে বীলা, কমিঙ কায়সাবা আবতাই-খাইন' তঙলাই-নানি নাঙতা, তাঙথানি তীইথানি চাথানি নীঙথানি জেথানিফা-ন' আঙথুন ককবাগসা খুকবাগসা-ন' কাহামতা।

- বদরঙ : দা কাইথ' ব সালনি সিমি চীঙ য়াগুল
খিললাই-নানি হিনীই নখরলাই-নানি সীলাই।
- কাইথ' : সীকাঙনি সুকুর-বারনি সালনি সিমি নখর-লাইখাই
তামঙ, অ বারখাই কাহাম-ব' অীঙগ'। সাবনি
সীকাঙ পুইলা য়াক চেঙগীরানানি বা আনি ফা-ন'
চেঙদি বুইনি ফা-ন' চেঙদি। দাকতি য়াক চেঙগীই
দাকতি খায়ীই হকলাই-নানি-সে কক।
- বদরঙ : নিনি ফা-ন' সীকাঙ য়াক চেঙগীরাদিতা দা কাইথ',
নীঙলে জতনি সীলাই অকরা বরকবা নিনি-ন'
সীকাঙ চেঙগীরাদি।
- কাইথ' : দ আবতীই ফা-ন' খাইদি জেসা খাইফা-ন' ছক
হকজাক খাই-সে অীংগ'।
- বদরঙ : তে-ব' তঙগ' বরক, চীঙ খাই বরকসে বাঙনাই।

বদরঙ, কাইথ' থাংখা।

বুবাগ্রা, বুবাগ্রা কুসু ফায়খা।

- বুবাগ্রা : বুবাগ্রা কুসু, তাকীলাই চীঙ কামিঙ কীতা-ল'
সেয়ীই ফায়মানি বসর-বা তঙথ' থকনি-ব' বসর,
তাকীলাই খাই জতনি-ন' মাই খুল-ব' ফলেনাই
বিসি-খাই নীঙ তাকীলাই-খাই জতনি থানি-ন'
পুইসা লেপসাখাই বিসি খাজনা নাহার-বাইদি।
- বুবাগ্রা কুসু : বুবাগ্রা, জন' পুইসা লেপসা খাই খাজীনা নাহার
খাই বুই জত' বরক রিয়ীইদে মান-ন' মানয়া, পুইসা
লেপসা খাজীনা নাহার-নানি হিনব' বাগসা-খাই
রিয়ীই মাননী, বাগসা-খাই রিয়ীই মাননিয়া বুবাগ্রা।
- বুবাগ্রা : বুবাগ্রা কুসু, রিয়ীই মাদে মান-ন' রিয়ীই মাদে
মানয়া আ-ব' আঙ সায়ীই মানয়া। আঙ খাজীনা
নাহার-মানি বাই-সে কক। তাকীলাই-ত' ছক
হাকীরা হকলাইমানি মাই খুল-ব' বিসি-খাই

মাননাই। বরগ আ-ন' পুইসা লেপসা রিনানি
 মাননিয়া দে, বরগনি রিয়ঁই মানয়া কক বাই আঙ
 তঙয়া, আঙ খাই তাকীলাই হিনখাই পুইসা লেপসা
 বিসি খাজীনা খাই মা-ন' মা নাহারনাই। নীঙ ম
 কক-ন' আউই খায়ঁই রিদি হাতি হাখাই তাই
 কামিঙ কামিঙর-গ' খাম বুয়ঁই। নীঙ সাদি
 তাকীলাই কামিঙ কীতা-ল' কামিঙ সেয়ঁই
 ফায়মানি জত-ন' খাজনা তাই পুইসা লেপসা খাই
 বিসি মারিডানী হিনাঁই খাম-ন বুরিদি।

বুবাগ্রা কুসু

: আউ বুবাগ্রা, আঙ আবতঁই হিনাঁই-ন' খাম
 বুরিডানী।

বুবাগ্রা, বুবাগ্রা কুসু থাংখা।

বদরঙ, কাইথ', মনিয়া ফায়খা।

বদরঙ

: নরগ ফায়বাই-খাদা দা কাইথ', দা মানিয়া-ব'
 ফায়খা বীলা। তিনি খাই যাগুল খিললায়ঁই ছক
 হকলাইমানি খাই কাহাম-ন' আঙনাই।

মনিয়া

: চিনি যাগুল খিললায়ঁই ছক হকনাইরগনি দল
 হিনখাই তে-ব' বিসি খাই বাঙনাই, বুই জত-ন'
 ফায়ঁই চিনি দ-ল' হাবফায় বাইনানি-ফন আ-ন'
 তিনি চিনি কামিঙনি বরকরগ সায়ঁই রিহর-বাইঅ।

কাইথ'

: ফায়থুন তা আববা কাহামনি ককসে বীলা,
 পাল-খায়ঁই যাগুল খিল-লায়ঁই কাম
 খাইলাই-খাইবা তেবসে বিসি কাহাম।

বদরঙ

: পাল-ন' পাল কাহামতা। বরক আঁঙখা সাইচুঙ
 তঙয়া' পাল খায়ঁই-ন' তঙনাই বরক নিয়াদা। বরক
 আঁংগাঁই সাইচুঙ তঙগাঁই মানয়া নিয়াদা। আব'
 বাই-ন' চাঁও যাগুল খিললায়ঁই কাম খাই-খাই খাই-
 থ-গ' সীলাই।

- কাইথ’ : অ নরগ কক থাইসা খীনাবাই’খা দে? ব-র’ তাকীলাই বস-র’ মাই খুল তিসা বাই খাই আগি খাজীনা রিয়্যাই তঙমানি সীলাই তাই লেপসা পুইসা বিসি মা রিডানী হিন বেলে। আবতাই হিনীই হাতি বাতি তাই কামিঙ কামিঙর-গ’ খাম বুরিয়্যাই রি হিন বেলে’, আব’ কুবুইদা নরগ খীদে খীনা বাইখা, আঙলে উসীকাঙগসে খীনাঅ।
- মনিয়া : বুইলে জেসা তেসা আঙলে আসীক পুইসা বিসি-ন’ খাজীনা রিয়্যাই মানজায়া তাকীলাই। আগিনি খাজনা-নসে রিয়্যাই মাননিয়া’ আঙ তা-ম’ খাই রিনানি, ন-গ’ মুইয়া থা-সে রুগীই চায়ীই তঙগীই।
- বদরঙ : আঙব’ আবতাই-নতা থা মুইয়া রুগীই চায়া ফা-ন’ রুগীই চামানি সীলাইন’ যাক লাইঅ। আয়াং দলিত কামিঙগ’ তঙফুরুখাই মুলা খায়ীই চানানি হিনব’ সালসা সুলসু মা-ন’, অর’ কামিঙ কীতা-ল’ সেয়ীই ফায়মানি অরঅ তঙগীই তা-ম’ মাননানি।
- কাইথ’ : আউ অরঅ কুসতাম ফানসে মাননানি কীরীই। মানমানি হিনখাই বলঙনি থা-সিমি-ন’ মাননাইতা, তাবুক বলঙনি মুইয়া-ব’ মানথগয়া-খ’, বলঙনি মুইয়া-ব’ রুগীই চায়ীই তঙনানি।
- মনিয়া : আঙ রিয়্যাই-ন’ মানজানিয়া বুবাথ্রা আ-ন’ জেসা ফা-ন’ খাই খিবথুন। ব জে খাইমানি আবতাই-ন’ খাই-জাগীই মা তঙসিনাই তা তাই তা-ম’ খাই-নানিবা, আঙ তাই কুসতাম ফা-ন’ খাইনানি কীরীই।
- বদরঙ : আউ আঙব’ আবতাই-ন’ তাই কুসতাম ফা-ন’ খাই-নানি কীরীই।
- কাইথ’ : রাজা রাঙ কীরীই সিয়া উর্তাই নক কীরীই সিয়া হিনমানি নরগ খীনায়া গীজা দে? বিনি মুঙন’ রাজা বিনি মুঙন’ উর্তীয়।

- মনিয়া : আংসিথুন তাই তা-ম' খাইনানি। আঙ রাজা বাই
রাঙ সানজাগীই-ন' মাতঙনাই উাতীয়-ব'
সিজাগীই-ন' মা তঙসিনাই।
- বদরঙ : আউ তাই তা-ম' খাইনানিবা।

বদরঙ কাইথ' মনিয়া থাংখা।
বুবাগ্রা, বুবাগ্রা কুসু ফায়খা।

- বুবাগ্রা : আ-ন' নক কুরিদক নকদক চালাই কুরিদক
চালাই-দক চুবাচুরগানি, ম হুক-ন' হকফুরগুঅ,
আনি অ হুক হকফুরগুঅ জত' বরক দে ফায়বাইখা
নীঙ কিসা খবররগ নাহারীই নায়বাই দি জত' বরক
দে আনি হু-গ' ফায়বাইখা, ফায়খাই সা-ব' সাব'
ফায়খা, ফায়য়া হিনখাই সা-ব' সাব' ফায়য়া আ-ব'
নীঙ লেখা-য়ীই তনিদি।
- বুবাগ্রা কুসু : আউ আঙ আ-ব' জত-ন' সা-ব' থাংখা সা-ব'
থাংয়া লেখায়ীই নারীগীই তনি-উানী।
- বুবাগ্রা : আঙ তাকীলাই খাজনা নাহার-থানিঅ তাই পুইসা
লেপসা বিসি নাহার-নানি হিনীই হাতি হাখাইঅ
কামিঙ কামিঙগ' খাম বুরিয়ীই রিমানি হিনখাই
বুই তা-ম' হিনবাইখা সীলাই বুবাগ্রা কুসু।
- বুবাগ্রা কুসু : বুবাগ্রা, আঙ নুকমানি খীনামানি খাই বিসি বরক-ন'
রিয়ীই মানয়া হিনীই কাবলাইয়ীই-সে তঙলাইঅ
অ কীপাল আঙ তা-ম' খায়ীই রিয়ীই মাননানি
হিনীই।
- বুবাগ্রা : বুবাগ্রা কুসু, নীঙ আনি কক-ন' খীনায়ীই নারীকদি।
আনি ককখাই-সে লরে ফা-ন আনি খাইখাই খাই
লরেয়া, আঙ খাইনানি হিনখাই খাইনাই-ন'
খাইনাই। তাবুক জত-ন' হুকনি মাই
রাবাই-গীরা-থুন, আহাইখাই-ন' আঙ আনি

খাজীনা রমনাইরগ-ন' দাগেয়াই রিনানি থাংদি
 নরগ খাজনা রমাইবাইদি হিনাই। জে খাজীনা
 রিহরীই মানয়া বরগনি থানি হিনখাই বিনি উক
 তক পুন রিচুম মাইরাঙ লুতা পাইসুর্গাই সকলায়াই
 তুবাই ফায়দি হিনাই সায়ীই রিহরনানি, অ বরকনি
 নকনি মানীয়রগ-ন পাইসুর্গাই সকলায়াই তুবাই
 ফায়থুন।

- বুবাগ্রা কুসু : বুবাগ্রা, বিনি কানমানি চুমমানি চামানি মাইরাঙ
 লুতা পাইসুর্গাই থুম-খীলাইয়াই তুবাই ফায়খাই
 বরগ তা-ম' খায়ীই বানচেনানি সীলাই বুবাগ্রা।
- বুবাগ্রা : বরগ জেসাখাইফা-ন' বানচেথুন, বরগ বানচেনানি
 দে আঙ সায়ীই মান।

বুবাগ্রা, বুবাগ্রা কুসু থাংখা।

সরদার, বলমতিয়া ফায়খা।

- বলমতিয়া : দা সরদার নীঙ চিনি বুবাগ্রা কামিঙ কাসকু রাজা
 বিনি প্রজারগ-ন' জন' পুইসা লেপসা খায়ীই
 খাজীনা-ন? বিসি খাই নাহারনানি হিনাই সামানি
 নীঙ হাদে হামজাকখা?
- সরদার : চিনি বুবাগ্রা কাহামফান' খাইথুন হাময়াফা-ন'
 খাইথুন, কাহামফা-ন' সাথুন হাময়াফা-ন' সাথুন
 চীঙ কুসতামফা-ন' সায়ীই মানয়া, সাখাই-ন' চিনি
 সরদার বলমতিয়া চীঙন' চংগাঁই রিমানি পায়ীই
 থাংনাই, আব' বাই চিনি বুবাগ্রা জে সামানি আব'
 নন' খীনায়াই মা তঙনাই।
- বলমতিয়া : আঙ খাই বিনি আব-ন' বিসি চাজকলিয়া, আগিঅ
 প্রজারগ-ন' খাজীনা জে বর্গাঁই রিমানি আবসে
 জত' বরক রিসুর্গাই মানয়া আঙলায়াই তঙগ',
 তাবুক তাই উইসা অ সাকাঅ পুইসা লেপসা

বগসিনাই রিনানি হিনখাইবা কীরাই বরকরগ তাই
রিয়্যাই মানসি, নাইনাবা বাগসা নক কুরক
খাইজাগাই মাইরাঙ লুতা রিচুম তীলাঙজাগাই
ফকির আঙগাই বিখা বির্যাই মাচাডানী। নাই
তঙলাইদি বরকনি তামসা-ন।

সরদার

: অ বিখা বির্যাই মাই মীচাখাই চাসে চাঅ, নীঙ
নুকয়াদা চিনি কামিঙ কীচাম দলিত পানথ-র' বিখা
বির্যাই সুদু-ন' মানয়া আঙলায়্যাই মাই মীচায়া
আঙগাই থীয়লাইমানি। তাবুক-ব' আগিনি হাই-ন'
হাই আঙগানী নায়াই তঙদি।

বলনতিয়া

: রাজা হিনখাই-ন' গীনাঙ-য়া দে, গুলাঅ মাই
গীনাঙ, য়া-গ রাঙ পুইসা গীনাঙ, ব তাই
কীরাইরগনি কক-ন' সায়্যাই মালাংসিঅ, কীরাইরগ
বুবতাই খায়্যাই তঙলাই চালাই।

সরদার

: তাবুক নক কুরিদক নকদক চালাই কুরিদক চালাই
দক-রগনি থানিঅ জ-ন' লেপসা পুইসা খায়্যাই
নাহার-খাই রাজানি বীসীক পুইসা ফায়খা
উনসুগাই নায়গীরাদি। আব' বাই-ন' রাজারগ
তামঙগাই গীনাঙ চায়া আঙনানি-বা, সুদু আ-ব'
সিমিয়া নক কুরিদক নকদক চালাই কুরিদক
চালাইদক-রগ ব-ন' হুক হকফুর সালসা মাই
কাইফুর সালসা হুক তাঙফুর সালসা মাই রাফুর
সালসা খায়্যাই চুবাচুর-মানি সীলাই আ-ব' খাই-ব'
মাগীনা মানয়া দেবা। নন-ব' আবতাই খায়্যাই চুবু
চুরয়্যাই রিখীলাই নীঙব' রাজা হাই-ন' রাঙ পুইসা
গীনাঙ খাঅ', অসই দে গীনাঙ খাবা। আবতাই
আঙগাই-ন' গীনাঙ খাতা। চীঙ বুই বাই আবতাই
খায়্যাই চুবাচুরজাক সীলাই চীঙব' ব হাই-ন'
গীনাঙ খায়্যাই থাংখামন। চীঙ খাইবা তা-ম' গীনাঙ
খায়্যাই মানয়া দা?

বলনতিয়া : আউ দা সারদার, নিনি কক খাই সহই-ন'।

সরদার, বলনতিয়া থাংখা।
বুবাগ্রা বাই বিহিক বনকইনা ফায়খা।

বনকইনা : বুবাগ্রা নীঙ তা-ম চিনি প্রজারগ-ন তাই পুইসা
লেপসা খায়ীই খাজীনা নাহারনানি বাগীই
বগসিনীই রি হিন সীলাই, চিনি প্রজারগ আহইন'
সে কীরীই বিগীরা খরঙ-খরঙ উঙলাইয়াই মাই
মীচায়া আঙলাইয়াই তঙলাইঅ, নীঙ আ-র তাই
পুইসা লেপসা বগসিনই রিখাই প্রজারগ তাই মাই
মীচা-সি-ন? নিনি আ-ব বিসি চালিয়া।

বুবাগ্রা : বুবাগ্রাজীক, নীঙ সায়ীই দে মানবা বরগনি থানি
আবতীই মাগীনা চুবাচুরু মানয়া খাই চায়া, আঙ
বরগনি বুবাগ্রা আঙগই মাগীনা চুবাচুরু মাননানি
সে নাঙনাই, আহাই যাখাই বাহাই আঙনানি
সীলাই।

বনবইনা : বুবাগ্রা, নীঙ বুবাগ্রা আঙগই নিনি প্রজা রগ-ন কিসা
ফা-ন খাইরকমানি কীরীইদা বরগ মাই মীচায়া
আঙগই তঙমানি?

বুবাগ্রা : বুবাগ্রাজীক, নীঙ বুজিয়া-খ আঙ বুবাগ্রা আঙগই
বরগন' খাইরকনানি ককসেয়া, বরগ-ন আঙ
খাইরক-খা খাই আঙ রাজা আঙগই গীনাঙদে
আঙগই মানন'বা, বরগ-ন গীনাঙ খায়ীই তনি
খাই চাসে চায়া, বরগ-ন গীনাঙ খাইখাই বরগ
আনি কাম-ন খাই-নবা? বরগ তাই আনি কামন'
খাইয়া তঙথুন মীচায়া মানীওয়া আঙগইন'। আঙ
বরগ-ন নায়সিকয়া মাসিসি খায়ীই তঙনানি
জেসফা-ন' আঙগই তঙথুন।

বনকইনা : বুবাগ্রা, কীরীই বরক তঙগই সে, নীঙকীরীই বরক
কীরীই হিন খাই তিনি-ন নিনি রাজা বায়ীই থাংনী।

বুবাগ্রা, বনকইনা থাংখা।
বদরঙ, কাইথ', মনিয়া ফায়খা।

বদরঙ : দা কাইথ' আনি হুকনি সীলাই নিনি ম হুক তেব'
বিসি হাকীরা আঁঙনা, নায়দি হাসে লফঙ লফঙ
আঁঙগীই তঙগ' য়াকুঙ বাই কাফিগীই নাইমানি।
সিয়া তাকী- লাইবা তাম' আঁঙন', নানা দাবুরা
তঙয়া জাগার-গবা ফায়ীই হুক-নত' চালাই ফায়খা
তাবুক-ত' চীঙ।

কাইথ' : নিনি আ-ব' হিন-ব' হুক চামানি বলঙ হাকীরা-ন'
মানজাকখা বেলে, মহাই-ন' য়াকুঙ বাই কাফিক
খাই য়াকুঙ ফলঙ ফলঙ হাবীই থাঙগ'। সিয়া
তাকীলাই চীঙ নানা চু-চু নুকয়া জাগাঅ সেলাই
ফায়মানি', আঁঙয়া খাইবা জুতুরা বুবার, আঁঙয়া
খাইবা খুমপুই বুবার আঁংনাই।

মনিয়া : আনি হুক হিন-ব' নরগনি হাই-ন' য়াকুঙ বাই
কাফিক খাই ফলঙসা কখীলায়ীই থাঙগ'। আনি
অ হুক হুকনানি হিনীই নায়মানি জাগা রুকখাই
বলঙনি উক য়াপাই-রগসে কুল কীরীই', য়াপাই
বাই য়াপাই মাং-সে নাঙলাই তঙগ' বলঙনি উক
থরানি। তাকীলাইবা তা-ম' আঁঙন' সিয়াদ'
ফায়য়ানি ফায়-মানিবা বুবতীইবা আঁংন'।

বদরঙ : তাই তা-ম' হিনীই সানানি, চীঙ থীয় বাই- মানি
উলনি সিরিসিতিঅ চিনি মুঙগীই কেরাঙ কথমা-ন'
সাজাকনানি তঙখাইবা তাকীলাই চীঙ পুইলা
ফায়ীই তায়ুঙ তীয়সঅ হুক খাইলাই মুঙসায়া
মুঙসা আঁংনাই আ-ব' আহাইন' সায়ীই মান বেলে।

- কাইথ : আঙখাই থিক খায়ীই তনিখা, আনি হুকনি উ হাদুগ'-ন' গাইরিঙ তাঙনানি হিনীই। অ হাদু-গ' খাই মাই-সিঙগা-ব' হামনাই। তাবুক হুক হকবায়ীই চইতর তাল ফায়খাই-ন' হুক-ন' সর্গাই গরিয়া কাঁচার বাই বুইসর সেনানি কানীয়নি কাঁচা-র' মাই কাইবাই খাই-ন' গাইরিঙ-ন' তাঙনানি-সে যাক চেঙগাঁই খিব-নানি তা, তাই তা-ম' খায়ীই তঙনানিবা।
- মনিয়া : আঙব' আহাই-ন' খাইনানিতা, তাবুক হুক কিসা হকবাইখাই-ন' বল উা সলক কিসা তানীই বাঁথার্গাঁই তঙগীরানা-খ'।
- কাইথ : আঙব' বল উাসলক কিসা মাতাননাই বলনি বার্গাঁই।

বদরঙ, কাইথ', মনিয়া থাংখা।

বুবাগ্রা, বনকইনা ফায়খা।

- বনকইনা : বুবাগ্রা, নীঙ তিনি হাতিঅ থাংখাই দাকতি ফায়দি আনি বাঁসাক তা-ম' লুম-তুতুক সাতুতুক আঁগাঁই তঙখা, আনি বাঁসাক তা-ম' আঁগা সিয়া-দ'।
- বুবাগ্রা : তামঙবা নিনি বাঁসাক লুম-তুতুক সা-তুতুক কিসা আঁগমানি-বা, তা-ম' আঁগনানি তাবুক মাইসিঙ কাঁচাং-মানি জরায়াদেবা, আঁগনাইনতা লুম-তুতুক সাতুতুক বা কিসা, আঙ হাতিঅ থাংগাঁই ফায়গীরানাখু, থাংখাই-ন ফায়য়ানী, আঙ বিসি লেরবুয়া।
- বনকইনা : বুবাগ্রা নীঙ বিসি লেরয়া। বুবাগ্রা কুসু সেঙ বুবাগ্রা সঙ বাই মালাই খাই-ন' লেরাই তঙনাই দয়ীই ফায়নিয়া মিলি মিলি আঁগাঁই। আঁগয়া খাইবা তিনি থাংয়াই তঙদি।

- বুবাগ্রা : আঙ তিনি থাংয়া খাই অঁঙয়া, থাংগাঁই বুবাগ্রা কুসু
বাই মালাইনানি নাঙগ' চিনি হুক হকনানি সাব'
চুবাচুরু ফায়খা সা-ব' চুবাচুরু ফায়য়া আবনি
খবর-ন' নাহারনানি।
- বনকইনা : অমা আঙ তা-ম' আতকাসা অখলাই চায়ীই ফায়খা
সীলাই, অমা আঙ তা-ম' অঁঙখা, আনি বখরক
মিছিমীই কীলাইনানি নায়' আ-ন' কিসা
রমগীরাদি-বা।
- বুবাগ্রা : হাই আতকাসা তা-ম' অঁঙগই থাংখা সীলাই।
দাইজীক ফায়গীরাদিবা নাঁঙ, বুবাগ্রাজীক
আতকাসা তা-ম' অঁঙগাঁই থাংখা কিসা নায়
গীরাদি।

দাইজীক ফায়খা।

- দাইজীক : হাই তাম' অঁঙখা সীলাই বুবাগ্রাজীক।
- বনকইনা : তামঙব' অখলাই চায়ীই বখরক মিছিমীই হাঅ
কীলাই থানানি নায়' আতকাসা। বুবাগ্রা নাঁঙ অরনি
কুতুল-গীরাদি।
বুবাগ্রা থাংখা।
- দাইজীক : বুবাগ্রাজীক নিনি ম কুসতাম ফা-ন' অঁঙয়া, চেরাই
কীতাল আচাই-নানি বাগাঁই-সে আবতীই অঁংগ'।
- বনকইনা : দাইজীক, নন' আঙ নিনি ফিকুঙগ' ফুঙসা বুয়ীই
রিডানী-দ।

বনকইনা, দাইজীক থাংখা।

মনিয়া, মায়াতি ফায়খা।

- মায়াতি : নীঙ তিনি বিয়াং থানানি নয়।
- মনিয়া : উ দা সরদার বাই কিসা মালাইয়াইনানি কাম কিসা নাঙগ', রাঙ পুইসা কিসা সীক সলক দে মান মুন-ন' নায়াইনানি। চিনি নগ' তিনি সাইরিকনি মাইরুঙসে কীরীই, বিনি থানি কিসা সীক রাঙ পুইসা সলক মানবুয়া খাই তিনি সাইরিগ' চিনি ন-গ' মাই-তীক-সে মীথালনিয়া।
- মায়াতি : আনি বাসাক তিনি তা-ম' খাপচায়া আংগাঁই তঙগ', আব' বাই-ন' নন' বিয়াং থানানি হিনাই সাংগ'।
- মনিয়া : হাই মিয়াঅ-ন' নিনি বাসাক কাহাম-কীরীঙ আংগাঁই তঙমানি বালা সীলাই', তিনি খাই আ-ব' তা-ম' নিনি বাসাক বা হাময়া আংগাঁই থাংসীলাই? তামঙ বা তাবুক নিনি বাসাক?
- মায়াতি : তিনি তামঙগাঁই-ব' আতকাসা আনি অখলাই চায়ীই তঙগ' বখরক' মিহিমী। আঙ কুসতাম ফা-ন' চায়া বেলে তামঙগইবা অবতীই আংখা সিয়াদ', ইক' অখলাই চায়ীই কীপানানি-মাং মুচুঙগাঁই তঙ-খাতা।
- মনিয়া : নীঙ তাম' আংখা আঙব' চাবীই মানলিয়া, আঙ দা কাইথনি বিহিক বাচাই-ন' রিঙগীরানা-খাই, ব কিসা ফায়ীই নয়ফাইগীরাতুন তাম-ব' আংখা নিনি বাসাক-বা, আঙ রিঙগাঁই নাহার-গীরানা খু।
- কুনজুতি ফায়খা।
- মনিয়া : বাচাই নয়গীরাদি নীপীরাঙ-জীক-ন' মিয়া খাই কাহাম-কীরীঙ-সে তিনি খাই আতকাসা আ-ব' তামঙগাঁইব' অখলাই চাজগাঁই বখরক মিহিম-জাগাঁই তঙখা, নীঙ কাহাম খাই নয়গীরাদি বাচাই।

- কুনজুতি : বক' তামঙবা বিনি বীসাক কুসতাম আঁগুয়া বেলে তামঙ বা নীঙ কীকীইনি বিহিক।
- মায়াতি : বাচাই, তিনি তা-ম' আতকাসা অখলাই চায়ীই বখরক মিহীমীই তঙগ' আনি বীসাক মিয়া খাই কাহাম কীরাঙ-সে বাচাই।
- কুনজুতি : নীঙ মীতীই আঁগুমানি-বা চেরাই কীথার আচাইনানি বাগীই-সে বেলে, আবতীই হিনীই সিখাই আঙ ফা-ন' ফায়গীলাক- খামন, কবর-রগ চেরাই কীথার আচাই- নানি নাইমানি সুদু-ন' সায়ীই মানয়া, গীজা। আঙ থাংগীরা-নাখু, আনি দিবরনি মাই-মুই-সে সঙজাকয়াখী।

কুনজুতি থাংখা।

- মায়াতি : নিনি বীসা চীলাদে আঁংন' বীরীই।
- মনিয়া : সিয়া আ-ব' নীঙসে সায়ীই মা-ন' চীলাদে আঁংন' বীরীইদে আঁংন'। চীলা আঁংখাই নিনি লগি সঙ আঁংনাই। বীরীইরগ বানানি সিমি-ন' চু-গ', চীলাদে আঁংন' বীরীই দে আঁংন' সায়ীই মানয়া দ, চেরাই আচাই খাই নুগানী।

মায়াতি, মনিয়া থাংখা।

কাইথ', কুনজুতি ফায়খা।

- কাইথ' : অ তামঙগীই মাই-মুই সংজাক যা-খ' সীলাই চিনি ন-গ', নীঙ বিয়াং থাংগীই তঙগীই সীলাই, দিবরনি মাই-মুই সং- জাকয়া খায়ীই বিয়াং থাংগীই তঙগীই আসীক লেরীই।
- কুনজুতি : আঙ মাই-মুই সঙনানি নায়ীই তঙমানি-ন' ইক' নিয়াদে কীকীই মনিয়া আ-ন' রিঙগীই তীলাঙগীই থাংফাই সীলাই।

- কাইথ' : তাম খাইনানি নন' আতকাসা রিঙগাঁই তীলাঙগাঁই
থাংফাইবা ?
- কুনজুতি : কাই মনিয়ানি বিহিক মিয়া খাই কাহাম কীরীঙন'
তিনি খাই আতকাসা অখলাই চাজাগাঁই বখরক
মিহিমজাক তঙখা আব-ন' কিসা নায়াই থাং
ফাই-গীরাডি হিনাই রিঙগাঁই তীলাঙ-ফাইঅ
নিয়াদা ।
- কাইথ' : উল' নীঙ থাংগাঁই তা-ম' নুগাঁইখা মনিয়ানি
বিহিকরগ-ন ?
- কুনজুতি : আঙ নায়নানি হিনাই থাংবা বরগ হিসাকনীয়
বখর-গ' তীয় বুলাই তঙলাইয়ী । উল' খাই আঙ
থাংগাঁই সাংগাঁই নাইখাতা তামঙ সীলাই হিনাই,
আঙ উ-ল' বীসাকরগ রমই নায়াবা আ-ব' সাক
কুপুলুঙনি বাগাঁইসে আবতাই আংগ' । উলখাই
কাই মনিয়া-ন' সায়াই কাব্যুই ফায়খা তাউনাদি
হিনাই ।

কাইথ', কুনজুতি থাংখা ।
বদরঙ, কাইথ', মনিয়া ফায়খা ।

- বদরঙ : দা কাইথ' তিনি খাই আনি ছক মিথিঙগাঁই খিবনাই,
তিনি আনি ছক মিথিঙমানি সালবা দা কাইথ'
থাইসা মা রীচাবনাই ।
- কাইথ' : আনি খরাঙ হাময়া রীচাব-নানি ফা-ন', নরগ-সে
রীচাবদি, নরগনি খরাঙরগ-সে বিসি খায়ীই কাহাম
গীজা ।
- মনিয়া : নীঙন' মারীচাবনাই দা কাইথ' ।
- কাইথ' : (রীচা-ব) ।

হাচীকনি খরাঙ জাদু কলিজা রীচাবাই তঙগ'
 হদা অকীরা চাঙন' ফীরীঙমা বাগীই।
 মানি ককসামা কক বাই রীচাবাই তঙগ' হদা ফীরীঙমা কক-ন'
 চিনি কক বরক ককথাইরগ-ন'।
 হদা অকীরা চিনি রীচাবমুঙ ফীরীঙ কীলাংখা, মায়' বাবু-সঙ থানি
 মুকুমু নারীকদি হিনীই।
 অ মায়'-বাবু সঙ রীচাব কীলাংবা, বরগলে চিনি থানি
 সীরীঙ নারীকদি হিনীই।
 চিনি সিরিসিতিনি রীচাবমুঙ রীচাব নারীকদি, জাতি হিন সিনিজাকদি
 মুকচাক লে হিনজাকনানি।
 দুনা রাগিনি তীয়ীই রীচাব' দুমা নাঙ-তীতীই চাঙলে
 বেরি রাগিনি তীয়ীই রীচা-ব' কুউই চাতীতীই চাঙলে।
 লক্ষপতি রাগিনি তীয়ীই জাদু কলিজা চাঙলে রীচা-ব' হদাসঙ ফীরীঙমানি বুইনি
 ককথাইয়া মানি-সে ককথাইয়া চাঙলে রীচাবাই মুকুমু তনদি,
 জাতিনি মীখাঙন' সুদি।

- বদরঙ** : বাপরি দা কাইথনি খরাঙ হাম-নতিতে দুঙুরনি
 তীয় রিয়র-তীই আংগীই তঙ বেলে।
- মনিয়া** : খাইবা কাইথনি খরাঙ, বিনি ককথাই
 বানক-মানিসে কম খীনাথক, ব বানক খাই
 কুবুই-নতা, চাঙ নিজিনি জাতি গুসতিনি হকুমু
 মুকুমুবা নারীকনানি নাঙনাইনতা জেসা খাই
 ফা-ন', আংয়া খাই চিনি নিজিনি জাতি গুসতি-ন'
 কুবুনি জাতি গুসতি-রগ পায়ীই খিবানী।
 আব'বাইন' চিনি জাতিনি গুসতিনি ককমুঙন'
 জেসা খাই ফা-ন' মা নারীক-লাই-নাইতা।
- বদরঙ** : আউ নিনি কক খাই কুবুই-ন' চিনি মানি কক খাই
 মা-ন' মা নারীকলাই-নাই জেসা খাই ফা-ন'।
- কাইথ'** : আনি অ ককথাই সইয়াদা, চাঙ খীয়ীই
 থাংবাই-মানি উ-ল' হিনখাই চিনি মানি কক বাই

রীচাবমুঙ মুসুবমুঙরগ পর্গাই থাংবাইয়ানী, চিনি
ককথাইনি রীচাবমুঙরগ-ন' রীচাব-নিয়া গীজা।

বদরঙ, কাইথ', মনিয়া থাংখা।

কাইথ', কুনজুতি ফায়খা।

- কুনজুতি** : নীঙ খীনাখা দে কাই মনিয়ানি বিহিক মায়াতি
বামানি চীলাসে। অ চেরাই কাইইনি বীসাফা-ন'
কিসানি চীলা কাহাময়া, রাজা গরজানি বীসাহাই
আঙগাই তঙগ', আসাঁক খাই চীলা হা-ম'।
- কাইথ'** : আকন বুমা-বুফা-ন' চীলা কাহাম বীরাই কাহাম
নিয়া দে, বীসা তামঙগাই চীলা হাময়া অীংনানিবা,
আব' বাই-ন' চীলা হামতা। ব সা-ল' আচাই, মিয়া
দে তিনি দে আচাইখা, হামখা বাখাই বায়াই পাইখা,
বীরাইরগ খাই বাথানি-ন' দেরাবাইঅ।
- কুনজুতি** : বীরাইরগ বীসা মাসা বায়াই খিবনানি হিনব'
কিসানি ককয়া, বীরাইরগ বায়াই মানয়া অীংগাই
থায়াই থাঙজা-বাইঅ গিলা গিলা চারিয়াই। ম কাই
মনিয়ানি বিহিকলে কুসতাম ফা-ন' অীংজালিয়া
বাহাই-ব'।
- কাইথ'** : জত' বীরাই বায়াই মানয়া অীংয়া বেলে, খরকসা
খীরীক-সুসে বায়াই মানয়া অীংগাই থায়', বায়াই
মানয়াই থায়নাইরগ বুমা-ব' থায়' বীসা-ব' থায়'।
থায়খাই খরকনীনায়-ন' থায়নাই। বুমা বাই বীসা
বাই থায়জাগাই নায়দি। থায়জাগাই নায়দি
হামজাগাই কাইজাক তুবাই ফায়মানি বীরাই-ন',
বাখা তা-ম' হাই অীংগাই থাং।
- কুনজুতি** : আব' জে থায়জাকনাই কায়সাসে সায়াই মা-ন'
থায়াই থাংনাই খাই সায়াই মালাংয়া বীসাই তাম'
অীংগাই মাতঙ।

কাইথ', কুনজুতি থাংখা ।
কামিঙ কাসুক রাজা, বুবাগ্রা কুসু ফায়খা ।

- বুবাগ্রা : বুবাগ্রা কুসু, তাবুক-ত' জেসত' তালনি জরা হুগ' মাই তাঙলায়ীই তঙগ', আনি হুগ' তাঙনানি বাগই সাব' সাব' চুবাচুরুন্নানি ফায়খা নীঙ কিসা খবর নাহারীই নয়গীরাদি, আবতীই ফায়য়া তঙখাই নীঙ সায়ীই রিদি চুবাচুরু-ফায়থুন । জত-ন' ফায়ীই অ হুক-ন' তাঙখাই তাঙগীই খিবাই-নানি ।
- বুবাগ্রা কুসু : বুবাগ্রা, আউ আঙ জত-নন' সাহরীই রিবাইয়ানী সাব' সাব' বুবাগ্রানি হুক তাঙনানি-ন', তাই কিসাসীক তঙগীই তঙখীনা নগ' হায়া-চায়া কীলায়ীই তঙনাইরগ ।
- বুবাগ্রা : বরগনি অ হায়া-চায়া কীলায়ীই তঙমানি আ-ব' আঙ সায়ীই মানয়া । আনি হুক তাঙজাকনানি বাই-সে কক । নীঙ থাঙগীই তিনি-ন' সাকীলায়ীই রিবাইদি জে চুবাচুরুন্নানি থাংয়া বরকরগ বরগ চুবাচুরুয়ীই রিয়ীইবাইদি হিনীই ।
- বুবাগ্রা কুসু : অ আঙ তিনি-ন' থাঙগানী ।

বুবাগ্রা, বুবাগ্রা কুসু থাংখা ।
মনিয়া, অচাই, মায়াতি ফায়খা ।

- মনিয়া : দা অচাই, আঙ উথপনি মীতাই খাইনানি উ-ন' সীনামীই তনিখা, নীঙ ফায়-খাই-ন' মীতাই খাইনানি বাগীই । নীঙ ফায়ীই মীতাইনি উ-ন' সীনামীই মীতাই খাইনানি হিনখাই লেরীই থানাই হিনীই আঙন' সীনামীই তনিবাইখা । নীঙ ফাই খাই-ন' মীতাই-ন' খাইনানি হিনীই ।

- মায়াতি : দাদা নীঙন' আনি চীলা বীসানি মুঙন' ফারীই মা রিনাই। অ মুঙ বাই-ন' নীঙ মীতাই মা খাইনাই। তিনি ডাথপ রিয়াই মীতাই খায়াই আবুল সুমানি সালবা নীঙন' মুঙন' ফারীই মারিনাই।
- অচাই : আঙ তা-ম' বুবতাই মুঙন'বা ফারীই রিমানি হামখা, মুকতা ফারীই রিখাই তামঙ নরগ আবন' খাঁদে খীনাথক- জাকবাই-ন' সাবাইদি।
- মায়াতি : দাদা নীঙ মুঙ ফারীই রিমানি খীনাথক-ন' আংখা, আবতাই মুঙয়া খাই তাই বুবতাই মুঙ আংনানি সীলাই, মুঙ খীনাথক-ন' আংখা।
- মনিয়া : মুঙ খাই খীনাথক-ন' আংখা।

মনিয়া, অচাই, মায়াতি, থাংকা।
বুবাগ্রা, দাইজীক, ফায়খা।

- দাইজীক : বুবাগ্রা, বুবাগ্রাজীক সাকখালাস' আংমানি বীরীই আংখা, আঙ আগি-ন' বীরীই আংগানী হিনাই সামানি বীরীই-ন' আংখা। বীরীই আংখা কাহাম-ন' আংখা। বুবাগ্রা, চীলানি সীলাই বীরীই-ন' হাম', চিনি বীরীই-ব' জত-ন' খায়াই মান বেলে, চিনি বীরীইনি মানয়া কাম হিনাই কীরীই, চীলা মানমানি সীলাই-সে বীরীই মা-ন', চীলাসে বীরীই সীক মানয়া।
- বুবাগ্রা : আউ আহাই-ন' দাইজীক, মুঙ খাই তা-ম' ফারীই রিমানি হাম-ন' দ দাইজীক নীঙ থাইসা ফারীই খীনারি-সীলাই। তা-ম' মুঙন-ব' ফারনানি মুচুঙ ফারীই খীনারিদি নীঙ।
- দাইজীক : আঙ মুঙ ফারীই রিখাই নরগ খীনাথক- জাকনিয়া বেলে।

- বুবাগ্ৰা : দ নীঙ থাইসা ফাৰীই খীনাৰিদি মুঙ, তাম' ফাৰনানি মুচুঙ ফাৰীই খীনাৰিদি দাইজীক।
- দাইজীক : মিলিকতি কইনা ফাৰীই ৰিখাই তামঙ বুবাগ্ৰা।
- বুবাগ্ৰা : বাপৰি নীঙ ম বৰনি মুঙ কাহাম নায়াই তিখিলায়াই তুৰাই মিলিকতি কইনা হিনীই ফাৰীই ৰিখা আসীক মুঙ খীনাথক-ন'। নুঙ হামীই তঙদি চায়াই তঙদি দাইজীক।

বুবাগ্ৰা, দাইজীক থাংখা।

বুবাগ্ৰা, বনকইনা ফায়খা।

- বুবাগ্ৰা : বুবাগ্ৰাজীক, নীঙ চিনি মাতিঙনি মুঙন' চিনি নকনি দাইজীক মিলিকতি কইনা হিনীই মুঙন' ফাৰীই ৰিমনি নীঙ খীদে খীনাথকজাকখা ?
- বনকইনা : বুবাগ্ৰা, অ মুঙন' আঙ বেলাই খায়াই খীনাথক-জাকখা। চিনি নকনি দাইজীক আসীক মুঙ খীনাথক নায়াই ফাৰীই ৰিয়াই মান-দ'। আবতাই মিলিকতি মুঙন' আঙ বইনি বুখুগ-ব' উইসাফা-ন' খীনায়া-খ', তাবুক আনি সাজীকনি মুঙন'-সে খীনাসিঅ।
- বুবাগ্ৰা : ম মুঙন' তঙসিথুন, ম মুঙ বাই-ন' আবুর সুয়াই খিবনাই।
- বনকইনা : ম মুঙ বাই-ন' আবুর সুমানিতা চিনি দাইজীক ফাৰীই ৰিমনি বাই-ন'।

বুবাগ্ৰা, বনকইনা থাংখা।

সরদার, বলমতিয়া ফায়খা।

- সরদার : বাহাই আংজাকখা নীঙ চিনি বুবাগ্ৰানি বীসাজীক মিলিকতি কইনানি আবুর সুমানি মাই-মুইৰগ, নীঙ থদে থকজাকখা ?

- বলমতিয়া : থকজাকখা তাই বীসীক খায়ীই মাই-মুই থকনানি সীলাই। জতনি সীলাই বেরমা বীতীই বিসি খায়ীই থকখা। বরক হিনব' বাংখা বেলে। বরক রাজানি নখলা চাকয়া আংগীই তঙখা, মাই চারিমানি হিনব' লাইন ললক-বাইখা, লাইমানি লাই হিনব' কুডার কুডার বরনি-ব' নাহারীই ফায়খা সিয়াদ' লাইমানি লাই-ন।
- সরদার : হাচীকনি নাহারীই ফায়খীনাতা, তাই বরনি লাইমা লাই-ন' মাননানি-বা আসীক কাহাম কাহাম লাই-ন'।
- বলমতিয়া : আউ হাচীকনি-ন' নাহারীই ফায়খীনাতা।

সরদার, বলমতিয়া থাংখা।

বুবাগ্রা, বুবাগ্রা কুসু ফায়খা।

- বুবাগ্রা : বুবাগ্রা কুসু, আনি কামিঙনি বরক-রগ জতদে ছকনি মাই-ন' রায়ীই নগ' তিসাবাইখীনা নীঙ খবরদে নাহারীই নায়খা ?
- বুবাগ্রা কুসু : বুবাগ্রা, ছকনি মাই-ন' জত বরক রাবাইয়া-খ'। তাই হাতি বারসা হিনখাই জত-ন রাবাইয়ানী হিনাই সালাইঅ, আঙ উসীকাঙগ চিনি কামিঙ গুরিয়ীই বেরায়ীই সীংগীই নায়বাইমানি। বাগসানি হিনখাই রাবাই দরপ আংখা, বাগসানি খাই রাবাই-য়া-খ', তবে রাবাইনানি লে কাসকগীই তঙবাইখা। জতনি-ন' জে তঙনাইরগনি-ব' তাই কিসা কিসা-খাই-ন' তঙবাইসিঅ।
- বুবাগ্রা : বুবাগ্রা কুসু, তাই বীসীক তঙগীই নকথায় খাজীনা রমনাই, তসিল-ন' রিঙহর-মানি হাম-ন' ?
- বুবাগ্রা কুসু : বুবাগ্রা, তাই হাতি বারসা তঙগীই রিঙহরদি খাজীনা রমাইনানি হিনখাই। অ জরার-গ' খাই-ন' চাউনী হাই মাতঙগ'। বুবাগ্রা, বাগসা খাজীনা

বুবাগ্রা : রিয়্যাই-ন' মানয়া তঙগানী, ব-ন' খাই তা-ম' খাইনানি অীংখা সীলাই বুবাগ্রা।
: বিনি পুন মাসা তক মাসা-ফা-ন' তঙগানী বেলে, মাইরাঙ লুতাফা-ন' আবন-ন' সকলাইয়্যাই তুবাই ফায়থুনতা, ব-ন' খাই তামনি যাকারীই তঙনানি-বা।

বুবাগ্রা, বুবাগ্রা কুসু থাংকা।
কাইথ', কুনজুতি ফায়খা।

কুনজুতি : তাম কিসা কিসা খাই খীনামানি ম খিপিত খাজীনা-সে রমফায়নানি হিন বেলে, নীঙ খীদে খীনাখা খাজীনা রমফাইনানি হিনমানি কক-ন'। খাজীনা রমফায় খাইলে নীঙ খাই কুসতামফা-ন' হরীই মানজানিয়া, হুকনি মাইব' দাকেয়্যাই থাংখা' সিনজ-ব' মাই তানীই খিববাইখা, খুলসিপিব' মানথালিয়া, খাজীনা রমনাইরগ ফায়খাই যাক বুকচা কিফিলীই মা থাঙবাই-য়ানীতা।

কাইথ' : মনিয়া সঙনি হিনখাই চিনি সীলাই তেব' বিসি মাই মানয়া অীংখাংখা সিনজ' তানমানি বাই উাক মাই চামানি বাই। বরগ খাই থপচাফানসে মাই মানলিয়া, হুগ' থাংগীই যাক বুকচা খায়ীই কিফিলীই মা ফায়খা। থাংখা মনিয়া বিসানি দুখু খায়ীই হুক হকমানি মাই কাইমানি হুক তাঙমানি। আ-ব' কমখাই দুখু খাইজাখা বিসা।

কুনজুতি : আবতীই-ন' কীরীইনি হিনখাই কীরীই-ন' অীংগ', গীনাঙনি হিনখাই গীনাঙ-ন' অীংগ', চীঙব' আহাই-নতা তাকীলাই বিসা তা-ম' খায়ীই চালাই-বাইনানি সিয়া-দ'। তাবুক খাজীনা-ব' রিহরনানি পলাসা হিনখাই তামসে খাইখা।

- কাইথ' : আহাই-ন' অক পুঙয়া তঙলাই- জাডানানিতা তাই
তা-ম' খাইনানি-বা, আয়াংব' তাকীলাই কামিঙ
কীতাল সেলাইয়াই ফায়মানি বসর, সানাই বিরাই
চানানি জাগা-ব' কীরাই।
- কুনজুতি : আউ চাঙ সানাই তুবাই ফায়মানি আবতাই জাগা
কীরাই।

কাইথ, কুনজুতি থাংখা।
মনিয়া, মায়াতি ফায়খা।

- মায়াতি : তাকীলাই চাঙ তাম-ন' চায়াই বানচেলাইনানি
সীলাই, ছকনি মাই-ব' বকল কলসাফান'
মানবুলিয়া হিনখাই। তুলা মানব'মানি-ব, লাঙগাসা
পুঙয়া, সিপিঙ মানবমানি-ব লাঙগাসা পুঙয়া
হিনখাই তাকীলাই তা-ম' খীলাইলাইমানি হামখা,
য়াংগ' চিনি বাসা-ব' মাসা তঙগ' হিনখাই বব' মাই
খপসা খুপসু চায়াই মানজাখা, বনবা তাম' চারিখা
চাঙ বা তাম-ন' চাখা তাকীলাই-ন' সীলাম
ফাকীলাইতা।
- মনিয়া : কীরাই-ব' কীরাই চাঙ হাই কীরাই তাই কীরাই
না চিনি হাংস্তেঅ। তাই তা-ম' খাইনানি-বা ফাইসা
চাঅ ফাইসা মীচায়া খায়াই-ন' বহক বুয়াই মা
তঙলাই-সিনাইতা। চাঙ তাকীলাই ছক হকমানি
বিসি খায়াই হাকীরা অংগাই- সে চিনি মাই
দাকেয়াই থাংবাইসিঅ, অ কিসা-কুসু মাই
তঙমানি-ব' সিনজ' বাই বলঙনি উাক চায়াই
খিব-খাই তাই বর- চাঙ সাই মানসিসানি-বা, আব'
বাইন' চাঙ মাই মানলিয়াতা।
- মায়াতি : চাঙলে জেসা তেসা চিনিলে বাসা চীলা কায়সা
তঙজামানি বিনি বাগাই-সে উানায়াই তঙগ', চাঙ

- চায়াইফা-ন' ব-ন' চারিনানি-ব' কুসতাম-সে
কীরাই হিনখাই বনলে তাম-ন' চারিনানি-বা ।
- মনিয়া** : চারিয়াইলে তনিয়াই মানয়া, বিখা বিরীই ফা-ন'
মা চারিনাই । আনি বাসা কায়সা সুসুঙনদে চারিয়াই
তনিনানি, আবলে আঙ তনিয়া । জেসা খাই ফা-ন'
আঙ চারি নাই-ন' চারিনানি । চাঙ চিনি য়াকুঙ-য়াক
কাহাম-খ' বেলে চাঙ বীখীকনীয় বিখা
বিরীইফা-ন' চারিলাই-য়ানীতা । চাঙ কাহাম
কীরীও তঙখাই-ন' পাইঅ ।
- মায়াতি** : কক-খাইত' আহাই-ন' চাঙ হাই-ন' দা-ল' পা-চ'
চায়াই মা তরসিনাইতা । বব' চাঙ চাতাই-ন' চাঙ
নাঙতাই-ন' মানীঙসিনাই মা চাসিনাইতা ।

মনিয়া, মায়াতি থাংখা ।

বুবাগ্রা, বনকইনা, দাইজীক ফায়খা ।

- বুবাগ্রা** : দাইজীক, আনি সাজীক মিলিকতি কইনা মাইরগ
আকরগ চায়াই দে তঙ ? তামরগ বাই চানানি নীঙ
ব-ন' সীংদি । কুসতাম ফা-ন' বিয়াল তাখাইদি জে
চানানি হিনীই সানমানি আব-নন' রিদি, আঙ
বুবাগ্রাসে তঙ বেলে, তাম'-ব নন' সান বিনি বুখুক
সিমি-ন' নীঙ নায়সিগীই তঙদি জে ব সানমানি ।
আবন-ন' রিদি জে ব চানানি হিনমানি আব-নন'
চারিদি ।
- দাইজীক** : বুবাগ্রা, আঙ ব-ন' কুসতামফা-ন' বিয়াল খায়াই
তনিয়া, ব জে সানমানি আঙ আবন-ন' রিঅ, ব
জে চানানি হিনীই সানমানি আঙ আবন-ন' রিঅ ।
আঙ বিনি বুখুক সিমিসে নায়সিগীই তঙগ' ।
- বনকইনা** : বুবাগ্রা, আঙ আনি দাইজীক-ন' নায়সিগীই-ন'
তঙগ' । ব চিনি সাজীক-ন' কুসতাম ফা-ন' বিয়াল

- খাইয়া, চিনি মাতিঙ জে সানমানি আবন-ন' ব
রিয়াইন' তঙগ'।
- বুবাগ্ৰা : আঙ থায়াই থাংখাই আনি যাকচু ব-ন-ন' খায়াই
কীলাংগাই থাংনাই। ব চীলা আংয়া বীরাই খাই
তামঙ।
- বনকইনা : ব বীরাই খাইবা তামঙ, বীরাই খাই বুবাগ্ৰা চালগাই
মানয়া আবতাই কক দে তঙবা? বীরাইরগ কাম
মানমানি সীক চীলারগ-সে আব' সীক খায়াই
মানয়া। দাইজীক আনি সাজীকনি বার নিনি
থানি-ন' জে নাঙমানি নীঙ আ-ন' সাদি। আনি
সাজীক জেসা ফা-ন' আংথুন কিসা ফা-ন' বিয়াল
খীলায়াই মাননিয়া।
- দাইজীক : আউ বুবাগ্ৰাজীক।

বুবাগ্ৰা, বনকইনা, দাইজীক থাংখা।

মায়াতি মুকতা ফায়খা।

- মায়াতি : বাবু সাজীলা নীঙত' আনি বহ-কনি আচায়াই
ফায়খা, নীঙ আনি বহ-গ' আচাইয়াই তাই কিসা
চাগীনাঙ নীঙ-গীনাঙনি ন-গ' আচাই-খাই
চাখামন। নীঙ আঙহাই কীরাই বিগীরানি নগবা
তা-ম' খাইনানি আচাইখা, আঙ হাই মীচায়া
মানীঙয়ানি নগবা। বাবু আঙ মীচায়াই বাগীই নীঙ
চামানি আনি আবুক-তীয়সে কম আংগাই তঙখা,
নন' তা-ম খায়াই চারীয়াই পুসিনানি, আঙ তেব'
মীতাই খায়াই ফা-ন' আঙ নন' পুলে পুসি নাই।
নীঙ তাবুক যাপিরি-ব' মানয়া-খ' কক-ব'
মানয়া-খ'। নন' আঙ আসাঅ বাবু, আঙ তাই
কেনব' আসায়া নন-ন' আসাঅ, আঙ থায়াই
থাঙফুরঃ নিনি যাকনি তীয় খপসা মা

নৌঙলাংখাই-ন' পাইঅ, হিমদি বাবু নন' তাবুক
ডায়িঙ বকসাই মখলৌই চেকেবনানি-সে নন'
মুথুনানি বাগাঁই।

মায়াতি বাসীলা মুকতা-ন' ডায়িঙগ' বকসায়াই ডায়িঙ চেকে-ব :

লে লে লে লে লে—

দিবর অীংতাই সাজরা জরা অীংগাঁই তঙখা-দ'

সাজীলা থুমানি জরা

তকমালে তীইমানি জরা

তগলা কতকমানি জরা।

বীতালে কীরাই-নি বুফায়ুঙ ন'বা,

বিবিলে কীরাই-নি বুফায়ুঙ ন'বা,

সাবলে বাই নানাই নন'।

নিনি সাক বায়াপ থুয়ঁই তঙবাইখা

আনি সাজীলা থুনানি জরা,

বিবিলে কীরাই নি বুফায়ুঙ-ন'বা

সাবলে বায় নানাই নন'।

মীখাঙ নায়সিক-ব' মীখাঙ বাতাসা

বুড়া-ন' নায়সিক-ব' মিসিরি-কাতা

সাবলে হামজাকয়াই তঙন'।

য়াসি-ন' নায়সিক-ব' য়াসি মুয়া সক

অ য়াসি-ন' নায়সিক-ব' য়াসি সবাই থাই

বুকুঙন' নায়সিক-ব' বুকুঙ সিরু-রুগ

আনি বাবু-ন' সাবলে খাফুরয়া তঙন'।

য়াকুঙন' নায়সিক-ব' য়াকুঙ বেঙ-ফারুক

কতক-ন' নায়সিক-ব' বাঁচাঙ মচমসা

বহক-ন' নায়সিক-ব' বহক সাইরানদা

সাবলে খাফুরয়া তঙনাই।

খুকচাঁই নায়সিক-ব' রনজনি খুকচাঁই

মকল-ন' নায়সিক-ব' মকল মুকডানজাঁই

বাবু-ন' সাবলে খাফুরয়া তঙনাই।
 মীখাঙ বাতাসা সাতুঙ নাঙগানী ফইরাঙগি সাতি হুঙদি
 য়াকরাই কীচাক ময়লা নাঙগানী সুনায় জুতা কাদি।
 নায়থক দুল-গীনাঙরগ-ন'
 খীনাই নায়সিক-ব' বাবরি কাতা
 দুলিয়াই দুলিনাই রগ-ন'
 বুইনিলে হাময়া আনি নাহয়া
 আনি সাজীলা রাঙচাক-সঙন'।

মায়টি, মুকতা থাংখা।

রাজানি খাজীনা রমনাই তসিল, বুবাগ্রা কুসু ফায়খা।

- বুবাগ্রা কুসু : তসিল নীঙ খীনা সনিনি বিসিঙগ'-ন' রাজানি প্রজা
 রগনি থানি খাজনা রমনানি নখরদি।
- তসিল : জতন'দে পাই-সুগীই খাজীনা রমনানি হিন বুবাগ্রা
 কুসু?
- বুবাগ্রা কুসু : আউ জত-নন' খাজীনা রমনানি নাঙগানী-ফন।
 তসিল : জে পাইথাক বিগীরারগ-ন' খাই তাম' খাইনানি
 হিন-সীলাই বুবাগ্রা কুসু।
- বুবাগ্রা কুসু : জে পাইথাক বিগীরারগ-ন' খাই বিনি তক
 তঙ-খাই বিনি পুন তঙখাই বিনি উক তঙখাই
 সকলায়ীই তুবুদি। আব' সুদু-ন' কীরীই হিনখাই
 বিনি কানমানি চুমমানি রিচুম তাই মাইরাঙ লুতা-ন'
 সকলায়ীই তুবুদি আব-ন' রাজানি আদেস।
- তসিল : বুবাগ্রা কুসু, আবতীই খায়ীই বাহাই-খাইবা
 তুব-রগনানি আঙ কীরীই বিগীরা বরকনিবা।
- বুবাগ্রা কুসু : চিনি রাজা সামানি কক-ন' চাঙ নারীকয়ীই তঙগীই
 মান-ন'? ব জে সামানি কক-ন' জেখাইফা-ন'
 মাসে মা নারীকনাই, আবতীই তুবয়া-খাই উল'
 রাজা খীনায়াই থাংখাই চাঙ তা-ম' খাইজাক-ন',
 জইদে তঙ।

- তসিল : বুবাগ্রা কুসু, আঙ খীনানি সিমি-ন' নখর-সিনাই
তা খাজীনা রমনানি বাগীই। আনি লগিঅ তাই
খরকনীয়-সীক তীলাংগীই থানী
বলনতিয়া-রগ-ন'।
- বুবাগ্রা কুসু : আউ আবতাইন' খাইদি, তীলাঙগীইন' থাংদি
বলনতিয়া রগ-ন'।
তসিল, বুবাগ্রা কুসু থাংখা।
তসিল, বলনতিয়া ফায়খা।
- বলনতিয়া : তসিল বাবু তাম' খাইনানি চাঙন' কীচার-সীলাই ?
তাম' চাঙ বাই কাম দে তঙ, কাম তঙ খাই সাদি
তা-ম' কাম তঙ।
- তসিল : রাজানি আদেস আঙ খীনানি সিমিন' রাজানি
প্রজারগনি থানি থাংগীই খাজীনা রমাইনানি নরগ
খীনাঅ আঙ বাই আনি লগিঅ খায়ীই মা থাংনাই।
আব'বাই-ন' আঙ নরগ-ন' রিঙগীই নাহা-র'।
নরগ খীনাঅ আনি লগিঅ মা থাংনাই।
- বলনতিয়া : দ থাংগানী তসিল বাবু। খাজীনা খাই বুবতাই
খায়ীই রমনানি হিন। নীঙ সায়াই দে মান ?
- তসিল : খাজীনাখাই আগিনি রিতিনি সীলাই তাবুক তাই
পুইসা লেপসা খাই বকসিনমানি, আব-ব' রমনানি
নাঙগানী-ফন।
- বলনতিয়া : আহাই খাই কীরীই বিগীরা খরঙ-খরঙ-ন' খাই
তা-ম' খাইনানি হিন-সীলাই। আ-ব' নীঙ সায়াই
দে মান ?
- তসিল : কিসা-ফা-ন' কীরীইজা বিগীরা খরঙ-খরঙ-ন'
খাই, ব খাজীনা রিহরীই মানয়া হিনখাই বিনি পুন
উাক তক তঙখাই আব-ন' কুরুক খায়ীই তুবনানি
কক তাই বিনি কানমানি চুমমানি রিচুম-নব' তুবুই
ফায়নানি কক, আরনি বিসিঙ মাইরাঙ লুতা-ব'

- সকলায়ীই তুবুই ফায়নানি কক ম বুবাথানি
আদেস-ফন।
- বলনতিয়া : অ সায়ীই মানখা, আহাই খাই বিগীরা
খরঙ-খরঙন'ফা-ন' খাজীনা রমনানি বাগীই যাক
ফায়াতা না তসিল বাবু।
- তসিল : আউ আবতাই-ন', আব' বাই-ন' নরগ আনি
লগিঅ মাতঙ-নাই।

তসিল, বলনতিয়ারগ থাংখা।

বুবাথ্রা জীক বনকইনা, বীসাজীক মিলিকতি কইনা ফায়খা।

বুবাথ্রাজীক বনকইনা মাতিঙ নীঙ তাম-ন'
চানানি সাদি আ-ন', নীঙ জে সানমানি আঙ
আব'-নন' নন' রিনাই। নীঙ সাদি নীঙ তাম-ন'
চানানি মুচুঙ। আনি মাতিঙ আঙ বাই কক' সায়ীই
মানয়া-খ', হিমীই-ব মানয়া-খ' কক-ব' সায়ীই
মানয়া-খ', নীঙ হিমীই কক খুক মানগীরাডি নন'
আঙ তা-ম' খাই, নীঙ জে আ-ন' সানমানি আঙ
আব'-নন' রিনানি, চাকুমীলা খাই চাকুমীলা
রসগুলা খাই রসগুলা পান-তাউয়া খাই
পান-তাউয়া নীঙ জে আ-ন' সানমানি আঙ
আব'-নন' রিনাই, নন' মুঙসা ফা-ন' বিয়াল বিয়াল
খিকীলাইয়া, নীঙ তাই কিসা তরগীরাডি আঙ নিনি
বীসা-গ' রাঙচাক-রিচাক সিমি-ন' খবীই
কানরি-নাই, চুমরি-নাই চাক-চাক চচম খাইয়াই
নীঙ দয়ীই তরয়ানি বাগীইসে তাবুক আঙ উনাই
তঙগ' নন' বুফুরু তরনানি হিনীই।

বনকইনা, মিলিকতি কইনা থাংখা।

বদরঙ, তসিল, বলনতিয়া ফায়খা।

- তসিল : বদরঙ, রাজানি হুকুম বাই চাঙ নিনি থানি খাজীনা
তীলাঙগাঁই থানানি হিনাঁই ফায়', নীঙ চাঙন'
তাবুক খাজীনা মা হরনাই। আগিঅ জে রিতি-ন'
তায়াঁই নীঙ জে খাজীনা হরই তঙমানি আবনি
সীলাই তই পুইসা লেপসা বিসি খায়াঁই মা হরনাই।
- বদরঙ : অমা আঙ আগিনি রিতি-ন' তায়াঁই খাই খাজীনা
হরই মানানী, তাবুক তাই পুইসা লেপসা
বগসিন-মানিলে আঙ রিহরাঁই মানয়া।
- তসিল : তাবুক কীতাল খাই পুইসা লেপসা খাজীনা
বগসিনাঁই রিহরমানি নীঙ পুইসা লেপসা হিনখাই
মান-মারিহর'। নীঙ রিহরাঁই মানয়া হিনখাই চাঙ
রাজা বাই হিনজাকনানি বাগাঁই দা।
- বদরঙ : অ পুইসা লেপসা বিসিন'লে আঙ রিহরাঁই
মানজানিয়া নরগ জেসাফা-ন' আন' হিনদি।
- তসিল : বলনতিয়ারগ, নরগ বদরঙনি খারচি কতরমা মাসা
সকলায়াঁই তইদি পুইসা লেপসা খাজীনা রিয়াঁই
মানয়ানি বদলা।
- বলনতিয়া : আউ তসিল বাবু।

বদরঙ, তসিল, বলনতিয়া থাংখা।
কাইথ', তসিল, বলনতিয়া ফায়খা।

- তসিল : রাজানি হুকুম চাঙ নিনি থানি খাজীনা তীলাঙ-গাঁই
থানানি হিনাঁই ফায়'। নীঙ চাঙন' তাবুক খাজীনা
মা হরনাই। নীঙ চুঙন' খাজীনা হরাঁই মানয়া
হিনখাই চাঙ নিনি নক-ন' কুরক খায়াঁই থিব-নাই।
থানদি হরফায়দি রাজানি খাজীনা।
- কাইথ' : আঙ রিতি তায়াঁই খাই হরাঁই মানানী, তাবুক তাই
পুইসা লেপসা বগসিনমানি খাই আঙ হরাঁই
মাননিয়া তসিল বাবু।

- তসিল : বলনতিয়া, থানদি বিনি খারচি কতর কতর নায়ীই
মাঙনাই রমাই তইদি পুইসা লেপসানি বদলা।
- বলনতিয়া : আউ ইক' তইখা তসিল বাবু।

কাইথ', তসিল, বলনতিয়া থাংখা।
মনিয়া, তসিল, বলনতিয়া ফায়খা।

- তসিল : মনিয়া, রাজানি হুকুম বাই চীঙ মা ফায়' খাজীনা
তীলাঙনানি বাগীই। নীঙ তাবুক চীঙন'
খাজীনা-সে মা হরডানী। আগিঅ জে রিতি-ন'
তীয়ই নীঙ জে খাজীনা হরীই তঙমানি আবনি
সীলাই তাই পুইসা লেপসা বিসি খায়ীই মাহরনাই।
- মনিয়া : আঙ আগিনি রিতিঅ তঙমানি আবসে হরীই মানয়া,
আবনি সীলাই তাই লেপসা পুইসা বকসিনমানি
আবত' হরই-ন' মানয়া। তসিল বাবু, আনি হুকনি
মাই-ন' আঙ কিসাফা-ন' চেখীরা বাই মা রালিয়া,
আবনি বাগীই আনি ন-গ' মাইচীলাম কলসাফান'
কালিয়া, আবনি বাদে-ব' খুল সিপিঙ-ব' মানলিয়া,
আঙ তাকীলাইনি বদলা খালি বিসিকনীয়নি
খাজীনা-ন' উইসা বাই-ন' রিফাইয়ানী। আঙ
তাকীলাই খাই রাজানি খাজীনা হরীই মানজালিয়া,
নরগ যাক বুকচা কিফিলীই মা থাঙবাই-জাসিনাইতা।
- তসিল : চীঙ রাজানি খাজীনা রমনানি বাগীই-সে ফায়',
য়াক বুকচা খাই কিফিলীই থানানি বাগীই ফায়য়া,
খাজীনা রিহরীই মানয়া দে সাদি।
- মনিয়া : আউ রিহরই-ন' মানজালিয়া তাই তাম' খাইনানি ?
- তসিল : বলনতিয়ারগ' নরগ মনিয়ানি নক-ন' কুরুক
খাইদি, থানদি উাক তক পুন রিচুম মাইরাঙ-লুতা
জতন' তিখিলায়ীই তীয়ীই হিমদি, কুসতাম ফা-ন'
কারীই তা কীলাংদি জত-ন' সাব খায়ীই তইদি।

মনিয়া : হাই তসিল বাবু আ-ব' তাম' কক হিনমানি আংখা সীলাই? আঙ তাকলাই খাজীনা রিয়ঁই মানয়া, খালি রিডানী হিনমানি- বদে বুজিলিয়া, নরগ আবতঁই খায়ঁই তীলাংগাঁই থাংখাই আঙ তা-মন' কানীই-চুমাই তঙনানি সীলাই, লাঙতা-লাঙতি-ত, তঙগাঁই মানয়া বেলে। তসিল বাবু নরগ আ-ন' আবতঁই তা খাইজাদি।

তসিল : নীঙ লাঙতা দে তঙ লাঙতি দে তঙ আ-ব' আঙ সায়াই মানয়া, আঙ ম বুবাথানি হুকুম বাই—সে মা খাইয়'। খাজীনা রিহরঁই মানয়ারগ-ন' খাই আঙ মীতঁই-ন' মা খাইয়'। মনিয়া নীঙ আ-ন ম' ককন' তা সাদি, বুবাথান-ন' থাঙগাঁই সায়াইদি চিনি কাম চাঙ খাইনাই।

মনিয়া, তসিল, বলনতিয়া থাংখা।

মনিয়া, মায়াতি, ফায়খা।

মায়াতি : অ কীপাল খালিসা নাঙনাইসা তসিল চিনি কান-মানি চুমমানি রিগীনাই রিসা-ন' জত-ন' থুমাই তীলাংগাঁই থাংবাইখা, চাঙ তাবুক তাম-ন' কানীই তঙনানি তাম-ন' চুমাই তঙনানি।

মনিয়া : আ-ব' সুদু দেবা, মাই চামানি মাইরাঙ-লুতা জত-ন' থুমখীলাইয়াই তীলাংগাঁই থাংবাইখা, মদে তাই তঙমুঙন' সলরিয়ঁই তঙসি।

মায়াতি : কীরঁই-তীতঁই পুন মাসা মুসু, তক মাসা মুসু ডাক মাসা মুসু রিজমানি আ-ব' জতঁসে থুমখীলাইয়াই তীলাংগাঁই থাংবাইখা, চাঙ তাই তা-ম' খায়ঁই বানচেসিনানি।

মনিয়া : ম তাবুক তা-ম' সে খাইখা উ রাজা রাঙ কীরঁই সিয়া, উতঁয় নক কীরঁই সিয়া হিনমানি ককবা নাঙগন'তা।

- মায়াতি : আঙ খীনানি সিমি বুইনি রিগীনাই কিচিকরগ দে তঙ কামচালাই কিচিক-রগ দে তঙ সানাই বির্রাই নাযানী। ম চাঙ কানমানি কাঙসা চুমমানি কাঙসা বাই দে তঙগাঁই মান। কান-সাঁলাই কান-সাঁকাঙ ফা-ন' তঙনানি নাঙগ' তাই চুমাই তঙনানি খাই-ত' সালিয়া-ন'।
- মনিয়া : জে রাজানি খাজীনা রিহর মানয়ারগ চাঙ হাই-ন' খাইজাকবাইখীনা কানমানি কাঙসা চুমমানি কাঙসা খায়াই। আব বাই-ন' চাঙ তাবুক উান-সুকনানি নাঙনাই কীর্রাই বাই গীনাঙ বাসীক হাকচাল নাযদি। কীর্রাই বাই গীনাঙ চালমানি হাই-ন' রাজা বাই প্রজারগ আসীক-ন' হাকচাল।

মনিয়া, মায়াতি থাংখা।

বুবাগ্রা, বুবাগ্রা কুসু ফায়খা।

- বুবাগ্রা : বুবাগ্রা কুসু, বাহাই-ব' আংখা চিনি তসিল খাজীনা রমমানি রদে রমবাইখা হিন।
- বুবাগ্রা কুসু : খাজীনা খাই রমবাইখা বুবাগ্রা।
- বুবাগ্রা : জতনি থানি দে খাজীনা মানসুকবাইখা হিন?
- বুবাগ্রা কুসু : বুবাগ্রা জতনি থানিন' খাজীনা খাই রমসুকবাইখা। জে খাজীনা রিয়ঁই রাঙ পুইসা রিহর্রাই মানয়া-ন' হিনখাই উাক তক পুন রি-চুম মাইরাঙ লুতা সকলায়ঁই তুব্বাই ফায়খাতা।
- বুবাগ্রা : আউ আ-ব' থিক-ন' খাইখা, আবতাই-ন' আঙনানি। আ-ব' খরকসা-ন' খাজীনা নাহরয়া তাকীলাই বস-র, যাকার্রাই রিখাই খালিনি বস-র কায়সা-ফা-ন, খাজীনা-ন' রিনাই তঙগীলাক, আব' বাই-ন' জত-নন' ফিয়ক-য়া খাই মা র-ম'।

- বুবাগ্রা কুসু : চিনি প্রজারগ খাই খরক-সা খুরুক-সু হিনখাই
কীর্ত্তাই বিগীরা খরঙ-খরঙ তঙগ', আবরগ খাই
তাবুক বেলাই খাই না-ল' খা-ল' কীলায়ীই
থাং-বাইখাতা। অীংয়া খাই মাসা মুসু-ন' মাই
মীচায়া থীয়খা সে হিনীই খীনাউনী নায়ীই তঙদি
বুবাগ্রা।
- বুবাগ্রা : আঙ তাম' খাইনানি সীলাই বরগ-ন'। আবতীই
খরকসা খুরুকসু-বা থীয়নাই-ন', নীঙ আয়াং তা
নাহারদি, চীঙ তাবুক গীনাঙ অীংগীই থাংনানি
বাইসে কক।

বুবাগ্রা, বুবাগ্রা কুসু থাংখা।

মনিয়া, অচাই ফায়খা।

- মনিয়া : দা অচাই, উসুকাঙগ' আঙ খাজীনা রিয়ীই মানয়া
অীংগীই তসিল আনি নকনি পুন তক উাক তাই
নকনি রিচুম মাইরাঙ লুতা জত-ন' থুমখীলাই
তুর্বীই ফায়বাইখা। জতই কানমানি কাঙসা চুমমানি
কাঙসা-ন' কাবুই ফায়সিঅ। নীঙ কিচিক মিচিক
ফা-ন' রিগীনাই রিসা রিয়ীই হরগীরাদি। আসীক
কাঙসা-ন, কাঙসা কানীই চুম্মীই তঙগীই মান-ন ?
- অচাই : আউ বাহাইখাই আবতীই খাইবা তীলাংগই
থাংরাগখা। রাজা হিনমানি বরক কিসানিয়া,
বরগনি বীখাঅ-মায়া মমতা কিসাফা-ন' কীর্ত্তাই।
আবতীই খায়ীই কানমানি চুমমানি-ন' সকলাইয়ীই
তুবরাগ হিন, আহাইন' সে চীঙ রাজা হিনীই মানে
তঙবা রাজারগ চীঙন' কিসা ফা-ন' মায়া কীর্ত্তাই।
গীনাঙ বরক-রগ চীঙন' মায়া কীর্ত্তাই নিয়া সীলাই।
বরগ চীঙন' মায়া তঙখাই মীতীই দে খাইবা ?

- মনিয়া : আঙ তাবুক-সে বুজিঅ কীরাই বাই গীনাঙ নখা
বাই হা চালমানি সীক চা-ল'।
- অচাই : হিনদি নীঙ আনি কানমানি আনি চুমমানি-নং মা
তীলাং নাইতা। ইক' নীঙ জে খা ফুরমানি-ন'
তীলাংদি।

মনিয়া, অচাই থাংখা।
কাইথ', কুনজুতি ফায়খা।

- কুনজুতি : নায়তে নায়তে কাই মনিয়ানি বাসীলাবা বিসি
দক-সে আংগাঁই থাঙখা বেলে। বুফুরবা আবসীক
আংগাঁই থাংখা সারীকগাঁই-সে মানলিয়া বেলে।
বসর লায়াই থাঙমানি-বা সারীক-সে মারীকয়া
বেলে বুফুরবা বিসি-দক আংগাঁই থাংখা।
- কাইথ' : আহাই-নতা বসর বুফুরবা লায়াই থাং সারীকগাঁই
মানয়া। তিনি লায়াই থাংখাই খীনা ফায়', খীনা
থাংখাই সনি ফায়'।
- কুনজুতি : কাই মনিয়া-সঙ অ বাসা মাসা-ন' পুসিমানি
কিসানি কসত' খায়াই পুসিমানি-লিয়া। ফাইসা
মীচা খাই ফাতিকনীয় মীচায়া, ফাতিকনীয় মীচা
খাই ফাতিকথাম মীচায়া খায়াই অ বাসীলা
মাসা-ন' পুসিখা।
- কাইথ' : নগ' কীরাই হিনখাই জত-ন' কীরাই, আ-ব'
মুঙসানি কীরাইয়া, রাঙ রি মাই খুল আ-ব' জত-ন'
কীরাইতা, বিনি মুঙন' বিগিরা খরঙ-খরঙ কুসতাম
ফা-ন' কীরাই।
- কুনজুতি : কাই মনিয়া-সঙব' আসীক আংগীলাক খামন।
রাজানি খাজীনা রিয়াই মানয়া আংগাঁই জতন'
কুরংক খায়াই তীলাংজাগাঁই-সে আবতাই
আংসিঅ।

কাইথ', কুনজুতি থাংখা।
বুবাগ্রাজীক বনকইনা, দাইজীক, মিলিকতি কইনা ফায়খা।

- বনকইনা** : দাইজীক' নীঙ আনি মাতিঙ মিলিকতি কইনা
বিসিদক আংগাঁই থাংখা, ব-ন' তাবুক তায়ুঙ
তীয়সাত তীলাঙগাঁই তুকুরিয়াই তুর্বাই মানখা,
নীঙ ব-ন' থাংগাঁই তায়ুঙ তীয়সাত অ তুকুরিয়াই
তুর্বাই ফায়দি, নীঙ আনি মাতিঙন' বীসাকরগ
ছয়াই জুইত খায়ীই তুকুরি তুবদি।
- দাইজীক** : বুবাগ্রাজীক, আউ ব-ন' আবতাই খাইয়াই-ন'
তুকুরিয়াই তুবানী নীঙ তা উানাди আঙসে
তুকুরিয়াই তুবুনাই তঙগ'।
- বনকইনা** : মাতিঙ নীঙ নিনি তয় বাই তায়ুঙ তীয়সাত থাংগাঁই
তুকুইলায়াইদি। নীঙ তুকুয়াই তঙফুরুঅ নিনি
তয়নি লগিনি তাকাকদি-দ, কাকখাইলে তীয়র-গ'
কীলীক কালাগাঁই থাঙগানী।
- মিলিকতি কইনা** : আঙ তয় বাই কাগয়া, মা আঙ তয় বাই-ন'
তঙনানি। আঙ বিনি লগিনি কিসা ফা-ন' কাগয়া।
- দাইজীক** : বুবাগ্রাজীক, নীঙ কুসতাম ফা-ন' তা উানাди,
আঙসে তঙগ', আঙ ব-ন' তুকুরিয়াই মুসুরিয়াই
কাঁচাঙ-কাঁচাঙ খায়ীই-ন' তুবুই ফাইয়ানী। নীঙ
তা উানাди, আঙসে তঙগ', নীঙ নগ-ন' তঙনাবা।

বনকইনা, দাইজীক, মিলিকতি কইনা থাংখা।
বুবাগ্রা, বুবাগ্রা কুসু, সেঙ বুবাগ্রা ফায়খা।

- বুবাগ্রা** : বুবাগ্রা কুসু, বাহাই খাই তঙবাই আনি নক কুরি-দক
নকদক চালাই কুরিদক চালাইদক, বুবতাই খাই
তঙলাই নীঙ সায়াই দে মান?

- বুবাগ্রা কুসু : বুবাগ্রা, তানখীলাই কতকনি থাই-ন'নুগ', বুখুলাই ফিকুঙ য়ামফীরা চাঅ, তসিল নিনি খাজীনা রম-মানি উলনি সিমি কীরীইখা নিনি প্রজারগ মাই মীচায়া তীয় মানাঙয়া আংগীই হাহাকার আংগীই তঙবাইখা । বাগসাবা মুয়া রুগীই চায়ীই মা তঙখা, বাগসাবা থাইপুঙ কীথীঙ রুগীই তাই বনঙনি থা-ন' রুগীই চায়ীই মা তঙবাইখা ।
- সেঙ বুবাগ্রা : বুবাগ্রা, আবলে সেই ককন' মাই মীচায়া আংগীই রামাই দেঙদলীই তঙবাইখা, নক বুরুম বুরুম থাংগীই নায়ীইদি ।
- বুবাগ্রা : বুবাগ্রা কুসু, নরগ আ-ন' অ কক-ন' সায়ীই আঙ তা-ম' খাইনানি তঙ? আঙ কুসতাম ফা-ন' খাই-নানি কীরীই, বরগ মাই মীচায়া তঙ হিনীই প্রজারগ মাই মীচায়া তঙ হিনীই আঙ খাজীনা রময়ই তঙনানি আহাই দা? রাজা খাই-ন' খাজীনা রমনানি নাঙগ' । আব-ন' চিনি রাজারগনি রাইদা, আব' বাই-সে চীঙ খাজীনা-ন' মারমী ।
- বুবাগ্রা কুসু : বুবাগ্রা, নিনি কক খাই কুবুই-ন' ।

বুবাগ্রা, বুবাগ্রা কুসু, সেঙ বুবাগ্রা থাংখা ।
মনিয়া, মায়াতি ফায়খা ।

- মায়াতি : চিনি সাজীলা বাবু মুকতাসা তাবুকলে সিকিলা বসলকসা আংগীই থাংখা-বা নিনি লগিঅ থাংগীই কামরগ কিসা কুসু খাই-চুরুই মানানী, নীঙমাং কাম-ন' খায়ীই মা তঙখা বেলে, তাই নন' কে-ব' চুবাচুরুনাই কীরীই আংগীই তঙখা বেলে । সাইচুং-মাং সাইচুং-মাং আংগীই তঙখা ।
- মনিয়া : তাইলে তা-ম' খাইনানি তঙবা সাইচুং হিনীইলে । আঙ আচায়ীই ফায়মানি-সে সাইচুং হিনখাইবা তাই

- সাবলে আনি লগিঅ তঙসিনাইবা, সাইচুংন' মা খীলাইনাইতা।
- মায়তি : তাবুকখাই চিনি বাবু নন' কিসা-কুসু চুবাচুরুই মানখা, ব-ন' তাঁয়ীই-ন' কিসা-কুসু কাম-ন' খাইনানি নায়দি। নাঁংব' কিসালে যকজাঅ কিসা-কুসু নন' চুবাচুরুমানি-ন'।
- মনিয়া : তাবুক ব-ন' কাম খাইরিখাই চেরাই-খবা দুখু মাননাই। তঙগীরাথুন তাবুক, উল' তাই কিসা তরখাই তীলাংগানী।

মনিয়া, মায়তি থাংখা।
বদরঙ, কাইথ', মনিয়া ফায়খা।

- বদরঙ : দা কাইথ', চাঁঙলে আগিনি সিমি-ন' কাগলাইয়ীই মানলাইলিয়া-না মীতীই যাগুল খিললায়ীই হুক হকলাইমানি। তিনি খাই মনিয়ানি হুক পুইলা যাক চেঙমানি-বা মনিয়া-ন' মা রীচাব- সিনাইতা।
- কাইথ' : আউ বিনি হুক তিনি পুইলা হকনানি যাক চেঙ-মানি-বা মনিয়া-ন' মারীচাবনাইতা।
- মনিয়া : তাকীলাই বসরনি পুইলা সীকাঙ আনি হুক যাক চেঙ হিনব', আঙ রীচাবনানি আবতীই কক দে তঙবা?
- বদরঙ : আবতীই কক কারীই ফা-ন' নাঁংন' মা রীচাবনাই মনিয়া।
- মনিয়া : আঙ দে রীচাবনানি কীলায়ীই তঙখা?

মুকতা ফায়খা।

- বদরঙ : অ আয়ুঙ মুকতাসা-সে বেলে, নীঙ বর' ফায়মানি সীলাই যঙ?

- মুকতা : তিনি চিনি হক-ন' হকনানি পুইলা চেঙমানি সাল হিনাই আঙব' বা বাই বাগসা কিসা হকচুরু-ডানী হিনাই ফায়মানিতা ।
- বদরঙ : আউ কাহাম-ন' আঁখা খাই আয়ুঙ ।
- মনিয়া : বাবু নীঙ তা-ম' খাইনানি ফায় অরঅ, নীঙ হকনানি নাঙয়া । আঙন' তীরক তীরক হগানী, নীঙ আঙ বাই বাগসা হক হকখাই দুখু মানানী, থানদি ন-গ' কিফিলাই ।
- কাইথ' : আঁখা তঙসিথুন নীসীলা-ব' কিসা কিসা হকসিথুন, ফায়খা সামুঙ-বা তা থাঙসিথুন । খীনা আনি হক হকনানি কীলাইঅ, খীনা নীসীলা-ন' তুবাই ফায়দি চীঙ বাই বাগসা হক হগাঁই তঙগাঁই মা-ন' ।

বদরঙ, মনিয়া, মুকতা থাংখা ।
বনকইনা, দাইজীক, মিলিকতি কইনা ফায়খা ।

- বনকইনা : আনি মাতিঙ তাবুকলে সিকিলা আঁতীতীই আঁগাঁই তঙখা, তাবুকলে সাইচুঙন' থাংগাঁই-ন' তায়ুঙ তীয় সাঅ তুকুয়ীই তঙগাঁই মানীইখা । আঙ তাই তুকুরিনানি বাগাঁই ডানানানি নাঙলিয়া ।
- দাইজীক : বুবাথাজীক, আউ বিনি লগিঅ সিমি-সে থাংসি বেলে, আঙ ব-ন' তুকুরিনানি নাঙলিয়া ব সাই-চুংন' তায়ুঙ তীয়াসানি তিয়ারিঅ হাবাই তুকুয়ীই তঙগাঁই মানখা ।
- মিলিকতি কইনা : মা আনি লগিঅ তাই কে-ব' থানানি নাঙলিয়া আঙ সাইচুঙ-ন' থাংগাঁই তুকুয়ীই মানখা, আনি তয় সুদু-ন' আনি লগিঅ থানানি নাঙলিয়া, আঙ সাইচুংন' থাংগাঁই মা-ন' ।

- বনকইনা : নিনি তয়ব' উইসা-উইসু নিনি লগিঅ থাংগাঁই নন' লগি রিথুনতা।
- মিলিকতি কইনা : অ তায়ুঙ তীয়সানি তিয়ারিঅ আঙ হাই বরক গিলামা-ন' তুকুনাই তঙগ', আ-র' তা-ম' কিরিনানি তঙ, আব'বাই-ন' আ-ন' আনি তয় লগি রিনানি নাওয়া, আঙ সাইচুংফা-ন' থাংগাঁই মা-ন'।
- বনকইনা : দ মাতিঙ নীঙ সাইচুং থাংগাঁই মানখাইত' কাহাম-ন'।

বনকইনা, দইজীক, মিলিকতি কইনা থাংখা।
বদরঙ, কাইথ', মনিয়া, মুকতা ফায়খা।

- কাইথ' : অ আয়ুঙ মুকতা-ব' ফায়খা বীলা সীলাই, কাহাম-ন' আংখা বব' হকথুন চিনি লগিঅ খায়াঁই।
- মনিয়া : দা কাইথ' নীঙ উসুকাঙগ' আ-ন' সায়াঁই রিহর মানি বাই-সে আঙ তুবাঁই ফায়সিঅ নুয়ুঙসা-ন', আংয়াখাই আঙ তুবসে তুবগীলা-খামন, ফায়খাবা কিসা কিসা খাই ফান' হকথুন।
- বদরঙ : চেরাই বা বিনি মানমানি-তাই খাই-ন' হকথুন তীরীক তীরীক খায়াঁই, বিনি জে মানতাই খায়াঁই। আয়ুঙ মুকতা নীঙ কিসা কিসা খাইন' হকদিতা, বিসি দয়াঁই তা হকদি, বিসি দয়াঁই হকখাই কীসা-কুসু চাউনো।
- মুকতা : আউ যঙ, আঙ কিসা কিসা খাই-ন' হগানো।
- কাইথ' : বক' সীলাই মনিয়া রীচাবনানি কক রীচাবয়া, তিনি লে মা রীচাবনাই তাবুক হক হকতীতাই।
- বদরঙ : দ থাইসা রিয়াঁই খিবগীরাদি খাই মনিয়া। নন' জতন' রীচাবদি হিনাঁই তঙবাইখা নিয়াদা।
- মনিয়া : আঙ নরগ-ন' রীচাবাঁই খীনারিয়া। আঙ নরগ-ন' ককফিল সায়াঁই-সে খীনারিনাই।

কাইথ' : অ আব'বা তে-ব' বিসি খায়ই কাহামনি ককসে
বেলে।
বদরঙ : দ সায়াই খীনারিদি খাই ককফিল ফা-ন'।
মনিয়া : (ককফিল সাঅ)—

য়াখিলিক এঙসা কায়াসানিসে
দগা উা সীরীক সীরীক
য়াখিলিক এঙনীয় কায়াসানিসে খিতুঙ উাইসিনি ককবা (উলাইমানি কক)।
দফি দফি খা কলম দফি খা, লাইচরকসানি হকি হাময়াইদা
দাবা নলিচা কেখক (বিসিত্রা সামানি)।
নীংব' ফায়দরপ আঙব' ফায়দরপ
লামজা-র' মালাইদরপ,
আচুক খুকলাসা বাঁচা সিনবীরাই
আঙ দে বায়াপনি লাহি অ রদা।
(দাদা-ন দারা হি-ন)
(বায়-ন বায়া হি-ন)
বাকিয়া মুরা বাকিয়া পারা ব-ক' হকিনি মদু অ বায়া।
(বরনি আংখা নীঙ আনি মদু)

ক-র সিঙহ' ন-র জিঙগ' সীকাঙ সুনদুরু গগত খরুক সীবা সুনদুরুনা-দ
থু নরসিঙ সীবা সুনদুরু না-দ।
(বীরাই সিকিলারগ সুনদুরু-জাকমানি কক)।
অ বাইয়া তানকি রাইয়া দানি দাসতু লগর জগ-র
দানি দাসতু খরব
নীংব' ফায়দরপ আঙব' ফায়দরপ
লাম জা-র' মালাইদরপ।
(লামাত মালাইমানি কক)

সিচিঙ সেঙ মালনি সিচিঙনি যঙরগ
সিচিঙ বর' বক স্কক

সকক রাজানি গাতি বার-দরপ
বাদুখুঙ লাগক-মানি
(নৌঙ বাইন' আংনানি হিনীই তঙমানি)

অ বাইয়া তানকি রায়া
রিগীনাই কানদি য়াসকু জরা
য়াথেকসা বারা বারা
বলঙ গেগুমা সাইসা দা গেখা
কক সাখা খারাখারা।
(সৌরাপসা আঙ বাই কক-ন' সাদি)

অ বাইয়া তানকি রায়া
সাকনি খুমবার মা হাক-র কাইদি
খরক বাঁখীনাই বারদি
কুরিয়া কুরিদক কায়সিনি
মাই চু বাঁচাঙগ' চুদি
(নৌঙ সিকিলা আংখা দা)

গুগুরা কবর য়াকতীক
চাঙরি তলানি য়াফতীক
বলঙনি মৌসাই বাহার থাংগাইবা
তাম' ততীরা গীদীক (নৌঙ উল' আ-ন' মৌরীক-নিয়া)

অ বাইয়া রাঙগিয়া মায়া
কক তাসাদি খতেব
তীয়সা খাঙ-গীরাই বথেব
য়াকনি য়াসি-ন লেখাই খিবদি
তীমা নৌঙ আ-ন' সতেব
(নৌঙ তামঙগাই অ কক-ন' সাসীলাই)

অ বাইয়া তানকি রায়া
য়াসি লেখাখা সিকিদে সিকি
তাম' নয়ন বাই দেখি
তাল কীরাই পাল কীরাই

আমি হাতে কলমে লিখি
(আও যাসি বাই লেখায়াই তনিঅ সায়াই)

বুড়া সকর্গাই দা ছল
খুনজু সকর্গাই কাছল
সাদা পোসাক নাই
আমারে কই করে বাউল
(আ-ন' তামঙর্গাই মাহিন, আও থিকন' তঙগ')

অ বাইয়া রাঙগিয়া মায়া
কুকথি কুকথিয়া খাজানি তুকতি
সা-ব' রি নন' জুগতি
কই বীরা বীরা কাইয়' খুম বীথাই
রিনান দে নন' মুকতি
(আও নন' বীখা বাই-ন' হামজার্গাই তঙ বেলে)

মায়ানি তয়া তয়ানি মায়া
তা-ম' সকসাই মাথিব
বাইনিক বাই থিনিক কুঙথাই কলমতাই
তা-ম' নায়সির্গাই নীও সিব
(নুও তামঙর্গাই ডাখুম মাথিয়া মাথিব, আও থিক-ন' তঙ বেলে)

তীয়সা বাসকা য়াসকু জরা
তা-ম' নীও লাই-স' লাই থাং
রাঙগিয়া কীথাও থুয়্যাই তঙলাংব'
তঙথ' তাবুক-ব' মুকথাও
(তামও তীয় বাসাই মাফায় আও থিক-ন' তঙগ')

ফানচাঁই মলেমা ডাসা
জাদুনি মীনীয়মুঙ থাইসা
মায়া হরসানি চাকুরূপ-জাকখা
নন' নাইয়ানী ফানসা
(নিনি কক থাই-ন' আঙ লরেয়া)

রাসি রাসিয়া রাসি খাতকয়া
রুঙ খুঙসা মানীই চাগয়া
দেপা গানদীরীই তানীই তুবুয়া
গদক তামঙগাঁই আংয়া
(নিনি রাসি বাই আনি রাসি খাতক-নিয়া)

লাইচরক হকি দুবুই দুবুই-বা
বিফিরিঙ তামঙ কীলাই
চুর কিতিঙ কিতিঙ মাসাই তঙমানি
তামঙ নীঙ ব-ন' সীলাই
(আঙ থিকখাই-ন' তঙগ' নুঙ তামঙগাঁই আ-ন' হিন)

খুমু সেঙ সেঙনি
খুমু দুরূপ পুই খুমু ডারবক সকক।
জাদুনি সুরাং খাজু বীকীরাঙ
তাম' কক-নবা বখক।
(নীঙ তামঙগাঁই বুইন' সায়ীই রিবা)

তালে তা থকে তকেলে পুঙমানি ককে
আঙ নায় খীলাই তঙগ'
কুচুকতীই বিরীই বারীই ফায়মানি
কেঙগাইয়ীই তঙগ' চখি
(আঙ নন' নায়সিগাঁই-ন' তঙগ')
মাতীই ডাফিসা থাঙগাঁই তঙমানি

নকবার ফায়ীই খারখা গদু
দিদা বাই বাটাই হামজাকলাই তঙগ'
পাইয়া-খ' বুখুকনি মদু
(আঙ নীঙ বাই কক-সে মাসালাইয়া-খ')

নখাই সা-গীনাঙ খুপুরুই রিবা
খাঙগীরাই বখেব খা-র'
মকল বাই মকল নায়সিকলাই তঙবা
বলে কক থাইসা বা-র'
(নীঙ আনি কক-ন' বা-র')

কাইথ' : বা, বা, মনিয়া নীঙ ম ককফিল-ন' বর' আসীক
সীরীঙগীই আসীক মানখা।
মনিয়া : আঙ ককফিল সানানি হিনখাই আনি থানি তে-ব'
গিলামা-ন' তঙগ'।

বদরঙ, কাইথ', মনিয়া, মুকতা থাংখা।
মনিয়া, মায়তি, মুকতা ফায়খা।

মুকতা : বা নিনি কক ফিল সামানি-বা কুকুবুই খায়ীই
খীনাথক বেলে, নিনি কক ফিল-ন' আ-ন' কিসা
ফীরীঙগীই রিদি বা।
মায়তি : চিনি সাজীলা মুকতাসা খাই ককফিল, ককতাঙ
ককরীবায়, রীচাবমুঙ, মুসুবমুঙ, ককসুতুব,
ফুমুকমানি, দাঙগাইমা দাঙগাইফা-সঙনি কক,
কক-মুকুমুনি কক, হিনখাই আনি বাবু কিসা খাই
হামজাকয়া, নীঙ ব-ন' ম ককরগ-ন' জতন'
ফীরীঙগীই রিবাইদি, ব চিনি থানি মীতাই ককরগ
সীরীঙগীই নারীকখাই-সে ব বিনি
বীসা-বীতাই-ন' ফীরীঙগীই রিনানি। আবতাই

মনিয়া	: খায়্যাই ফাঁরীওগাঁই রিলাই রিলাই হিনকাইসে ম কক-রগ-ন' চিনি সীলাই উল' আচাইনাইরগ জুগে জুগে মানীই থানানি, আহাই-খাইসে চিনি জাতিনি গুসতিনি মীখাও চাঁংগাঁই বুই বাই মাতীই জাতি কায়সা তঙগ' হিনজাগাঁই বুই বাই সিনিজাকনানি।
মায়াতি	: আউ আও সীরাউগাঁই জেমানমানি-ন, আও জত-ন' ব-ন' ফাঁরীওসুগাঁই রিউনী। নীও নায়্যাই তঙদি আও খীনানি সিমি খাই সাইরিক সাইরি-গ' খাই আও ব-ন' ফাঁরীওগানী।
মুকতা	: আউ সা-ল' কাম পাইলাই ফায়খাই সাইরিক সাইরি-গ' খাই-ন' ফাঁরীওদি সাইরিক-ফাঙনি মাইচায়াসানি।
	: আউ বা, আও আবতীই খাই-ন' সীরাউগানী।

মনিয়া, মায়াতি, মুকতা থাংখা।
বনকইনা, মিলিকতি কইনা ফায়খা।

মিলিকতি কইনা	: মা আও তায়ুও তীয়সানি তিয়ারিঅ তুকুমানি আহাই তুকুথক তাই কীরীই। আও খীনানি সিমি অ তায়ুও তীয়সানি তিয়ারিঅ-ন' থাংগাঁই কালি-ন' তুকুইনাই। হাচীক সাকানি তীয়-ব' কীলায়ীই তঙগ' গেরেও গেরেও খায়্যাই, তীয়-ব' কীচাও তুকুথক অীংগাঁই তঙগ'।
বনকইনা	: তায়ুও তীয়সানি দুঙুওর-বা তীয় কাহাম-ন, বেলে তুকুইদি আ-রন'। নীও থাংফুরু চিনি নকনি দাইজীক-ন' কিসা তীলাংগাঁই থাংদি।
মিলিকতি কইনা	: তীলাঙনানি নাঙয়া মা, আও সাইচুংন' থাংগাঁই মা-ন', ব-ন' তা-ম' খাইনানি লগিঅ তীলাংগাঁই, আও সাইচুংন' থাংগাঁই তঙগাঁই মানীই, অসই তয়-ন' তীলাংগাঁই পেচাল খায়্যাই।

- বনকইনা : দ আহাইখাই সাইচুং-ফা-ন' থাংগাঁই মানখাই থানদি তীয়র-গ দে কৌলৌক কালাগাঁই তঙন' হিনাইতা।
- মিলিকইতা কইনা : আঙ খাইবা সিকিলা আংগাঁই থাংয়া দে বা, আঙ আ-র' কৌলৌক-তৌরীঙ তঙন' আঙ সাইচুংন' থাংগাঁই মা-ন', আঙ তাবুক খাই সাইচুংন' থানাই আ-ন' তাই লগি রিনানি নাঙলিয়া।
- বনকইনা : নৌঙলে আনি সাজৌক কায়সা সুসুকবা নিনি জে তঙথক তঙমানি-তৌইখাই-ন' তঙদি। নিনি বাগই-ন' আনি জত'।

বনকইনা, মিলিকতি কইনা থাংখা।

মনিয়া, মুকতা ফায়খা।

- মুকতা : বা তিনিনি সিমি ককফিল ফৌরৌঙ দি খাই, বুবতাই খাই ককফিল-ন' সানানি কিসা কিসা খাই-ন' ফৌরৌঙদি।
- মনিয়া : ইক' বাবু নৌঙ আনি ককফিল-ন' খীনাদি নৌঙ সৌরৌঙনানি হিনখাই।

অ বাইয়া সাক-ন' সুবিয়া সুবিয়ীই তঙদি

মানিয়া মতম বাহই

হরি হা কাইয়া দাসলঙ সলঙ যা-গ' চেমবুকসা তৌইদি

খাইচিঙ-ব' ডারয়া বিস-ব' কায় নৌঙলে খাইসিসিঙ আংয়া।

কক-ন' তাসাদি দবুনা খাইদি তা-ম' চচরক চরক।

(অ ককনি কক বাঁখাখাই হিনখাই, অ মৌনাই নুঙ আ-ন' হামজাগয়া হিনখাই নিনি হামজাকমানি বাই থাংদি)

মুকতা : ককতাং খাই বুবতাই সৌলাই-বা।

মনিয়া : ইক' বাবু নৌঙ আনি কক তাং-ন' খীনাদি।

বুইলে নায়ীই তঙগ' মকল নায়থক তাঁই
আঙলে নায়ীই তঙগ' মকল রিয়ক তাঁই।
মকললে ককতাই ককতাই
সিয়া সাইমানয়া তঙতাই।
নীঙলে চায়ীই তঙগ' ততীরা থকতাই
আঙলে চায়ীই তঙগ' অক-ন' সকয়াতাই।
আদা অকপীরা চাতাই
নুকয়া মাসিসি আংতাই।

মুকতা : ককরীবায় খাই বুবতাই সীলাই বা।
মনিয়া : খীনাদি ককরীবায়।

বাই চিকন নীঙ তিনি বিয়াং থানানি,
কুমুই চিকন নীঙ আনি নগ' ফায়দি।
বাচাই কতর নীঙ তাই কিসা তঙগাঁই থানদি,
দা চিকন আনি নগ' মাই চায়ীই থানদি।
তয় চিকন'লে আঙ হামজা-গ',
মামা কুসু নীঙ তামঙগাঁই আনি নগ' ফায়য়া।

মুকতা : মীতাইদা ককরীবায়?
মনিয়া : আউ মীতাই-ন' ককরীবায় খুকরীবায়।
মুকতা : বা নীঙ আ-ন, কিসা রীচাবাই খীনারিদি খাই।
মনিয়া : (রীচা-ব খীনারিঅ) :—

গুরজুঙ বুফাঙগ' মনাই কর-ম' বথব থুমমানি
রমনানি হিনাই মাঙ-গরঙ মুরাঁই কায়াই থাংমানি
অ মনাই নীঙ ব-র' বিরীই মাথাং।
ননলে নুর্গাঁই হামজাগাঁই রমনা ফায়মানি
তুবুইলে নন' যা-গ' রিনা হিনমানি
অ মনাই নীঙ ব-র' খারীই মাথাং।

মুকতা : ফুমুকমানি বুবতাই সীলাই বা ?
 মনিয়া : ফুমুকলাইমানি কক ।
 আচুক পেথা আচুকনাই বার করম' বারনাই —চাকুমীরা ।
 তেনতাই গুজা তীয়' বাখীলাই —বসই ।
 হাপুঙ থাইসা তাল খাকসা —বাইলিঙ ।
 হাপুঙ থাইসা আথুকিরি কলসা —কানমানি কলি ।
 বীরাই-মা মাসা উল' অমথাই —খাজু খামানি ।
 মীসাই রাঙচাক তীয় বাখীলাই —গলা ।
 নখা গুরুময়াই কথর কীলাইঅ —পুনখি ।
 তাঙগাঁই মাহরয়া নায়সাই নুকসাত —নখা ।
 নকবিসিঙ মাই তাংসা —চাতি ।
 নকবিসিঙ নক বীখীরাই —সাতি ।
 নকবিসিঙর রুঙচক —উয়িঙ ।
 কীলাইঅ বীচাঅ কীলাইঅ বীচাঅ কলক তিসিন দালমা —দেঙগি ।
 বীরাইমা মাসা ততীরা দুমজাক —চুর ।
 বীরীমা মাসা উ-ল' অকগীনাঙ —য়াফাতীক ।
 যাকুং কংসা বইরাগি মীসাই তঙখা নগরিগি —কিসিব ।
 পুঙগাঁই তঙখা মীসা খারাই থাংখা তকসা —তফথাই ।
 মুই পেলেঙ ডাসুঙ থুংসা খুবা কুঙগং খাবসা ডা-র' —খুপুইমানি ।
 সুরিয়া সুরিয়া কংবা কুরিয়া কুরিয়া কায়বা —য়াগনি যাসি ।

মুকতা : বা দাঙগাইমা দাঙগাইফা উলনি ককন' তাম' হিনাই
 সালাঙ সীলাই আব-ন' কিসা সায়াই খীনারিদি ।
 মনিয়া : চাঙ আচায়াই ফায়মানি সিরিসিতিনি জতনি সীলাই
 সীকাঙ আচায়াই ফায়নাই, দাঙগাই মা বাই দাঙগাই
 ফা উলনি কক-ন' সায়াই কীলাংমানি কক ।

উল' সালাসা তকসা তকতাই কীমায়াই থানানি তঙগ' ।

উল' সালাসা বুফাঙ ডাফাঙ কীমায়াই থানানি তঙগ' ।

উল' সালাসা আ মুই কীমায়াই থানানি তঙগ' ।

উল' সালাসা গানথা পা-চ থরাই রাইসক গানদীরাই কীমায়াই থানানি তঙগ' ।

উল' সালসা বলঙ হাকীরা হাপিঙসা অীংনানি তঙগ'।
 উল' সালসা তকুরু তমসা কীমায়ীই থানানি তঙগ'।
 উল' সালসা চীলা মাসা-ন' হাদুক দুকসিনি রীক ফেরেনানি তঙগ'।
 উল' সালসা চিনি নীঙমুঙ চিনি চামুঙ কীমায়ীই থানানি তঙগ'।
 উল' সালসা চিনি রীচাবমুঙ চিনি মীসামুঙ কীমায়ীই থানানি তঙগ'।
 উল' সালসা চিনি উামুঙ চিনি সীইমুঙ কীমায়ীই থানানি তঙগ'।
 উল' সালসা ফুমুক-মুঙ চিনি ককফিল কীমায়ীই থানানি তঙগ'।
 উল' সালসা চিনি ককমুঙ পর্গীই থানানি তঙগ'।
 উল' সালসা চিনি রিতি নিতি-ন' পর্গীই থানানি তঙগ'।
 উল' সালসা মা-ন' মা হিনয়া ফা-ন' ফা হিনয়া সাল সকফায়-নানি তঙগ'।
 উল' সালসা বাঁচালাইনানি তঙগ'।
 উল' সালসা হাতি মরক মীচানানি তঙগ'।
 উল' চিনি সিরিসিতিনি ঝকুমু-মুকুমন' পর্গীই থানানি তঙগ'।
 উল' সালসা চিনি সাইনদা সুমুন পর্গীই থানানি তঙগ'।
 উল' সালসা চিনি গরিয়া হাঙগীরাই-ন' পর্গীই থানানি তঙগ'।
 উল' সালসা চিনি মাইলুমা খুলুমানি মুঙন' পর্গীই থানানি তঙগ'।
 উল' সালসা চিনি কানমুঙ চুমমুঙন' পর্গীই থানানি তঙগ'।
 উল' সালসা হাতিঅ নুকয়া মানীয় নখরনানি তঙগ'।
 উল' সালসা উানসীর্গীই মানয়া ককন' ফীরাঙর্গীই লামতি হিমনানি তঙগ'।
 উল' সালসা পাতালনি তীয়-ন' খকচায়ীই মানীঙনানি তঙগ'।
 উল' সালসা নিজিনি ঝকুমু-মুকুমু-ন' খিবীই বুইনি ঝকুমু-মুকুমু-ন' হাবরিনানি তঙগ'।
 উল' বরক থীয়না-কুকুক থীয়য়া খাইনানি তঙগ'।
 উল' তিয়ারি-ন' তীয়-খেরেঙ তীয়-খেরেঙন' তিয়ারি খানানি তঙগ'।
 উল' সালসা বুমা বুফানি যাকুংনি তীয়-ন' নীঙয়াই বুইনি যাকুং বাঁতীই নীঙনানি তঙগ'।
 উল' সালসা নিজিনি ঝকুমু-মুকুমু খিবীই বুইনি ঝকুমু-মুকুমু-ন' নারীকনানি তঙগ'।
 উল' সালসা বুমা বুফানি কক-ন' নারীকয়াই বুইনি কক-ন' নারীকনানি তঙগ'।
 উল' সালসা নিজিনি ঝকুমু-মুকুনি দরম' খিবীই বুইনি দরম' নারীকনানি তঙগ'।

- মুকতা : নিনি থানি মীতাই দাঙগাই মা দাঙগাই ফা
সালাং-মানি কক তেব দে তঙগ বা ?
- মনিয়া : আনি থানি তেইব' মীতাই কক গিলামা-ন' তঙগ',
নৌঙ উল' খীনাদি।

মনিয়া, মুকতা থাংখা।

মায়াতি, মুকতা ফায়খা।

- মায়াতি : নন' নীফা ককতাং ককরীবায় ককফিল রীচাবমুঙ
ফুমুকমানি তাই দাঙগাই মা দাঙগাই ফা, বরগ
থায়াসানি সীকাঙনি কক-ন' সায়াই কীলাং-মানি
অ ককরগন' নন' সায়াই খীনারিমা নৌঙ আব-ন'
মুয়তু দে তঙ? আবতাই কক-ন? নৌঙ উল'
মাননিয়া মুয়তু খায়াই তনিদি।

- মুকতা : মুয়তু তঙগ' জতন' জেবা আ-ন' সায়াই
খীনারি-মানি।

- মায়াতি : বাবু চীঙ মীতাই ককরগ-ন' চীঙ থায়াই থাংমানি
উ-ল' জুগে জুগে-নি বাগাই-ন' কীলাংগাই থানানি
নাঙগানী। চিনি উলনি বরক-রগ মীতাই কক-ন'
জত' বরক সাক নাঙগাই নারীকনিয়া চিনি মীতাই
ছকুমু মুকুমু-ন'। ম কক-ন' বুই নারীকয়াফা-ন'
নৌঙ নারীকদি।

- মুকতা : আউ মা আঙ ম কক-ন' আনি বায়াপ- রগ-নব'
সায়াই খীনারিনাই বরগ-ব' সীরাঙথুন আনি ম
কক-ন'।

মায়াতি, মুকতা থাংখা।

মুকতা, গয়ামনি, থাঙচীরাই ফায়খা।

গয়ামনি	: দা মুকতা, ফায়দি তিনি খাই তায়ুঙ তায়সানি তিয়ারিঅ থাংগাঁই তুকুলাই- গীরানা। চাঙ অ তিয়ারি-অ তুকুলাইয়া বালক-লাইখা বীলা।
থাঙচাঁরাই	: আউ কুবুই-ন' তিনি আর-ন' থাংগাঁই তুকুলাই-মানি হা-ম' হিম-লাইদি আর-ন'।
মুকতা	: দ হিমলাইনাবা আ-র' ফা-ন' তুকুলাইয়ানী তাম' তঙবা। হিমলাইদি আর-ন'।
গয়ামনি	: দা মুকতা, নন' নিনি নীফানি রীচাবমুঙ সীরাঁওখা হিনাঁই খীনাঅ, অ নীও সীরাঁওমানি রীচাবমুঙ-ন' মা খীনারিনাই চাঙন'।
থাঙচাঁরাই	: আবলে কুবুই-ন' দা মুকতা চাঙন' নীও জেসা খাই ফা-ন' তায়সানি সর্গাঁই ফুরুঅ, চাঙ দুঙগুর' হাবাঁই তুকুয়াসানি।
মুকতা	: দ আ-র' থাংগাঁই সর্গাঁই গীরানাতা।

মুকতা, গয়ামনি, থাঙচাঁরাই থাংখা।
দাইজীক, মিলিকতি কইনা ফায়খা।

মিলিকতি কইনা	: নীও তিনি সালসা আ-ন' লগি রিদি তায়ুঙ তায়সানি দুঙগু-র' তুকুনানি বাগই। নীও উ-ল' আ-ন' লগি রিয়াই ফা-ন' তঙদি তয়।
দাইজীক	: নীও তুকুনানি বাগাঁই আঙ কালি-ন' আসীক নন' লগি রিয়াই মান-ন' আঙ হিনাঁই।
মিলিকতি কইনা	: তিনি সালসাসে, তাই কুবুনি সা-ল' হিনখাই নন' আঙ লগি সা-নলিয়া। আঙ সাইচুংন' থাংগাঁই তুকুইয়ানী।
দাইজীক	: দ হিমদি খাই তিনি সালসা।

দাইজীক বাই মিলিকতি কইনা তায়ুঙ তায়সানি দুঙগু-র' তুকুনানি হিনাঁই থাংলাইখা, থাংতে থাংতে

থাংগাঁই সর্গাইলাইখা। অ তায়ুঙ তীয়সানি অ দুঙগুর-ন' নায়সিগাঁই নায়মানি তীয় কীকীরীক সারুকসা মকল হাই চায়ীই তঙখা তুকুথক চায়ীই। আফুরু খাই দাইজীক বাই মিলিকতি কইনাসঙ অ দুঙগুর' তীয়' তুকুনানি হিনীই ফায়নাইরগ খরকথাম-ন' নুহুৰীই রিখা।

- মিলিকতি কইনা : তয় উ বরক খরকথাম ফায়নাই-রগ তা-ম' তায়ুঙ তীয়সানি দুঙগুর'-সে তুকুনানি ফায়খীনা বেলে।
- দাইজীক : আংগাঁই-ফা-ন' মান'। তাবুক তা-ম' খাইনানি সীলাই মিলিকতি কইনা নীঙ বুদ্ধি থাইচা রিদি আ-ন'।
- মিলিকতি : ফায়দি তয় চাঙ উ বলঙগ' খারীই তঙগানী বরগ তুকুয়ীই থাঙবাই-খাই চাঙ উ-ল' তুকুয়ীই থানী।
- দাইজীক : হিমদি খাই বরগ তুকুলাই তঙসানি চাঙ খারলায়ীই-ন' তঙলাইয়ানী বরগ বাই নুক-জাকয়া খায়ীই। (দাইজীক বাই মিলিকতি বলঙ বিসিঙগ' খারীই খারলাই তঙলাইখা)।

মুকতা, গয়ামনি, থাঙচীরাই ফায়খা।

- গয়ামনি : ম তায়ুঙ তীয়সানি তিয়ারি-বা উ সীকাঙগ, চাঙ তুকু-ফুরুনি সীলাই তিনি-সে বিসিখাই তীয় হামাই তঙসি বেলে।
- থাঙচীরাই : দা মুকতা, ম তিয়ারিঅ তুকুমনি ফায়খাইন' রীচাবনানি কক বেলে, দ তুকুয়াসানি নীঙ রীচাবাই খিবদি খাই।
- গয়ামনি : আউ কুবুই-নতা, দ থাই সা-ন' রীচাবদি দা মুকতা।
- মুকতা : আ-ন' রীচাব-রিনানি-ন' নায়তা না।
- থাঙচীরাই : নন' থাইসানি বিসি রীচাবরিয়া দা মুকতা।
- মুকতা : (রীচা-ব)।

মদে পাতালনি পুরি বলঙগ' নায়খা গুরি,
নৌঙ খাইলে আঙ বাই আংনান'দে তঙখা তা-ম' বীখাঅ সুরি।
অরলে তঙগ' নায়থক তিয়ারি নৌঙলে আন দে খারি

নৌঙ বাই কানায় জুগিতি আঙলে মা তঙখাই

রিখামন আনি মালা-ন' কানরি।

তীয়সা তীয় ফীলাই ফীলাই আংনান' দে নৌঙ বাই তাকীলাই,
আঙব' সিকিলা নুঙব' সিকিলা নায়খামন নৌঙ বাই তঙলাই।
হাতিঅ মানায় কীলাই ফিলীই লে নায়খা ডানি ডা বীলাই,
সমতি চালরিয়াই নৌঙ বাইলে তঙয়া ডামচম খিবানী তাকীলাই।

গঙগা জলিয়া ডাসা ককন'লে নৌঙলে তাসা

আংয়ানি আংখাই আঙলে নন-ন' আসা।

ককন'লে তাসাদি কসা নায়সিঙ তঙগানী বিসা

নায়সিক নায়মানি কেন-ব' নুগয়া নন-ন' নুগ' কায়সা।

খুমুলীঙ বা-র' খুমবার, চেরাই কীথারনি চুকবার,

নায়থক-ন' নায়ীই খলীই তুবানী নিনি বাগীইলে বুবার।

আঙলে নায়ীই তঙয়া রববার নৌঙব' তা হিনদি সমবার,

নৌঙ বাইলে আঙ বাই জুগিতি আংগীই কানায়-ন' খাইয়ানী দরবার।

আঙলে খাসিয়া নাহারয়া বরক, নুলে রিসক খিবনাই দে খারক,

চাঙ কানায় কানায় আচুক কক সাখাই দুখু-ন' খিবীই মানানী তারক।

তীয়নলে লুনাই চিনিলে খরক মীতাই-ন' খাইনাই অচাই কতর-রগ

চিনি তামসা বুইন' ফুনুকখাই জতন' তঙনাই মরক।

গয়ামনি

: বা দা মুকতা, নৌঙবা কক কীরীঙন'তা ম ককরগ
নৌঙ ব-র' মানখা নিনি ম হাই কক আঙ জিব-নসে
খীনায়া-খ', নিনি মীতাই কক থাইন'।

থাঙটরাই

: আউ কুবুইয়াখাই তা-ম' সীলাই নিনি ম বা কুকুবুই
কক কুথুকনি কক বীলা, নৌঙ তে-ব' বিসি খায়ীই
সীরীঙদি। নৌঙ আংলাংগানী মীতাই রীচাবথানি
হিনখাই থাইসা।

মুকতা : নরগ খাইবা মীতাই রীচাবনানি সীরাঙগাঁই মানয়া
দে, সীরাঙ খাই মা-ন', সীরাঙয়াখাই মানয়া জেসা
ফা-ন'। হিমদি তু কুলাইদি, তু কুলায়ীই
হিমলাই-সিদি চাঙ ফায়মানি বালকথা।

মুকতা, গয়ামনি, থাঙচীরাই থাংখা।
দাইজীক, মিলিকতি কইনা ফায়খা।

মিলিকতি কইনা : তয় ম মুকতা হিনজাকনাই বরকনিবা খরাঙ হাম
বেলে। কক থাইরগ-ব' আহাই কাহাম আঙ কেবনি
বুখু-গ'সে মীতাই ককথাই খীনায়া-খু, বিনি
থানি-ন' মীতাই ককথাই খাই খীনাঅ।

দাইজীক : ম বরক খাই উল' হামসুকনাই। বিনি তঙমুঙ বিনি
রীচাবমুঙ বিনি ককথাইরগ- ন' বুজিয়াই মানখা
ম মুকতা হিনমানি উল' থাইসা আংলাংগানী। যাং
ন-গ' খাই কীরাই বিগিরা খরঙ-খরঙ আংগানীতা,
আংয়া খাই নীঙ বাই-সে কায়াই রিয়াই মানখামন
তা।

মিলিকতি কইনা : বিগিরা হিনব' কাইজাৰ্গাঁই মানবেলে, ব বিগিরা
খাইবা তামঙ, বরক কাহাম খাই-ন' পাইঅ।

দাইজীক : নন' বুবাধা বাই বুবাধাজীক অ মুকতা বাই কাইন'
আসীক বিগিরা খরঙ-খরঙ বাই? ব বাইলে নন'
কাইয়াদ।

দাইজীক, মিলিকতি কইনা থাংখা।
গয়ামনি থাঙচীরাই ফায়খা।

থাঙচীরাই : দা গয়া, চিনি দা মুকতা-বা কুকুবুই খাই
রীচাবমুঙ-ন' মান বেলে। ব বর' আসীক অ
রীচাবমুঙন' সীরাঙ-খা, খরাঙ দুঙগুর তীয় কাঁচাঙ
রিয়রতাই আংগাঁই তঙগ'।

- গয়ামনি : বুফা ফীরাঙ-ফন, ব-ন' কানি-ন' সাইরিগ' মাই চায়া-সানি সীরাপসা সীরাপসা ককফিলরগ রীচাবমুঙরগ ফীরাঙ হিনতা। বুফা অ কাকা হিন-ব' রীচাবমুঙরগ মানথা হিন বেলে। অ মানমানি বাই-ন' বীসীলা-ন' ফীরাঙগাঁই মানতা, ফায়দি চাঙব' সাইরিক-ফাঙ কীলাই খাই দা মুকতানি বুফা কাকানি থানি সীরাপসা সীরাপসা থাংগাঁই রীচাবমুঙরগ-ন' সীরাঙ-লাইয়ানী।
- থাঙচীরাই : আউ সীরাঙ-গাঁই-ন' মানলাই বেলে, ন-গ' আহাই-ন' আচুগাঁই তঙগাঁই তা-ম' খাইনানি-বা, চাঙ তাবুক সীরাঙগাঁই তীলাং খাই উ-ল' চিনি বীসা-বীতাই-ন' ফীরাঙগাঁই মা-ন'।
- গয়ামনি : আউ ফায়দি খাই সীরাঙ-লাইয়ানী-না খীনানি সিমি।

থাঙচীরাই, গয়ামনি থাংখা।
মিলিকতি কইনা ফায়খা।

- মিলিকতি কইনা : বা-পারি কীরাইনি বীসা-ব' আসীক চীলা কাহাম নাযথক তঙদ', আঙ আবতাই হিনাই উনসীগাঁই মানয়া। আঙ ব বাই খরকনায় খায়ীই মালাই-খাই আঙ সিনিয়া ফা-ন' সাংগাঁই নায়াই মানখামন বেলে নীঙ সাবনি বীসা আংখা হিনাই। আঙ তাই ব বাই মা-ব' মালাই-গীলাকখা নু-ব' নুক-গীলাকখা। হে গরিয়া রাজা, নীঙ আ-ন' অ মুকতা হিনমানি বাই উাইসা-সীক খরকনায় খায়ীই আঙ বাই মালাই-রিজাদি। আঙ ব বাই কুকুবুই চাচা-ন' সাইচুং মালায়ীই থানি কক মা সালাই খাই আঙ ব বাই কইজাগাঁই খিবমানি হা-ম'। ব কীরাইনি বীসা খাইবা তামঙ, আঙ আবতাই কীরাই-গীনাঙ বাসেয়া। ব

কীরাই আংগাই তঙখাইবা তামঙ, কীরাই বরক খাই
বরকয়া দা। কীরাই বরক কীরাই হিনখাই গীনাঙরগ
গীনাঙ-সে চায়াই মানয়া। আঙ কালি-ন, অ দুঙপুৰ'
সাইচুং থাংগাই তুকুইনানি তাই উইসা ব বাই দে
মালাই-ন' নায়নানি।

মিলিকতি কইনা থাংখা।

বুবাগ্রাজীক বনকইনা, মিলিকতি কইনা ফায়খা।

- মিলিকতি কইনা : মা তিনি খাই আনি লগিঅ কে-ব' থানানি নাঙয়া।
আঙ সাইচুঙন' অ তায়ুঙ তায়সানি দুঙপুৰ' তুকুই
ফায়াই মা-ন'। আঙ সাইচুং থাংখা দ মা, আঙ
থাংগাই দাকতি-ন' তুকুই ফায়য়ানী।
- বনকইনা : থানদি মাতিঙ সাইচুং থাঙগাই তুকুই ফায় হিনবা
তা-ম' আংনানি, থানদি তুকুই দাকতি-ন'
ফায়দি। বিসি লেরাই তা তঙদি, দিবরনি মাই-ন'
চানানি আংগানী।
- মিলিকতি : আউ আঙ দাকতি-ন' ফায়য়ানী মা তুকুই।

বনকইনা, মিলিকতি কইনা থাংখা।
মুকতা ফায়খা।

মুকতা ফায়াই অ তায়ুঙ তায়সানি দুঙপু-র'
সাইচুং তুকুই বাসাক ছয়াই তঙফুরু খাইন'
মিলিকতি কইনা তুকনানি হিনাই ফায়খা।

মিলিকতি কইনা ফায়খা।

মিলিকতি কইনা অ দুঙপু-র' ফায়াই
সকফায়-খাইন' মুকতা-ন' তুকুই তঙমানি নুগাই

রিফায়খা। সাইচুং আফুরু খাই ডান-সুকখা ম আঙ
 তাবুক তা-ম' খাইয়াই ব বাই কক সানানি সীলাই
 হিনাই। উল' খাই ব বাখাঅ চংখা আঙ তাবুক
 থাংগাই তুকুমাসি তুকুমাসা খায়াই তীয় কুথু-গ'
 হাবাই থানানি, আফুরু হিনখাই আঙ সানানি
 আ-ন' বানচে-রিফায়গীরাদি হিনাই। আবতাই
 খায়াই উলখাই আঙ ব বাই কক সানানি হিনাই।
 মিলিকতি কইনা তীয়' নখরীই থাংগাই তুকুমাসি
 তুকুমাসা খায়াই তীয় কুথু-গ' হাবাই কীলোক-মাসি
 খায়াই হিনখা মুকতা-ন' আ-ন' বানচে- রিগীরাদি
 আ-ন' বানচে- রিগীরাদি হিনাই।

মুকতা কুসতাম-ব' সায়ীই মানয়াই
 মিলিকতি-ন' বানচে-রিনানি হিনাই তীয়নি রমাই
 হাতাঙগ' তুবুই বেরাই রিফায়খা।

- মিলিকতি কইনা : (লেঙমাসি খায়ীই মুকতা-ন সীংখা) নীঙ বরনি
 আংখা নীঙ আ-ন' তীয়নি রমাই সচায়ীই হাতাঙগ'
 তুবুই রিফায়য়া হিনখাই আঙ থীয়ীই-সে
 থাংখামন।
- মুকতা : নীঙ খাই বরনি বীরীই আংখা সীলাই। নীঙ বাহাই
 অ-র' সাইচুং তুকু-নানি হিনাই ফায়রাগ। নীঙ
 মীতাই খায়ীই তাই তা ফায়সিদি, নীঙ সা-ব'
 আংখা নিনি মুঙব' সাদি।
- মিলিকতি কইনা : আমি মুঙ খাই মিলিকতি কইনা, আঙ কামিঙ
 কাসকু রাজানি বীসাজীক-সে। আঙ অ দুঙু-র'
 সাইচুং-মাং তুকুই লই। আঙ থীয়ীই থাংথুন
 হিনাই-সে তীয়' কীলোগাই থাঙগ' নীঙ আ-ন'
 রময়া হিনখাই আঙ থীয়ীইসে থাংখামন।
- মুকতা : নীঙ বুবাথানি বীসাজীক আংগাই তা-ম' দুখু
 তঙগাই আবতাই মা আংখা সীলাই, নীঙত' রানি
 আংগাই আবতাই আংনানি ককয়া।

মিলিকতি কইনা	: আঙ নন' সহিত' কক-ন' সাখাই নীঙ খীনাডানী বীলা ।
মুকতা	: দ সাদি খীনাডানি নীঙ সাখাই ।
মিলিকতি	: আঙ চীলা খরকসা হামজাকমানি তঙগ' অ চীলা বাই আঙ তাবুক-ব' কক কাহামখাই মা সায়া-খ' ।
মুকতা	: ব চীলা সীলাই নীঙ হামজাকমানি চীলা ।
মিলিকতি কইনা	: আঙ অ চীলানি মুঙন' নন' সায়াই রিখাই নীঙ আউ হিননানী বেলে ।
মুকতা	: দ সাদি খাই অ চীলানি মুঙ ।
মিলিকতি কইনা	: নন' হিনাই সাখাই সীলাই ?
মুকতা	: অমমা অমমা, নীঙ বাই দে আঙ চুগ-ন' ? নীঙ বেলে বুবাথানি বীসাজীক আঙবেলে কীরাই বিগীরা খরঙ-খরঙনি বীসা । নীঙ বাই দে আঙ চুগ-ন' নীঙ আবতাই কক-ন' তাসাদি নীঙ আ-ন' বুথার' নানি নায়' (হিনই কিরিজাগাই বুরুম-বারাম বাঁচায়াই ন-গ' খাই চিগাই ফায়খা) ।

মুকতা, মিলিকতি থাংখা ।
মায়াতি, মুকতা ফায়খা ।

মায়াতি	: বাবু নীঙ তাম সীক লেরাই তঙখা সীলাই তুকুনানি হিনাই কিসা থাংনানি বা । যাং চীঙখাই নন' নায়সিঙসুগাই তঙখা দিবরানি মাই বা বাগসা-ন' বাগসা খায়াই চলাইনানি হিনাই ।
মুকতা	: আহাই-ন' তুকুতে তুকুতে তুকুয়াই লেরাই তঙখাতা, অ দুঙুরনি তীয়-ব' তীয় কীচাঙ হিনখাই ।
মায়াতি	: হিমদি দদর' মাই-ন' চলাইয়াই খিবলাই-গীরানা ।

মায়াতি, মুকতা থাংখা ।
মিলিকতি কইনা ফায়খা ।

মিলিকতি কইনা

: অ আনি জান সকগীনাঙ মুকতা বা আনি কক-ন' পুয়তুসে থাঙয়া বেলে, ব কীরীইনি বীসা হিনীই। আঙ কুবুনি বুদদি খাইয়া হিনখাই আঙ বন' মান-গীলাক, কুবুনি বুদদি মাসে মাখীলাইনাই। আহাইয়া খাই আঙ তাই চুকগীলাকখা। আঙ কালিনি বাগীই-ন' ম তায়ুঙ তীয়সানি দুঙু-র' তুকু-ফায়নানি নাঙনাই। আহাইয়াখাই আঙ ব বাই তাই মালাইগীলাকখা, ব বাই মালাইয়া খাই বিনি বায়াপরগ বাইলে মালাইয়ানী বেলে। আঙ ব বাই য়াখাই তাই কাইজাকয়া, নীঙ কীরীই বিগীরা খরঙ-খরঙ আঁংখাইবা তামঙ, আঙ নীঙ বাই-ন' কাই-জকনাই।

বুই বাই খাই কাইজাকয়া আঙ হা-ন' রমীই সীমাই-ন' তাঙগীই খিবখা হামীই সে তামানথুন হিনীই।

মিলিকতি কইনা আবতীই খায়ীই বিনি বীখাঅ পাঙকেয়ীই কালিনি বাগীই-ন' অ দুঙু-র' থাংগীই তুকুইঅ আবতীই খায়ীই তুকুমাং তুকুমাং সালসা খাই গয়ামনি হিনজাকনাই মুকতানি বায়াপ হিনজাকনাইরগ তুকুনানি হিনীই ফায়খা অ দুঙু-র'।

গয়ামনি ফায়খা।

(গয়ামনি সাঁংখা মিলিকতি কইনা তুকুয়ীই তঙমানিন নুগীই) নীঙ বরনি বীরীই আঁংখা। নন' আঙ সিনিয়া আঁংগীই তঙখা।

মিলিকতি কইনা

: আঙ কামিঙ কাসকু রাজানি বীসাজীক, আনি মুঙন' মিলিকতি কইনা, আঙ ম তায়ুঙ তীয়-সানি

- দুঙুগু-ন' কালি-ন? তুকুফায়', নীঙ খাই সা-ব' আংখা সীলাই।
- গয়ামানি : আনি মুঙ গয়ামানি, আঙ ম কামিঙ নি-ন' বরক।
চীঙব' কালিনি বাগীই-ন' ম দুঙু-র' তুকুফায়'।
- মিলিকতি কইনা : নরগ সা-ব' সা-ব' অ-র' ফায়ীই তুকুফায়- সীলাই।
- গয়ামানি : অ-র' তুকুনানি হিনীই ফায়নাইরগখাই আঙ দা
মুকতা তাই থাঙচীরাই হিনজাকনাই ফায়ীই
তুকুফায়'।
- মিলিকতি কইনা : দাদা নীঙ খীনা জেসা খাই ফা-ন' আঙ বাই
মালাইফায়দি।

মিলিকতি কইনা, গয়ামানি থাংখা।
মুকতা ফায়খা।

- মুকতা : মা মা মা, আঙ মিয়াঅ বুবাথানি বীসাজীক
মিলিকতি কইনা বাই মালাই-সুকখামন,
অসই-কসই ব দে আ-ন' হামজাগীই তঙগ' হিনীই
সা সীলাই, আঙ বেলে কীরাই বিগীরা
খরঙ-খরঙনি বীসা, ব বেলে বুবাথানি-সে
বীসাজীক, আব'দে আঙ তাই ব বাই বাগসা
আংসি, আঙ তাবুক খারীইসে তঙমানি হামসিঅ,
আ-ন', তাই উইসা নুকখাই-ন, দানদা পিনদা
সানাই, আঙ দে তাই ব বাই নুকজাগীই তঙসি।

গয়ামানি ফায়খা।

- গয়ামানি : তা-ম' দা মুকতা, নীঙ সাইচুং সাইচুং গলক-গলক
খায়ীই কক-ন' সায়ীই তঙসীলাই? নীঙ মুঙসা
সীক আংখীনা নাদু আব বাই-ন' সাইচুং সাইচুং
কক ন' সায়ীই তঙগ'।

মুকতা

: তাসাদি গয়ামানি', আঙ মিয়াঅ তায়ুঙ তায়সানি দুঙু-র' সাইচুং তুকুনানি থাংগাঁই রাজানি বাসাজীক মিলিকতি কইনা বাই সাইচুং থাংগাঁই মালায়াঁই আ-ন' পুইলা তায় কীলাকমাসি খায়াঁই ফুনাগাঁই আঙ খাই কুবুই-ন' হিনাঁই রমাঁই সচায়াঁই তুবুই হাকুঙগ' বেরায়াঁই রিফায়খা। বেরায়াঁই রিফায়ফুরুঅ আ-ন' লেঙমাসি খায়াঁই ফুনাগাঁই আচুকখা, উলখাই ব বাই কিসা কক-ন' সালাই খাই-ন' আ-ন' হামজাগ' হিনাঁই সায়াঁই তঙখা। ব আ-ন' আবতাই খাই সাখাই আঙব' কিরিয়াঁই খারাঁই ফায়খাতা। আঙ বেলে কীরাঁইনি বাসা ব বেলে রাজানিসে বাসাজীক। ব বাই দে আঙ চুকলাই সি-ন' ? আ-ন' থকেনানি হিনাঁই দে সায়াঁই তঙখা।

গয়ামনি

: দা মুকতা, আঙ তিনি অ দুঙু-র' সাইচুং তুকুনানি হিনাঁই থাংফুরু-ব' মিলিকতি কইনান' সাইচুং তুকুয়াঁই তঙমানি-ন' থাংগাঁই মালাইঅ; আঙ পুইলাঅ খাই ব-ন' সিনিয়া, উল' ব-ন' সাংগাঁই নায়-খাই সিনিখাতা বসে বুবাথ্রানি বাসাজীক মিলিকতি কইনা হিনাঁই।

মুকতা

: উল' তা-ম' আংখা ?

গয়ামনি

: আনি বায়াপরগনি মুঙরগ ব-ন' সাঙবাইখা, আঙব' আনি বায়াপরগনি মুঙরগ-ন' সাখা নিনি মুঙ বাই থাঙচীরাঁইনি মুঙন'। মিলিকতি কইনা তাই উইসা আঙ বাই মালায়াঁই কক সালাইনানি কক।

মুকতা

: সালাইদিতা কক-ন' সালাইনানি-বা তাম' তঙ। আনি ককন'লে কুসতাম তা-সালাইদি দ। আঙ খাই কীরাঁইনি বাসা ব খাই রাজানিসে বাসাজীক। ব বাইদে আঙ চুকলাই ? ব বাই আঙ নখা বাই হাচালমানি সীক চা-ল'।

গয়ামনি : দ, ব তাম' কক-ন' সা খীনাই নায়গীরানাতা।

মুকতা, গয়ামনি থাংখা।
গয়ামনি, মিলিকতি কইনা ফায়খা।

- মিলিকতি কইনা : দাদা নীঙ তুকুনানি ফায়খা আহাই দা ?
গয়ামনি : আঙ খাই ম তায়ুঙ তীয়সানি দুঙগুর' তুকুথক
আংজাগাই কালি-ন' অর-ন' মা তুকু-ফায়সিঅ
দুঙগুরনি তীয় কীচাঙ বাই আকন বাই।
- মিলিকতি কইনা : আঙব' আবতাই-ন' তুকুজাকথগাই তঙখা, আব'
বাই-ন' আঙব' অরঅ মাতুকুফায়'।
- গয়ামনি : মীনাই নীঙ উ সীকাঙগ' আঙ বাই মালাইফায়দি
হিনাই সামানি তা-ম' কক-বা তঙ সাদি খাই
আ-ন'।
- মিলিকতি কইনা : নীঙ ফিয়া বুই-ন' সায়াই মানগীলাক দাদা।
গয়ামনি : সাদি মীনাই আঙ কেব-ন' ফা-ন' সায়।
- মিলিকতি কইনা : আঙ নিনি বায়াপ দা মুকতা-ন' কিসা খাই
হামজাকয়া, আঙ ব বাইয়াখাই তাই কাইজাকয়া।
নীঙ ম কক-ন' ব-ন' কিসা জেসা খাই ফা-ন' মা
সায়াইনাই দাদা। নীঙ-ন' অ কক-ন' ব-ন' সায়
খাইলে নীঙ হামাই মাননিয়া।
- গয়ামনি : উ সীকাঙগ' নরগ দুঙগুর' তুকুলায়্যাই নরগ
সালাইমানি কক-ন' ব আ-ন' সাখা। দা মুকতা নীঙ
বাই কাইজাকনানি কিসা ফা-ন' গসেয়া, তামঙগাই
হিনবা নীঙ খাই বুবাথানি বীসাজীক রাঙ পুইসা
গীনাঙ হিনাই, ব খাই কীরাই বিগীরা খরঙ-খরঙনি
বীসা হিনাই। কীরাই বাই গীনাঙ কাইজাকলায়্যাই
চুগয়া হিনাই আ-ন' সাঅ। ব তে-ব' আ-ন' সাঅ
কীরাই বাই গীনাঙ নখা বাই হাচালমানি সীক
চা-ল' হিনাই সাঅ। ব নীঙ বাই কাইজাক-গীলাক।

মিলিকতি কইনা

নৌঙ ব-ন' তা আসাদি নৌঙ কুবুনি বরক-ন' মানখাই কাইজাগাই খিবদি, নৌঙ ব-ন' আসায়াই তা তঙদি।
: দাদা বুইনি থানি কৌরীই-গীনাঙ তঙগাই ফা-ন' মা-ন', আনি থানি খাই কৌরীই- গীনাঙ কৌরীই, কৌরীই তঙগাই গীনাঙ বানচেঅ, গীনাঙ তঙগাই কৌরীই বানচেয়া, আঙ আবতাই কৌরীই-গীনাঙ গসেয়া। আঙখাই কৌরীই বাই গীনাঙ-ন' বাগসা-ন' বাগসা খাইনানি মুচুঙগ'। আনি কক-ন' নৌঙ জেসা খাই ফা-ন' ব-ন' মাসায়াইনাই আঙ ব বাই-য়াখাই তাই কাইজাকয়া। ম কক-ন' নৌঙ আ-ন' তাই উইসা ফায়াই মা সাফায়নাই ম তুকুমানি জাগা অ-ন', আঙ নন' নায়সিঙগাই তঙনাই।

গয়ামনি

: নিনি কক-ন' আঙ ব-ন' জেখাই ফা-ন' সায়াইনাই, আঙ সায়াই ফা-ন' দা মুকতা গসেনিয়া আ-ব' আঙ সায়াই মা-ন'।

গয়ামনি, মিলিকতি কইনা থাংখা।

গয়ামনি, থাঙচৌরাই ফায়খা।

থাঙচৌরাই

: দা গয়া, নৌঙ তা-ম' খাইনানি বাগাই আ-ন' রিঙ সীলাই তা-ম' কাম দে তঙ আঙ বাই?

গয়ামনি

: থাঙচৌরাই নন' রিঙমানি হিনখাই আহাইসে, আঙ কক থাইসা সাজাকমানি কক-ন' নন' সীংগাই নায়নানি হিনাই- সে।

থাঙচৌরাই

: তা-ম' কক-ন' দা গয়া।

গয়ামনি

: চিনি বুবাথানি বীসাজীক মিলিকতি কইনা দা মুকতা-ন' হামজাকমানি আ-ব' তাই সায়াই মানলিয়া। মিলিকতি কইনা দা মুকতা বাইয়াখাই তাই কা-সে কাইজাক- য়াফন, ব থীয়াইসে থানানি

- মুচুঙবা চিনি দা মুকতা-ন' খাই কাকনানি মুচুঙয়া,
ব জেসা খাই ফা-ন' কাইজাকনানি-ফন। আবতাই
হিনাই আ-ন' সাঅ। চাঙ তাবুক তা-ম' খায়াই
চিনি দা মুকতা-ন' বুজকনানি।
- থাঙচাঁরাই : চিনি বুবাথানি বীসাজীক মিলিকতি কইনা জে নন'
সামানি-ন' আব-নন' সায়াই খীনারি
বুজক-নাইতা।
- গয়ামনি : দা মুকতা গসেগীলাক।
- থাঙচাঁরাই : দা মুকতা তামঙগাঁই মিলিকতি কইনা বাই
কাইজাকনানি গসেয়া আং নীঙ সায়াই দে মান?
- গয়ামনি : দা মুকতা কীরাই বীগীরা খরঙ-খরঙ আংগাঁই
বুবাথানি বীসাজীক বাই চুগনিয়া হিনাই সাঅ।
আব' বাইন' কাইজাকনানি গসেয়া।

গয়ামনি, থাঙচাঁরাই থাংখা।
মুকতা, গয়ামনি, থাঙচাঁরাই ফায়খা।

- গয়ামনি : দা মুকতা, চিনি বুবাথানি বীসাজীক মিলিকতি
কইনা বাই আঙ মালাইখা। ব পুয়তু থাংগাঁই খা
খা নাঙগাঁইন' সাঅ ব কুকুবুই চাচা-ন' নন'
হামজাগ'। মিলিকতিকইনা নীঙ বাইয়াখাই ব কাসে
কাইজাকফন, আবতাই হিনাই আ-ন' সাঅ। নীঙ
ব বাই-ন' কাইজাগাঁই-ন' খিবদি। ব নন' হামজাক
সুগাঁইসে তঙগ' হিনখাই। নীঙ তামঙগাঁই
কাইজাগাঁই মানয়া আংনানি-বা। ব বাই নীঙ কাই-
জাগাঁই-ন' খিবদি দাদা।
- থাঙচাঁরাই : দা গয়ামনি নন' কক কীচাঙ খাই-ন' সাখা নীঙ অ
মিলিকতি কইনা বাই-ন' কাইজাগাঁই খিবদি দা
মুকতা।

- মুকতা : আঙ বুবাগ্রানি বীসাজীক মিলিকতি কইনা বাই কাইজাগীই মানয়া জেসাখাইফা-ন' তামঙগীই হিনবা বিনি বুমা বাই বুফা আঙহাই কীরীই বিগীরা খরঙ-খরঙ দে বা? ব বীসাজীক-ন' আঙ বাই থপচা ফা-ন' কাইয়া। তাবুক কক বা মিলিকতি আ-ন' হামজাগীই আঙ বাই কুবুনি জাগাঅ খারীই থাঙগানী, উ-ল' আ-ন' বুথারীই খিবানী, আঙ থায়ীই থাংমানি সীলাই কীথাঙ বানচেয়ীই তঙমানি-ন' হা-ম' নরগ ব-ন' মালাইখাই সাদি ব নীঙ বাই কাইজাকয়াফন হিনীই।
- গয়ামনি : মিলিকতি কইনা নন'-সে খেনচেনীই হামজাগীই তঙখা হিনখাই বুই বাই কাইনানি হিনীই টাঙ তা-ম' খাই ব-ন' সারাকনানি বা দা মুকতা নীঙ বাই কাই জাকয়া। বিনি সীলাই নীঙ থাংগীই ব-ন' সায়ীই রিয়ীইদি আঙ নীঙ বাই কাই জাকয়া হিনীই আচুগীই কীচাঙ কীচাঙ খায়ীই।
- মুকতা : আঙ তাই অ তাইয়ুঙ তীয়সানি দুঙগুর'- ব' তুকুলিয়া ববাই-ব' আঙ তাই মালাইলিয়া। আঙ বাই মালাই খাই-ন' ব আ-ন' হামজাকমানি কক-ন' সানাই। আব' বাই-ন' তাই আ-র' থাংলিয়া।
- থাঙটরাই : জেসা ফা-ন' অীংথুন নীঙ ব বাই কাইজাগীই খিবখাই চাখামন।
- গয়ামনি : উ সীকাঙগ' ম কক-ন' আ-ন' সাফুরং বিনি মুকতীয়-সে রেকে বেকে খায়ীই তঙগ' খাইরক-মিসিসা অীংগীই।
- থাঙটরাই : অীংনাই-নতা, তামঙ অীংয়া অীংনানি-বা হামজাকমানি বরক-ন' মানয়া অীং নয়- সীলাই নীঙ তামঙ।

মুকতা, গয়ামনি, থাঙচীরাই থাংখা ।
মিলিকতি কইনা, গয়ামনি, থাঙচীরাই ফায়খা ।

- মিলিকতি কইনা : দাদা গয়ামনি নৌঙ নিনি দাদা মুকতা বাই মালাইখা
দা ?
- গয়ামনি : মালাইখা বীলা ।
- মিলিকতি কইনা : ব তা-ম' হিন-সীলাই আঙ নন' সায়াই হরমানি
কক-ন' ।
- গয়ামনি : বুখীলাই ফিকুঙ যামফীরা চানী তানখীলাই
কতকনি থাই-ন' নুগানী, দা মুকতা খাই নৌঙ বাই
কাইজাকয়া-ন' হিনীই সাঅ ।
- থাঙচীরাই : চাঙ কীনীয় কীনীয় খুব কাহম খাই বুজগীই নায়খা
ব-ন' । দা মুকতা কাইজাকনানি কিসাফা-ন' গসেয়া,
নৌঙ বাই জদি ব কাইজাক খাই উ-ল' ব থীয়াই
থাঙগানী-ফন । আবতীই হিনীই ব নৌঙ বাই
কাইজাগীই মানয়াফন । থীয়াই থাঙমানি সীলাই
কীথাঙ তঙমানি-ন' হা-ম' হিনীই চাঙন' সাঅ ।
মীনাই নৌঙ তাই ব বাই কাইজাকনানি হিনীই
তা সাসিদি, নিনি বীখাঅ-ব' ব-ন' হামজাগীই
তঙমানি আ-ব' পগীই থাঙসিদি ।
- গয়ামনি : আউ মীনাই নৌঙ আবতীই-ন' খাইসিদি । দা
মুকতা-ন' নৌঙ খাবাই খুকবাই খায়ই-ন' পগীই
থাঙসিদি ।
- মিলিকতি কইনা : আঙ বুবাথানি বীসাজীক আংগীই তা-ম' খায়াই
মান উ-ল' সায়াই মানানী, দাদাসঙ উ-ল' হিনব'
নরগ আনি ফায়- সিংগ'-ন' তঙবাইদি ।

মিলিকতি কইনা, গয়ামনি, থাঙচীরাই থাংখা ।
মিলিকতি কইনা ফায়খা ।

মিলিকতি কইনা

: আমি মুঙ মিলিকতি কইনা, আঙ বুবাথানি বাঁসাজীক। নীঙ মুকতা হিনজাকনাই বাই আঙ কাইজাকনাই-ন' কাইজাকনাই জেসাখাই ফা-ন'। নীঙ মুকতা আঙ বাই কাইজাকয়া, নীঙ বাই আঙ তা-ম' খাই কাইজাকয়া নুগানী। নীঙ আ-ন'-সিনিয়া-খ'। আঙ বাঁরাই আংগাঁই নীঙ চীলা-ন', সিনিরিনানি, আঙ বুবতাই বাঁরাই আঙ নীঙ বাই-ন' কাইজাক নাই-ন' কাইজাকনাই।

মিলিকতি কইনা থাংখা।

দাইজীক, মিলিকতি কইনা ফায়খা।

মিলিকতি কইনা

: তয় আঙ তিনি থুফুরুঅ সইনাসি খরকসা আংগাঁই আ-ন' সাফায়' মিলিকতি কইনা-মা নীঙ চিনীয় বসর সইনাসি আংগাঁই তপ খায়াই মা তঙগানী হিনাই। নীঙ চিনীয় বসর সইনাসি আংগাঁই তপ খায়াই তঙয়া হিনখাই নীঙ আয়ুক সকনিয়া খায়াই থাঙগানী হিনাই আ-ন' সাঅ ইমাঙগ, তয় আঙ তাবুক তা-ম' খাইনানি। আঙ মা বাই বা-নব' সারাকয়া আংগাঁই তঙখা। আঙ তাবুক তা-ম' খাইনানি নীঙ আ-ন' থাইসা বুদদি রিগাঁরাদি তয়।

দাইজীক

: অ আবতাই ইমাঙগ' সাজাকমানি ককখাই কাহাম ফা-ন' আংগাঁই মা-ন' হাময়া ফা-ন' আংগাঁই মা-ন', আহাই খাইবা নীঙ আ-ন' সায়া কাঁরাই নিনি নীমা বাই নীফা-নসে সাদি।

মিলিকতি কইনা

: আঙ সাখা বেলে তয় আঙ ম কক-ন' মা বাই বা-ন' সারাকয়া হিনাই। তয় আঙ নন' ম সামানি কক-ন' নীঙ আনি মা বাই আনি বা-ন' কিসা সাদি পাইসুগাঁই, বরগ নন' তাম' হিনাই সা উ-ল' নীঙ আ-ন' ফায়াই সাফয়দি তয়।

দাইজীক : আউ নীঙ আ-ন' সামানি কক-ন' কাহাম খাই
সায়ীই খীনারিডানী নীঙ ইমাঙগ' সেইনাসি বাই
সাজাকমানি কক-ন'।

দাইজীক, মিলিকতি কইনা থাংখা।
কামিঙ কাসকু রাজা, বনকইনা, দাইজীক ফায়খা।

দাইজীক : বুবাগ্রা, তানখীলাই কতকনি থাই নুগানী, বুখীলাই
ফিকুঙ যামফীরা চাউনানী, মিলিকতি কইনা আ-ন'
কক থাইসা সামানি তঙগ'।

বুবাগ্রা : তা-ম' দাইজীক, আনি সাজীকমা জে নন' সামানি
জতন' খুপুরুয়ীই সাদি কুসতাম ফা-ন' তা খকদি।

দাইজীক : মিলিকতি কইনামা-ন' মিয়া হর' থুফুরুঅ ব-ন'
সইনাসি আংগাঁই বরক খরকসা সাফায়ফন নীঙ
সইনাসি আংগাঁই বিসি চিনীয় মা তঙনাই, নীঙ
বিসি চিনীয় সেইনাসি আংগাঁই তঙয়া খাই নীঙ
থায়ীই থাংগানীহিনীই সাফায়ফন। অ সেইনাসি
আংগাঁই তঙফুরুঅ নকনি মুঙসা মানীয় ফা-ন'
চায়ীই তঙগাঁই মাননিয়া-ফন আবতাই অ ইমাঙনি
সইনাসি সায়ীই কীলাংগাঁই থাংহিনতা।

বুবাগ্রা : দাইজীক, তাই তা-ম হিনীই সায়ীই কীলাংগাঁই
থাং হিন-সীলাই।

দাইজীক : চিনি মিলিকতি কইনা সেইনাসি আংগাঁই আচুকমানি
নক হিনখাই বুই নুক-য়াসানি তাই আইচুকনি তখা
তইলিং নুকয়াসানি তাঙগাঁই পায়ীই রিনানি
নাঙগানীফন।

বুবাগ্রা : উঃ আহাই খাইলে উনামাসিঙসা কক আংখা,
আ-ব' তা-ম' খায়ীই হরসানি হ-র' নক খুঙসা
তাঙগাঁই পাইরিয়ীই রিনানি সীলাই, হরসানি হ-র'
উনাখা তাবুকলে আঙ।

- বনকইনা : বুবাগ্রা, নীঙ বুবাগ্রা আংগাঁই তঙ আবতীই নিনি প্রজারগনি বিসিঙ নীঙ বিসাস খাইমানি বরক কীরীইদা? বরগ-ন' নাহারীই তাঙরিয়ীই মানয়া দে? হরসানি হ-র' নক খুঙসা তাঙগাঁই পাইরিনানি-বা তা-ম' তঙবা?
- বুবাগ্রা : বুবাগ্রাজীক, নীঙ থিক-ন' সাখা আবতীই-ন' আঙ খাই হরসানি হ-র' তেবসাখাই নক তাঙগাঁই পাইরিয়ীই রিনাই।

কামিঙ কাসকুরাজা, বনকইনা, দাইজীক থাংখা।
মিলিকতি কইনা, কামিঙ কাসকুরাজা ফায়খা।

- বুবাগ্রা : মাতিঙ, নীঙ বিসি চিনীই জরাতীই সইনাসি আংগাঁই তঙনানি নাঙগানী হিন-বেলে না', আ-ব' বুবতীই সীলাই।
- মিলিকতি কইনা : আঙ থুয়ীই তঙফুরু আ-ন' সইনাসি খরকসা সাফাইঅ নীঙ বিসি চিনীয় সইনাসি আংগাঁই মা তঙগানী তাই নকনি মানীয়রগ নাহারীই চায়ীই মাননিয়া, আবনি বিসিঙগ' নিজেনি নকনি বরক-রগ মাইরুঙ মাইখা আ-ন' আঙ সইনাসি আংগাঁই আচুকগাঁই তঙমানি জাগাঅ হিনখাই দান খায়ীই রিফায়ীই মা-ন', আবতীই হিনীই আ-ন' সইনাসি আংদি হিনীই সানাই ব আ-ন' সালাংগ'। বা নীঙ আঙ সইনাসি আচুগাঁই তঙমানি জাগাঅ মাইরুঙ মাইখা তুবুই দান খায়ীই রিফায়দি।
- বুবাগ্রা : আউ আঙ কালি-ন' আবতীই খায়ীই রিফায়ানী দান খায়ীই। আবনি উল' তাই তা-ম' হিনীই সাজাখা।
- মিলিকতি কইনা : আবনি উ-ল' খাই অ সইনাসি আ-ন' সাঅ নীঙ সইনাসি আংগাঁই আচুকমানি নক হিনখাই বুই তাই

- আইচুকনি তথা তইলিং নুকয়াসানি-ন' নক
পাইয়াই মা রিনাই হরসানি হ-র-ন'।
- বুবাগ্রা : অ সইনাসি তাই তা-ম' নন' সায়ীই হর ?
- মিলিকতি কইনা : অ সইনাসি তাইব' সায়ীই হর' বুমা বুফা আংগীই ম
সইনাসি আনি বীসা হিনীই তা সিনিজাকথুন।
বুইন'-ব' বীসা হিনীই সিনিমুঙ তারিথুন' আংগা খাই
আনি সইনাসি আচুকমানি চায়া আংগীই থানাই।
- বুবাগ্রা : জে নীঙ তাবুক আ-ন' সামানি আঙ আবতীই-ন'
নন' খায়ীই রিডানী, আবনি সীলাই-ব' নীঙ চীঙন'
সিনিমুঙ তারিদি বুমা বুফা আংগ' হিনীই সামানি
আবব' চীঙ নন' সাজীক অক হিনীই সিনিমুঙ
রিয়া। তাই নীঙ আ-ন' সামানি কক মাইরুঙ মাইখা
দান রিফাইদি হিনীই আবব' আঙ সা-ল' উইসা
খায়ীই দান রিফায়ানী।
- মিলিকতি কইনা : বা নীঙ আবতীই খাই-ন' সাদি, বুই-ন' নীঙ নিনি
বীসা হিনীই থপসাফা-ন' সিনি-মুঙ তারিদি, নীঙ
আনি বীসাসে হিনীই সিনিমুঙ রিখাই আঙ সইনাসি
আচুগীই তপ খাইমানি নাঙয়া আংগীই থানাই।

মিলিকতি কইনা, কামিঙ কাসুক রাজা থাংখা।
গয়ামনি, থাঙচীরাই ফায়খা।

- গয়ামনি : থাঙচীরাই, চিনি হাপুঙনি আয়াং নারনি তিলা
সাকাঅ হরসানি হ-রন' নক আংগীই আ-র'
সইনাসি বীরীই খরকসা আচুগীই তঙফায়খা
তিরিসুল বাই আক' বাই বেদীরা আংগীই অ বীরীই
সইনাসি বরনিব' ফায়ীই সকফায়খা সায়ীই
মানলিয়া। চিনি অ-র' সইনাসি আবতীই খায়ীই
তঙফায়খা কে-ব' সায়ীই মানয়া-খ'। নীঙ তিনি-ন'
অ সইনাসি-ন' থাংগীই নায়দি।

- থাঙচাঁরহি : অ আহাই দা? আহাই খাই আঙ তিনি-ন' থাংগাঁই
মা নায়নাই বুবতাই সইনাসি-ব' আঁংখা, আহাই
খাই বনবা জেসা কক-ন' ফানসে সাঁংগাঁই নায়াঁই
মান বেলে।
- গয়ামনি : মাননাই-নতা জেসা কক-ন' ফা-ন' সাঁংগাঁই,
ফায়দি চাঁঙ সালসা থাংগাঁই চিনি মুঙ সায়াঁই দে
মান সাঁংগাঁই নায়ানী ব-ন'। অ সইনাসি বীরাঁই
চিনি মুঙন' সায়াঁই রিয়াঁই মান খাই আহাই খাইলে
ব সইদম সইনাসি-ন', হিমদি বু সাল' থাংলাইনানি।
- থাঙচাঁরহি : চাঁঙ থাংগাঁই তা-ম' হিনাঁই ব-ন' রিঙনানি সীলাই।
গয়ামনি : সইনাসি আমা হিনাঁই রিঙগানীতা।
থাঙচাঁরহি : আউ আবতাই হিনাঁই-ন' রিঙমানি হা-ম'।

গয়ামনি, থাঙচাঁরহি থাংখা।

কামিঙনি বরক-রগ ফায়খা।

- কামিঙনি বরক-রগ : (অ সাইনাসি-ন' থাংগাঁই নায়াঁই বুক-রগ বগাঁই
ফায়লাইখা, উল' সলাই খা) বা বা বা ম সইনাসি
খাই কুকুবুই বীরাঁই কাহাম-ন' আবসে বীখীনাই
চিপরক-পরক বুখুক ককই আঁংয়া খাই বীরাঁই
বেলাই নায়থকখামনতা। ম সইনাসিনি নক
হিনমানি-ব' হরসানি হর-ন' তাঙজাকতাই
আঁংগাঁই থাংফন, ম সইনাসি খাই সইদম-ন'
আঁংনা। চিনি বুবাগ্রা হিন-ব' সইদম আঁংজাগাঁই-ন'
সাল ফায়খাই মাইরুঙ-মাইখা দান খায়াঁই তুনাই
রিফাইঅ। চাঁঙব' মানখাই বিনি আ-র'
মাইরুঙ-মাইখা তীলাংগাঁই দান রিমানি হা-ম'।
ফায়দি চাঁঙ নক- বুরুম নকবুরুম মাইরুঙ-মাইখা
থুমলায়াঁই ম সইনাসি-ন' দান রিলাইমানি হা-ম',
তঙতীতাই তাই তা-ম' খায়াঁই তঙলাইনানিবা।

কামিঙনি বরক-রগ থাংখা ।
গয়ামনি, থাঙচীরাই, সইনাসি ফায়খা ।

- গয়ামনি : আমা সইনাসি নগ দে তঙ ?
সইনাসি : নগ-ন' তঙবীলা । নরগ অর' তাম' খাইনানি ফায়
আঙ বাই কাম দে তঙ ? কাম তঙখাই সাদি তা-ম'
কামবা তঙ ।
- থাঙচীরাই : আমা সইনাসি, নীঙ বরনি অ-র' সকফায়খা
সীলাই ?
- সইনাসি : আউ কুচুক সাকানি-সে তাবুক নরগনি অ-র'
ফায়ীই সকফায়' নরগ বাই তঙনানি হিনীই নরগ
বাই চানানি হিনীই ।
- গয়ামনি : আমা সইনাসি, নীঙ তা-ম' তাম-ন' সায়ীই মান ?
সইনাসি : আঙ জত-নন' সায়ীই মা-ন', আঙ সায়ীই মানয়া
আবতীই কীরীই । নরগ তা-ম' আ-ন' সীংনানি
নায় সীংদি ।
- থাঙচীরাই : আমা সইনাসি, নীঙ পুইলা-ন' আনি মুঙন'
সাগীরাই খাই । নীঙ আনি মুঙন' সায়ীই
মান-খাইলে নীঙ মাননাই সইনাসি-ন' ।
- সইনাসি : সু সাগ-র' তীয় তঙগ' হাতীঙগ' নকবার তঙগ'
হাপুঙগ' বলঙ তঙগ' নখাঅ আথুককিরি তঙগ'
হা-সাকাঅ হর তঙগ', ম বরকনি মুঙন'
তাবুক—আনি খুনজু গানাঅ সায়ীই রিফায়দি (যাক
খুনজু গানাঅ রিয়ীই হিনখা) আউ আঙ সায়ীই
মানখা নিনি মুঙ থাঙচীরাইয়া দা ? আবতীইয়া দা
নিনি মুঙ ?
- থাঙচীরাই : আমা সইনাসি আবতীই-ন' আনি মুঙ, নীঙ সায়ীই
মাননাই-ন', আমা নীঙ সইদম সইনাসি-ন' আঙ
সায়ীই মানখা নন' ।

- গয়ামনি : আমা সহিনাসি নীঙ বিনি মুঙত' সায়ীই মানখা
তাবুক আনি মুঙন'ব' দে মান সাদি খাই।
- সহিনাসি : সু সাল তালনি দুয়ই মাই কাইখাই মাই আচাইখ'
খুল কাইখাই খুল আচাইখ' নকবার তঙগ' তীয়বার
তঙগ' হা তঙগ' বলঙ হালঙ তঙগ'—আনি খুনজু
গানাঅ খায়ীই সাফয়দি বিনি মুঙ তা-ম' (য়াক
খুনজু রিয়ীই হিনখা) আউ আঙ সায়ীই মানখা
নিনি মুঙ গয়ামনিয়া দা ?
- গয়ামনি : আমা সহিনাসি আবতীই-ন' আমি মুঙ, নীঙ সায়ীই
মানাই-ন' নীঙ সহিদম খায়ীই সায়ীই মাননাই-ন'।
নীঙ সহিদম সহিনাসি-ন' নিনি মুঙ চাঙ জত-নন'
সায়ীই আউই খায়ীই রিয়ীইনাই, চাঙ থাংখা।

গয়ামনি, থাঙচীরাই, সহিনাসি থাংখা।

সহিনাসি ফায়খা।

- সহিনাসি : আউ বুদ্ধি খায়ীই সহিনাসি অীংগীই বুই-ন'
ফুনুক-মানি বা কুকুবুই খাই ফীনাঙগীই মানখা
বেলে, আ-ন' খরকসা ফা-ন' সিনিয়ীই মাননাই
কীরীই, থাঙচীরাই বাই গয়ামনি-ত', আঙ বাই
মানজাক ফায়নাই। আঙ নীঙ মুকতানি বাগীইসে
আঙ মীতীই অীংমানি আঙ দে নন' ফিয়ক নীঙ
আ-ন' গীনাঙনি বীসা হিনীই-সে কাইজাকয়া
দীলা, নীঙ বাহাই খাই আঙ বাই কাইজাকয়াই
তঙগীই মান নুগানী। নীঙ মুকতা বীসীক জরাতীই
কীরাক আঙব' নাইয়ানী ফানসা।

সহিনাসি থাংখা।

মনিয়া, মায়াতি ফায়খা।

- মায়াতি : তাবুক চিনি অ-র' সহিনাসি খরকসা ফায়মানি নীঙ
জে ব-ন' সাংগ' আব-নন' ফাতসা খায়ীই সায়াই
রিয়াই মান হিন বেলে, অ বীরাই সায়াই কিসা
ফা-ন' দুলিয়ায়াই সহিদম খায়ীই সায়াই রিয়াই মান
হিন বেলে। নীঙ আ-র' উইসা-সীক থাংগীই
নায়নাবা তামঙগীইবা চীঙ মীসীক খায়ীই
কীরাইবা আংখা। ব-ন' সায়াই কিসা সীক দে
তারক জা-ন' চীঙ মীসীক মীচায়া মানীঙয়া
কাননানি কীরাই চুমনানি কীরাই খায়ীই বাসীক
তঙসিনানি। চিনি ম তামঙগীই মীতীই বা আংখা
অ বীরাই সহিনাসি-ন' কিসা সাংগীই নায়ীই
মানখাই চাখামন।
- মনিয়া : চীঙ ব-ন' সাংগীই তাই তা-ম' খাইসিনানি' চীঙ
বিগীরা বা বিগীরা-ন'। ব-ন' সাংগীই দে হাম-ন',
ব-ন' সাংগীইলে হাময়া-দ।
- মায়াতি : দ হাময়াথুন তে-ব' বন' সাংগীই নায়দি বলে
সাইনাসি বরক বা সাংমানি-ন' সাংমানি, ব
থাইসালে সায়াই রিহর-ডানী বেলে।
- মনিয়া : দ আহাই খাই উইসা-সীক সাংগীই নাইলাই দি
খাই।

মনিয়া, মায়াতি থাংখা।
কাইথ', কুনজুতি, ফায়খা।

- কুনজুতি : নীঙ খীনাখাদা চিনি কামিঙ গানানি হাপুঙগ' উ
সীকাঙগ' বীরাই সহিনাসি খরকসা ফায়ীই তপ
খায়ীই তঙফায়খা। অ বীরাই সহিনাসি জেসা ফা-ন'
নীঙ সাংখাই সায়াই রিয়াই মানফন। কাহামফা-ন'
সাংদি হাময়াফা-ন' সাংদি ফুঙসাই-ন' ফাতসা খাই
সায়াই খিব মানফন, বুই গিলা গিলা খায়ীই নায়ীই

- তঙলাইখা-ফন, ফায়দি চাঁওব' উইসাঁ- সাঁক
নায়লায়াঁই ফায়য়ানী ।
- কাইথ' : আঙব' কিসা কিসা খাঁনাখা অ সইনাসি ফায়মানি
কক-ন' ।
- কুনজুতি : অ বঁরীই সইনাসি তঙফায়মানি নক হরসানি
হরসে তাঙজাক-তাঁই আংগাঁই থাং হিন বেলে ।
আবতাঁই হরসানি হ-র' নক তাঙজাক-তাঁই
আংগাঁই থাংমানি আঙ খাই তাবুক-সে খাঁনাঅ,
আঙ চেরাই ফাঙসিনি আবতাঁই কক খাঁনায়া-খ' ।
- কাইথ' : আ-ব' আব-তাঁইদে হিন বা অ নক ।
- কনজুতি : আউ আবতাঁই-ন' ফন ।

কাইথ', কুনজুতি থাংখা ।
মনিয়া, মায়াতি, সইনাসি ফায়খা ।

- মনিয়া : আমা সইনাসি নন' আঙ খুলুমখা ।
- মায়াতি : আমা সইনাসি নন' আঙব' খুলুমখা ।
- সইনাসি : নরগ অকঁরা চাকঁরারগ নরগ আ-ন' অসই তা
খুলুমদি, আঙসে নরগ-ন' খুলুমনানি । আমাসঙ
বাবুসঙ নরগ-ন' আঙ খুলুমনানি । আমাসঙ
বাবুসঙ নরগ-ন' আঙ খুলুমখা নরগ-সে আনি
মায়-বাবুসঙনি সমান । নরগ আ-ন' জেফুর
ফানসে তা খুলুমদি । নরগ তিনি আনি অ-র' তাম'
খাঁনানি বাগাঁই ফায় সাদি । আঙ নরগ-ন' বুবতাঁই
খায়াঁই তারকগাঁই মান নায়য়ানী ।
- মনিয়া : আমা সইনাসি, আঙ কঁরীই বিসিঙ তে-ব' বিসি
কঁরীই বিগঁরা খরঙ-খরঙ আংসুগাঁই থাংখা ।
আনি বঁসা কায়সা মুকতা হিনাঁই তঙমানি ব-ন'
সুদু-ন' মাই কাহাম খায়াঁই চারিয়াঁই মানলিয়া । মুয়া
রীগাঁই থা রীগাঁই সিমি চালায়াঁই মা তঙলাইসিঅ ।

- কানমানি-ব' কাঙসাখাই কাঙসা-ন' চুমমানি-ব'
কাঙসা খাই কাঙসা-ন' আ-ব' চাঁও বুবতাই খাই
হামনানি আমা সইনাসি।
- মায়তি : নুঙলে বীরাইনি সইনাসি বা চাঁও তামঙগাই
আবতাই অঁংনানি নাঙখা চাঁওন' কিসা সায়াই
হরজাদি আমা সইনাসি।
- সইনাসি : নরগ তামঙ মীতাই অঁংনানি আঙ আ-ন' তা
খকদি জে অঁংমানি খুপুরুইন' সাদি।
- মনিয়া : আগিঅ আঙ দলিত পানথ-র' তঙমানিসে আ-র'
হুক হগাই চামানি জাগা কীরাই বাই চিনি কামিঙ
কাসকু রাজা চাঁওন' তায়ুঙ তীয়সা কামিঙ'
সেরিয়াই তুবাই ফায়খা, অ-র' ফায়াই হুক চানানি
বাগাই বলঙ হাকীরা নায়াই হকলাই-ফায়খা,
হগলায়াই মাই কাইয়াই রিলাইখা, মাই খাইত'
হামখা। হামহিনাই তা-ম' খইনানি অ মাই দগরা
চায়াই থাংবাইখা। হুকনি মাই হিনাই কলসা ফা-ন'
মানলিয়া, আবতাই অঁংগাই তঙমানি জরাস খাই
চিনি রাজানি তহসিলরগ খাজনা তীলাংনানি
হিনাই ফায়খাই আঙ খাজীনা রিহর মানয়া
অঁংগাই আনি নকনি ডাক পুন তক চিনি কানমানি
চুমমানি, চিনি মাইরাঙ লুতা জত-ন' থুমখীলাই
তুবুই ফায় খাই কুসতাম ফা-ন' কীরাই অঁংগাই
থাংখাতা।
- সইনাসি : নরগ কুসতাম ফা-ন' তা উনাদি আঙ নরগনি
বাগাই তঙগী, নরকনি লাঙগা দে তঙ?
- মায়তি : তঙগ'।
- সইনাসি : থাংদি নাহারাই ফায়দি নিনি লাঙগা-ন' আঙ ইলিম
সায়াই রিনানি নিনি লাঙগাঅ।
- মায়তি : আউ তাই উইসা ফায়ফুরুঅ তুবুই ফায়য়ানী আমা
সইনাসি।

মনিয়া, মায়াতি, সইনাসি থাংখা ।

বুবাগ্রা, বনকইনা ফায়খা ।

- বনকইনা : চিনি মাতিঙ সইনাসি আংগাই নখর থাংমানি-বা বুফুরু বুফুরু-ব' আংগাই থাংখা বেলে সায়াইসে মারীকলিয়া তালসা আংগাই থাংমানি, নীঙলে কানি-ন' থাংগাই নায়াই তঙনাইবা বুবতাই খাইবা তঙজা ববা, ন-গ' ফা-ন' উইসা-সীক তেবসা খাই ফায়াই থাংফায়- খাই চাখামন, নীঙলে কালি-ন' থাংগাই তঙনাইবা ব-ন' সায়াই রিদি উইসা ফায়াই থাংফায়থুন ।
- বুবাগ্রা : মাতিঙ ব তাম' খায়াই ফাইনানি-বা, বিনি আ-র' বরক-মাং-সে বুরুঙ বুরুঙ, ব জরাঅ ফায়নানিবা, ব তাবুক তাই ফায়াই মানয়া ।
- বনকইনা : আনি মাতিঙ তাম' তা-ম' খাই আ-র' ব সইনাসি আংগাই ।
- বুবাগ্রা : বেলে সইনাসিবা বুই কাহাম হাময়া ব-ন' সাংফায়' জাতে রে জাতনি ককরগ, ব আব-ন' ফিরগাই সায়াই রিহরনানি নাঙতা, মীতাই খাই মীতাই হিনাই আবতাই-ন বিনি কাম ।
- বনকইনা : থাংমানি-ব' বালকখা বা খাতাঙমানি-ব' কুল কীরাইখা, আব' বাই উইসা সীকফা-ন' ফায়াই থাংফায়থুন হিনাই কাচারমানিতা । নীঙ সায়াই রিনাবা, তেবসাখাই উইসাসীক ফায়াই থাংফায়-থুন ।
- বুবাগ্রা : আ-র' বরকসে কপুলুঙগ' ব-র' সায়াই মাননানি বুইনি সীকাঙগ, সারাকয়া বুই খীনায়াই থানী । ম আংখা বুই খীনামাইয়ানি কক ।
- বনকইনা : আউ আবলে আবতাই-ন' ।

বুবাগ্ৰা, বনকইনা থাংখা ।
মানিয়া, মায়াতি, সেইনাসি ফায়খা ।

- মায়াতি : আমা সেইনাসি ইক' আ-ন' নীঙ সামানি লাঙগা
তুবুদি হিনাই আব' বাই-ন' আঙ নন' লাঙগা তুবুই
রিফায়খা নীঙ আনি লাঙগাঅ তা-ম' ইলিম-ন'
সানানি তাবুক সাদি, সায়ীই আ-ন' আনি
লাঙগা-ন' হরদি ।
- সইনাসি : অ লাঙগা-ন' আনি থানি হরদি ।

মায়াতি থাংগীই অ লাঙগা-ন' সেইনাসি'
থাংগীই রিয়ীইখা ।

সইনাসি লাঙগা-ন' যা-গ' নাহারীই ইলিম
সামাসি সামাসা খায়ীই মায়াতি-ন' তাই উইসা
য়াফারীই রিখা হিনদি নিনি লাঙগা হিনাই ।

- মায়াতি : ম লাঙগা-ন' আঙ তাবুক তা-ম' খাইনানি নাঙন'
আমা সেইনাসি ।
- সইনাসি : নীঙ তাবুক আনি নক বিসিঙগ' হাবীই মাইরুঙ
লাঙগাসা খকচায়ীই ন-গ' তীলাংগীই থাংদি, নীঙ
ম লাঙগাসা মাইরুঙ চাবাইয়ীই পাইখাই-ন'
সমানে-ন' তীলাংগীই থাংফায়দি ।
- মানিয়া : আমা সেইনাসি নীঙ আবতীই খায়ীই মাং কালি-ন'
মাইরুঙ রিহরীই কুলগীই মা-ননা দেবা আয়াং
বেলে সেইনাসি বরক ।
- সইনাসি : আঙ আবতীই খায়ীই মাইরুঙ রিহরনানি বাগীই
আঙ নরগনি লাঙগাঅ খায়ীই ইলিম সায়ীই রিখা
তামঙগীই হিনবা আনি সেইনাসিনি রিতি-নিতি
তঙগ' আব' বাই-ন' আঙ নরগনি লাঙগাঅ ইলিম
সায়ীই মারিঅ, নরগ কালি-ন' ফায়ীই আনি অ

- মাইরুঙন' লাঙগাসা লাঙগাসা খায়ীই ফায়ীই মা
তীলাং ফায়' আনি থানি নরগ আবতীই খায়ীই
তীলাং ফায়য়া খাই নরগ হামীই চায়ীই মাননিয়া
আসীক-ন' কক। ম কক-ন' নরগ বীখাঅ মুয়তু
তনিদি।
- মায়াতি : অমা আহাই খাইলে চাঙ কালি-ন' নিনি থানি
মাইরুঙ মা তীলাংগীই থানাই কালি-ন' ফায়ীই।
- সইনাসি : নরগ তাই উইসা ফায়খাই আঙ নরগন কাননানি
চুমনানি রি-ব' রিহরনাই। আবব' নরগনি লাঙগাঅ
ইলিম সাজাগ', অ রি-নব' নরগ মা তীলাংনাই।
নরগ তাবুক থানদি, থাংগীই আনি মাইরুঙন'
সংগীই চলাইদি।
- মায়াতি : আউ আহাই খাই চাঙ থাংখা খাই আমা সইনাসি।

মানিয়া, মায়াতি সইনাসি, থাংখা।
সইনাসি ফায়খা।

- সইনাসি : মুকতা নীঙ তাবুক তা-ম' খায়ীই আনি থানি য়র্গীই
থানানি, আঙ নিনি বার্গীই মীতীই বুইদি খায়ীই
তঙথানি উইসালে আনি যা-গ' নীঙ
কীলাই-ফাইয়ানী বেলে, নিনি বার্গীই আঙ বীখা
থনাই তনমানি নীঙ উইসালে ফায়ীই
নাঙফায়নাই। আঙ খাই থনাই তনমানি মাগীনা
খাই থাংনিয়া হাই মাতঙগ'।

সইনাসি থাংখা।
গয়ামনি, থাঙচীরাই ফায়খা।

- থাঙচীরাই : তা-ম' গয়ামনি ম সইনাসিবা চিনি বুবাথানি
বীসাজীক মিলিকতি কইনানসে তা-ম, সলমানি

- হাই মা তঙগ', বহাই-ন' বহাই তঙমুঙ-চামুঙ খাই,
কক সামানি-ব' বনন' স-ল' । ব আকন দে আংগাঁই
তঙখা সিয়া দ ।
- গয়ামনি : দু-র কবর আকন দে রাজানি বাঁসাজীক সইনাসি
আংগাঁই সাইচুং তঙগাঁই মীতাই পুজিয়াই তঙনানি ?
আসীক চাবাইয়া নীঙ বাইয়া বরক ব তাম' চানানি
তা-ম' নীঙনানি অসই সইনাসি আংগাঁই তঙনানি,
বিনি তা-ম' উনামানি তঙ ? চানানিব' বিয়াল কীরাই
নীঙনানি-ব' বিয়াল কীরাই ।
- থাঙচীরাই : আঙখাই বনন' সলজাগাঁই তঙখাতা । নীঙ তাবুক
তাই উইসা থাংখাই জুইত খায়াই য়াফাঙ-বুচুক
নায়সিগাঁই নায়দি । সিয়া নীঙবা বুবতীইবা
আংজাকন', আঙলে মিলিকতি কইনান-ন'
সলজাগাঁই তঙখা ।
- গয়ামনি : থাঙচীরাই নীঙ পুয়তু দে থাঙবা বুবাথানি
বাঁসাজীক সইনাসি আংগাঁই থানানি । বিনি নকব'
হরসানি হ-রসে তাঙজাক-তাই আংগাঁই থাংফন ।
- থাঙচীরাই : আউ আব-ব' সই কক-ন' ।

গয়ামনি, থাঙচীরাই থাংখা ।
মনিয়া, মায়তি ফায়খা ।

- মনিয়া : তিনি-অ চীঙ সইনাসিনি আ-র' থাংগাঁই মাইরুঙ
নাহারাই ফায়নানি কক । অ মাইরুঙন' তাম' খায়াই
নাহারনানি আঙব' লুমাই তঙখা ।
- মায়তি : আবনি বাগাঁই নীঙ তামনি উনায়াই তঙ ? চিনি
বাবু কীরাই দা ? ব নাহারাই ফায়থুন তা তা-ম'
তঙবা অ মাইরুঙ কিসা-ন' নাহারনানি-বা,
থাংখাই-ন' ফায়াই মা-ন', আ-ব' বাঁসীক-ন' চাল,
সীরাপসাখাই-ন' সকফায়ানী ।

- মনিয়া : চীঙসে কালি-ন' নাহার'ই মা-ন' চেরাই-ন' হরয়া
হিনাই তঙমানিতা। অসই-কসই সইনাসিনি আ-র'
হরনানি খাইবা তাম' হাই অীংয়া দে বা।
- মায়াতি : সইনাসিনি আ-র' হর হিনবা তাম' আংনানি বিনি
সইনাসিনি লামা ব তঙগানী, আনি আঙ তঙগানী
তাম' তঙবা। বাবু নীঙ যাংগ' ফায়গীরাদি নীঙ
বাই কিসা কাম নাঙগ', নীঙ আনি গানা
ফায়গীরাদি।
- মুকতা ফায়খা।
- মুকতা : মা নীঙ আ-ন' তা-ম' খাইনানি রিঙসীলাই আঙ
বাই নীঙ কাম দে তঙ তা-ম' বাবতীই কক তঙ
সাদি।
- মায়াতি : তিনি সইনাসিনি ন-গ' থাংগীই মাইরুঙ নাহারীই
ফায়নানি কক। নীফা থাংগীই অ মাইরুঙন'
নাহারীই মাননাইয়া লুমাই তঙমানি বাই, নীঙ
কিসা থাংগীই অ মাইরুঙন নাহারীই তুবুই মা
ফায়নাই, নীঙয়াসা তাই থাংনাই কীরাই।
- মুকতা : দ থাঙগানীতা মা, আঙ আ-র' উইসাফা-ন'
থাংজাকয়া-খ'। তিনি থাংগীই নায়নানিতা অ
সইনাসি বাঁরাই-নব' নায়বুতীই।
- মনিয়া : অমা অমা আঙ লুমমানি বায়েইই তঙখা আব'
বাই-ন' মাইরুঙ নাইনানি থাংগীই মানলিয়া আব'
বাই নন' হরসিনানি মাইরুঙ নাহারনানি বাগীই।
- মুকতা : আঙন' থাংগীই নাহারই ফায়য়ানী নীঙ তা উানাди
বা।

মনিয়া, মায়াতি, মুকতা থাংখা।

কাইথ', কুনজুতি, ফায়খা।

- কুনজুতি : চিনি অ-র' ফায়াঁই তঙফায়নাই বীরাঁই সইনাসি
কিসানি বরক কাহাম অাঁংনিয়া, মনিয়া সঙন'সে
বিনি আরনি মাইরুঙ-ন' লাঙগা লাঙগা হরাঁই
চারিঅ, কাননানি চুমনানি রিরগ-ব' জত-ন'
রিহরখা হি-ন'।
- কাইথ' : বরক কাহাম তা হি-ন', বরক কাহাময়া খাইদে
সইনাসি অাঁংগাঁই মান, আব' বাই-ন' ম বীরাঁই
সইনাসি অাঁংগাঁই মানতা হি-ন', বুই ব-ন' বীরাঁইনি
সইনাসি হিনাঁই নায়-নানি থাংখাই কক সায়াই-ব'
তঙয়া, আয়াং ব নিনি কাহাম হাময়া জত-ন' ব
সায়ই রিনাই। ম বীরাঁই গীনাঙনি সইনাসিয়া,
কীরাঁই বিগীরা খরঙ-খরঙনি সইনাসিসে। আব'
বাই ব কীরাঁই-ন' নায়'।

কাইথ, কুনজুতি থাংখা।

মুকতা, সইনাসি ফায়খা।

- মুকতা : আমা সইনাসি নগ' দে তঙ ?
- সইনাসি : নাঁঙ সা-ব' অ-র' আমা আমা হিনাঁই তঙফায়।
নিনি মুঙ তা-ম' ?
- মুকতা : আমা সইনাসি আমি মুঙ মুকতা আমা।
- সইনাসি : নাঁঙ আ-ন' সইনাসি হিনাঁই রিঙগাঁই মানয়াদা
(তিনিলে নাঁঙ আনি থানি মানজাকখা)।
- মুকতা : আঙ আবতাঁই হিনাঁই সায়াই মানয়া বীলা।
- সইনাসি : নাঁঙ তা-ম' খাইনানি হিনাঁই আনি অ-র' ফায় ?
- মুকতা : আঙ নিনি অ-র' মাইরুঙ তীলাংগাঁই থানানি হিনাঁই
ফায়', আনি মা বাই বা সায়াই রিহরাঁই।
- সইনাসি : নাঁঙ আ-ন' সিদে সিনি ?
- মুকতা : হাঁহি আঙ নন' সিনিয়া।
- সইনাসি : হরদি নিনি যাফা নায়গীরানা।

- মুকতা : হিনদি নায়দি খাই আনি য়াফা ।
- সইনাসি : নিনি য়াফা-ন' নায়াই আঙ নন' সাঅ, নন' বীরাই কায়সাসীক নীঙ বাই কাইজাকনানি হিনাই সামানি দে তঙ? নীঙ কুবুই কক-ন' সাসীলাই আ-ন' । নীঙ আ-ন' তাতাল তাসাদি, নীঙ আ-ন' তাতাল সাখাই নন' আঙ সাপ রিয়াই খিবাই রিডানী । নীঙ আ-ন' কুবুই কক-ন' সাদি ।
- মুকতা : আউ সইনাসি, বীরাই খরকসা আ-ন' হামজাগীই আঙ বাই কাইজাকনানি হিনাই সাখা ।
- সইনাসি : নন' আবতাই নীঙ বাই কাইজাকনানি হিনাই সানাই বীরাই সা-ব' ?
- মুকতা : আ-ন' হামজাগীই আঙ বাই কাইজাকনানি হিনাই সানাই বীরাই খাই চিনি কামিঙ কাসকু রাজানি বীসাজীক মিলিকতি কইনা-তা ।
- সইনাসি : নীঙ তামঙগীই অ মিলিকতি কইনা বাই কাইজাকয়া সীলাই ?
- মুকতা : অমা আঙ ব বাই দে কাইজাগীই মান ? ব বেলে বুবাথানিসে বীসাজীক, আঙ বেলে কীরাই বিগীরা খরঙ-খরঙনি বীসা, ব বাই দে আঙ চুকলাই ? ব বাই খাই আঙ চুকনাইয়া অ গীনাঙরগ বাই ।
- সইনাসি : নীঙ খীনা তাই উইসা ফায়দি তিনি আসীকন' সালাইখা, নীঙ খীনা ফায়য়া হিনখাই নন' আঙ সাপ রিয়াই খিবাই রিনানি, নীঙ ফায়নানি হিনাই কক রিদি আ-ন' তাবুক ।
- মুকতা : খীনা আঙ জেসাখাই ফা-ন' নিনি অরঅ ফায়নাই-ন' ফায়নাই ।

মুকতা, সইনাসি থাংখা ।
বুবাথ্যা, বনকইনা ফায়খা ।

- বনকইনা : বুবাগ্রা, খালি খাইন' চিনি মাতিঙ সহিনাসি নখরীই তঙমানি বিসি চিনীয় পুঙগীই থাংগানী। ব বিসি চিনীই পুঙগীই ন-গ' ফায়খাই-ন' তাই ব-ন' বীথাগীই তনিলিয়া, কাইয়ীই খিবমানিসে হা-ম', আবতীই গীনাঙনি বীসারগ চিনি ন-গ' কক হরনাই দে তঙ, তঙখাইবা কাইয়ীই খিবমানি-ন' হা-ম'।
- বুবাগ্রা : চিনি সাজীক মিলিকতি কইনা বাই কক হরনাইরগ তঙ বেলে, আঙ-সে কুসতাম ফা-ন' পুঙয়া আংগীই তঙগ', য়াংগ' সহিনাসি আচুগীই তঙমানি বাই আকন বাই।
- বনকইনা : বুবাগ্রা সা-ব' সীলাই চিনি ন-গ' আঙসা- জীক বাই কাইনানি হিনীই কক-ন' হরনাইরগ।
- বুবাগ্রা : ইকেলে সরদারনি বীসীলা বুবাগ্রা কুসুনি বীসীলা-সঙ বাই-ন' তাকীলাই কাইনানি দা হিনীই কক হরলাই তঙগ'।
- বনকইনা : কীরীইনি বীসা বাইলে কাইয়া।
- বুবাগ্রা : কীরীইনি বীসা বাই দে কাই-কাই, আঙ কীরীইনি বীসা বাইলে থপচা ফা-ন' কাইয়া' গীনাঙন' গীনাঙ মুঙ সাক-গীনাঙ।

বুবাগ্রা, বনকইনা থাংখা।

মনিয়া, মায়াতি, মুকতা ফায়খা।

- মায়াতি : বাবু নীঙ তাই সহিনাসিনি আ-র' থাংগীই মাইরুঙ নাইনানি নাঙলিয়া নীফা হামখা লুমমানি। নীফা-ন' তীরীক তীরীক খায়ীই থাংগীই নাহারীই ফায়ীই মা-ন' তাবুক লুমমানি হামখা বা।
- মুকতা : মা বা তঙসিথুন আঙন' তাবুক থাংগীই নাহারীই ফায়ীই মা-ন' মাইরুঙ লাঙগাসা হরীই তুবুই ফাইনানি-বা তাম' তঙ বা।

- মনিয়া : আঙব' থাংগানী উইসা-উইসু, নীঙব' নাহারদি
উইসু-উইসু তাই তা-ম' তঙ বা মাইরুঙ কিসা
নাহারীই চালাইনানি-ন' বা ।
- মায়াতি : আউ আবতাইন' খাইদি, নরগ থাংলাইয়ীই মানয়া
ফুরুখাই আঙব' উইসা-উইসু থাঙগানী ।

মনিয়া, মায়াতি, মুকতা থাংখা ।

সইনাসি, মুকতা ফায়খা ।

- সইনাসি : অ নীঙ ফায়খা আহাই দা ?
- মুকতা : নীঙ সইনাসিসে আ-ন' রিঙখাই বা আঙ তাই
ফায়য়াই তঙগীই দে মানন বা ? আঙ আবতাই
কক থিক কীরাই অঁংয়া । আগি-ব' অঁংয়া
তাবুক-ব' অঁংয়া আনি থানি থিক খাই থিক-ন' ।
- সইনাসি : হিমদি নন' অ-র' বুইনি সীকাঙগ' কক সাথকয়া,
বলঙগ' থাংগীই কক কতন' সালানি ।
- মুকতা : দ হিমদি তা খাই থাংগানী ।
- সইনাসি : (বলঙগ' থাংগীই রীচাব')

নন' সিনিয়া আঙ উইসা নুকখা হামজাগীই বীখা-ন' বুখা,
সাবলে অঁংখা আসীক নায়থকখা হা বাই সুবিয়ীই তঙখা ।
বীখা বিসিঙগ' বাবে মা তঙখা লগি-সঙ খাইনানি
নন' খা খাইয়ীই তঙখা ।

নন' নুকমানি অ সালনি সিমি বীখাঅ অরনদি নাঙখা,
বুই-ন' খীনারি হা-ন' খীনারি উাকমা-ন' কঙগীরাই মানরি
দেস সুবীরাই গুরি নায়তুগীই তুবানী নন-ন' খাররি ।
নন' সিনিয়া সীংথকয়া সীংগীই নায়মানি দে হামন',
তাম-ব' হিন-ন' বীখা বুজিয়া সীংগীই দে লাচিমান চা-ন' ।
সীবা-ব' অঁংখা নীঙলে তাম-ব' অঁংখা মুঙলে,
সীংয়ানি সীংখাই সীংগীই রিখাখাই জলে-জাগীই দে তঙন' ।

বীসীক তঙ খাই বা চাল তঙ হাকচাল সামপা দে অীং তঙ
 তঙথাইলে সামপা অীংগীই তঙখা-খাই আঙলে নায়-মামাং মাতঙ ।
 সিয়া সাইমানয়া হুজুর সাখাই অীংনা দে মনজুর,
 কুবুই চাচা-ন' নন' হামজাগ' আঙলে নীঙ বাই তঙগানী কক জুর ।
 চেরাই খীঙমানি বেসুক বেজুর নন' খায়' আঙ যাক জুর
 জেথানি নুকখাই কক-ন' সাউানী আ-ন' খীলাইদি মনজুর ।

- সইনাসি : নীঙ তাবুক আ-ন' সিনিখা দে আঙ সা-ব' ?
 মুকতা : হাঁহি আঙ নন' সিনিয়া-খ', সইনাসি হিনীই সিনিখাতা ।
 সইনাসি : আঙন' কামিঙ কাসকুনি বীসাজীক মিলিকতি কইনা ।
 মুকতা : নীঙ তামঙগীই সইনাসি অীংগীই মা তঙখা সীলাই ?
 সইনাসি : আঙ নিনি বাগীই-সে বিসি চিনীয় সইনাসি অীংগীই তঙগ' নীঙ বাই কাইজাকনানি হিনীই ।
 মুকতা : নীঙ বেলে বুবাথ্রানি বীসাজীক গীনাঙনি বীসা, আঙ কীরীই বিগীরানি বীসা, আঙ দে নীঙ বাই কুলক ? আঙ নীঙ বাই কুলকয়া । আঙ নীঙ বাই কাইজাগীই মানয়া ।
 সইনাসি : কুবুই দে নীঙ আঙ বাই কাইজাগীই মানয়া ?
 মুকতা : আউ আঙ নীঙ বাই কুবই-ন' কাইজাগীই মানয়া ।
 সইনাসি : নীঙ আঙ বাই কুবই-ন' কাইজাগীই মানয়া হিনখাই নীঙ কীথাঙ তঙগীই হামাই চায়ীই তঙসিদি, আঙ থাংখা কতক সরীই থীয়নানি ।

মিলিকতি সইনাসি আবতীই হিনীই সায়ীই
 আতকাসা বীচায়ীই গুদু গুদু খায়ীই বীচায়ীই
 বুফাঙগ' কতক সরীই থীয়ীই থাংসিনানি হিনীই
 খাইচিগীই থাংখা বলঙ কুথুক ফায়সিংগ' ।

মুকতা মিলিকতি সহিনাসিন' কতক সরাই
 থায়নানি হিনাই আতকাসা গুদু গুদু খাইচিগাই
 থাংমানি নুগাই উনসুগাই নায়খা ম বীরাইবা
 কুকুবই-ন' থায়ই-ন' থাঙগানী হিনাই আঙ
 গসেয়াই খিবমানি হা-ম' হিনাই গসেয়াই
 আতকাসা বাঁচায়াই নীঙখা অ মিলিকতি কইনা
 আঙ নীঙ বাই-ন' কাইজাক-সিনানি নীঙ
 কতক-সীরাই তা থায়দি হিনাই মিলিকতি-ন'
 রমাইনানি হিনাই থাংখা গুদু গুদু খায়াই
 খাইচিগাই।

- মিলিকতি কইনা : নীঙ আঙ বাই কাইজাকয়া খাই আ-ন'
 বানচে-রিনানি হিনাই তাফায়দি। আঙ থায়াই-ন'
 থাংসিনাই বুফাঙ সাকাত কাইয়াই।
- মুকতা : আঙ নীঙ বাই-ন' কাইজাক-সিনানি, নীঙ তা
 থায়দি।
- মিলিকতি কইনা : আঙ থায়ইন' থানাই নীঙ আ-ন' থকেঅ।
 মুকতা : আঙ নন' থকেয়া, নীঙ বুফাঙ সাকানি নঙখরাই
 ফায়দি।
- মিলিকতি কইনা : কুবুইদা অ কক?
 মুকতা : কুবুই-ন'।
- মিলিকতি কইনা : সহিত' খাইদি খাই।
 মুকতা : সহিত-ন' খাইখা।
- মিলিকতি কইনা : আহাই খাই হিমদি তায়ুঙ তায়সানি তায়' সীমাই
 তাঙলাইনানি চিনি জিবন কুসুঙসানি বাগাই তাই
 কাকলাইলিয়া হিনাই।
- মুকতা : আউ নখরদি বুফাঙনি, ফায়দি নিনি ককতাই-ন'
 তায়ুঙ তায়সাত বাঁচালায়াই সীমাই তাঙলাইনানি।
 (হিনাই সীমাই-ন' তাঙলাইখা)।

মিলিকতি কইনা, মুকতা থাংখা।
গয়ামনি, থাঙচাঁরাই ফায়খা।

- থাঙচাঁরাই : চিনি অরনি বীরাই সইনাসি বিয়াং-ব' কীমায়াই
থাংখাফন। নীঙ সায়াই দে মান দা গয়ামনি।
- গয়ামনি : বিসি চিনীয় পুঙগাঁই থাংখাবা কীরাই- খাতা, বিসি
চিনীয়নি বাগাঁই-সে আচুকমানি হিনখাইব তাই
অ-র' ব-র' তঙসিনানি সীলাই।
- থাঙচাঁরাই : আ-ব' বাহাই-ব' ফিলিকসাখাই কীমায়াই
থাংগাঁইবা মানখা কে-ব' সায়াই মারীকয়া খায়াই।
- গয়ামনি : সইনাসিরগনি তঙমুঙ আহাই-ন' ফিলিকসা থাংগ'
ফিলিকসা ফায়', তিনি অরনিবা খীনাঅ উ-র'
থাঙগ'। সইনাসিরগনি তঙমুঙন' আহাই। বরগ
অ-র' উইসা উ-র' উইসা খায়াই-ন' তঙগ'।
- থাঙচাঁরাই : ম বীরাই সইনাসি হাই মায়া-গীনাঙ তাই কীরাই।
দা মুকতাসঙন'-সে বীসীক জরাতীই
মাইরঙ-মাইখা রিহরাই চারিখাবা, রিরগ-ত'
বীসীক খায়াই রিহরখাবা আ-ব' সানানি হামলিয়া
ম সইনাসি কীরাইনি সইনাসিসে গীনাঙনি
সইনাসিয়া। ককখুক-ব' সীরাই-সীরাই খায়াই
সাত।
- গয়ামনি : আউ আবলে আবতীই-ন'ম বীরাই সইনাসি খাই।

গয়ামনি, থাঙচাঁরাই থাংখা।
মিলিকতি কইনা, মুকতা ফায়খা।

- মিলিকতি কইনা : ইক' তায়ুঙ তীয়সা মালাইখা তাবুক-লে উ
তীয়সানি তীয় কীনায়ে কীচা-র' থাংগানী সীমাই
তাঙলাইনানি হিনখাই।

- মুকতা : তীয় কীনীয় কীচা-রন' হিমদি আর-ন' কাহাম
সীমাই-ন' তাঙলাইনানি হিনখাই। ম-ন' তীয়
কীনীয় কীচার হরদি নিনি য়াফা, নিনি য়াফা-ন'
বুয়ীই-ন' সীমাই-ন' তাঙগানী নীঙ বাই আঙ বাই।
- মিলিকতি কইনা : হিনদি য়াফা।
- মুকতা : নিনি য়াফা-ন' আঙ সীকাঙ রমীই-ন' সীমাই
তাঙগানী। আঙ নন' জিবন' তাই কাকলিয়া সইত'
সইত' উইথামনি সইত'। তাবুক নীঙ তাঙদি খাই
সীমাই।
- মিলিকতি কইনা : আঙব' নিনি য়াফা-ন' বুয়ীই সীমাই তাঙখা, আঙ
নন' জিবন কুসুঙসানি বাগীই তাই কাকলিয়া সইত'
উইথামনি সইত'।
- মুকতা : (রীচাব')।

আঙলে বিদেশি তকসা বুফাঙ বাফায়খা উইসা
বুবতীই তকসা-ব' সিদে সিনিখা
তঙরীগ' থাংসিনাই উইসা।

বুমানি বীসা আঙলে সাক কায়সা
জান বাই আঙ বাই লে মীচাঙগীই তঙখা
নীঙ বাইলে আঙ সাক খাকসা।

ফাঙননি নকবার তিনি-ন' সি-ব'
বসরলে কীতাল খাই ফায়'
পুইলা সীকাঙ আঙ নন' নুর্গীই বীখাঅ হামজাগীই খিব'।

উঅ সুরু-গ' উঅ সুরু-গ' সাইচুং বীখাঅ চা-ব'
আংসিথুন হিনীই আঙলে বাবেঅ
নীঙ বাই-ন' থীয়নানি হিনীই কা-ব'।

বলঙনি তকসা খুমুলীঙ বাঅ
বথপ থুমনানি হিনীই
মীনাই চিকন-ন' আঙলে নুকনুর্গীই
তিনি-ন' কক-ন' সাঅ।

- মিলিকতি কইনা : আঙ থাঙখা দ নীঙ কালি-ন' তায়ুঙ তায়সানি
দুঙু-র' তুকুনানি হিনীই ফায়দি, আঙ কালি-ন'
নীঙ বাই মালাইফায়নানি আসীক-ন' কক' আঙ
থাংখা। আঙ থাংগাঁই তাবুক মা বাই বা বাই খায়ীই
মালাইনানি।
- মুকতা : আঙ তাবুক থাংগাঁই মাসঙ বাই মালাইনানি।

মিলিকতি কইনা, মুকতা থাংখা।
কামিঙ কাসুক রাজা, বনকইনা, মিলিকতি কইনা ফায়খা।

- মিলিকতি কইনা : (ন-গ' ফায়ীই বুফা-ন' খুলুমফায়') মা বাই বা আঙ
বসর চিনীয় সইনাসি আংগাঁই তঙমানি তিনি
পায়ীই ফায়খা, আঙ ইমাঙগ' সাজাগাঁই সইনাসি
আংগাঁই তঙমানি।
- বনকইনা : আউ কাহাম-ন' আংখা মাতিঙ' নীঙ তাবুক
কাহাম-কীরীঙ খায়ীই তঙখাই আংগ'। তাবুক নীঙ
তাই কুসতাম জাগাঅ-ব, তা কুতুলসিদি।
- মিলিকতি কইনা : আউ মা আঙ তাই কুসতাম জাগাঅব' কুতুললিয়া।
বুবাগ্রা : নীঙ সইনাসি আংগাঁই নগ' ফায়ীই তঙগাঁই বিসা
কাগীরাতুন, খালি বালি খাই নন' কায়ীইসে খিবীই
রিনানি মাতিঙ।
- মিলিকতি কইনা : আঙ তাবুক কাইজাকয়া উ-লসে কাইজাকনানি,
আঙ সইনাসি আংগাঁই তঙমানি লেঙমানি-সে কুল
কীরীইখু, আঙ তাবুক ব-র' কাইজাকনানি,
কাইজাকয়া তাবুক।
- বনকইনা : বরক কাহাম কাহামনি বাঁসা, গীনাঙ গীনাঙরগ
বাই-সে কক হরীই তঙখা, উল' কেপেলে-য়ীই থাংখাই
তাই গীনাঙরগ বাই মা কইনিয়া, নন' আব' বাই-ন'
তাবুক গীনাঙরগ নন' কক হরসাসাক কাইয়ীই
খিবমানি চাঅ, উল খাই কেপেলে-য়ীই থানী।

মিলিকতি কইনা : কেপেলেয়্যাই থাংথুন আঙ কইজাকয়া মা ।

কামিঙ কাসুক রাজা, বনকইনা, মিলিকতি কইনা থাংখা ।
কইথ', কুনজুতি, ফায়খা ।

কুনজুতি : চিনি অর' বীর্যই সইনাসি ফায়্যই তঙফায়ফুরু
কালি-ন' পাল পাল খায়্যই থাং-লাইঅ ফায়লাইঅ
উর-মুর আংগ্যই কুতুকলাইয়্যই তঙলাইমানি
তাবুক খাই নিরাল আংগ্যই থাংখা । তাবুক খাই
আ-র' তকসা তকতাইনি খরাঙ ফা-ন' খীনালিয়া
নিরাল নিবান-দ' আংগ্যই থাংখা ।

কইথ' : বরক কীর্যই খাই আহাই-ন' আংগ' আব'বাই-ন'
বরক তঙমানি জাগাঅ বরক মাতঙগ' নিয়া
সীলাই । জেসা জাতি-গুসতি ফা-ন' আংথুন, অ
সইনাসি ফা-ন' আংথুন ব বরক বাইসে সইনাসি,
বরক কীর্যই খাই ব-র' সইনাসি আংগ্যই
মানখামন, বরক তঙগ্যই-ন' ব সইনাসি আংগ্যই
মানতা ।

কুনজুতি : কুবুই-ন' অ সইনাসি বীর্যই বরনি হিন নীঙ সায়্যই
দে মান, বিনি কামিঙ-বা ব-র' আংগ্যই তঙখা ।

কইথ' : অ সইনাসি বীর্যইনি কামিঙ ব-র' আবলে আঙ
সায়্যই মানয়া, তা-ম' বুইন' কিসা কিসা আহাই-ন'
তাই-তাই সালাইমানি খীনাঅ' তা-ম' চিনি
বুবাথানি বীসাজীক-নসে হিনই বীখাঅ চংলাই
বেলে, সিয়া-দ' আঙ সাসুগ্যই মানয়া ।

কুনজুতি : আংগ্যই ফা-ন' মানী বুই আহাই-ন' সিঙ- সঙ
সিঙ-সঙ আবতাই হিন্যই সালাইয়াখাই তা-ম'
সীলাই ।

কইথ' : অ বীর্যই সইনাসি ববা কীর্যইনি বীখাক- সে
বেলে । ব গীনাঙ নি বীখাকয়া, ব বুবাথানি

বীসাজীক হিনখাই কীরাই বিগীরানি ফায়সিং দে
আংখামন, ব গীনাঙনি বীখাকসে আংগাঁই
তঙখামন।

কুনজুতি

: তাবুক বিয়াং থাংখা হিন অ বীরাই সইনাসি।

কাইত

: সিয়া তাবুক বিয়াংব' থাংখা।

কাইথ', কুনজুতি, থাংখা।

মিলিকতি কইনা, মুকতা, ফায়খা।

মুকতা

: বা নীঙ তাম' সীক লেরাই তঙখা সীলাই, আঙ
তাবুকনি সিমি ফায়াই নায়সিঙমানি দা নিনি
বাগাঁই? আঙ মকল লকসুকখা নীঙ দয়্যাই ফায়য়া
আংগাঁই।

মিলিকতি কইনা

: আঙ ফায়নানি লেরাই থাংখা বুই নুগানী হিনাই।
তিনি নীঙ বাই তুকুয়ানি তুকুনানি আপু-স খায়াই
তুকুলাইনানি, চাঙ মীতাই খায়াই নীঙ বাই আঙ
তুকুলাইমানি ম তায়ুঙ তীয়সানি দুঙগুর চাঙন'
নুগাঁই চাঙ থায়াই থাংমানি উলনি সিরিসিতি-ন'
সায়্যাই কীলাংথুন, তায়ুঙ তীয়সানি কেরাঙ কথমা
সাজাকথুন হিনাই। নীঙ দুঙগুর আংগাঁই চিনি
সাথি তঙদি।

মুকতা

: চাঙ থায়াই থাংগাঁই চিনি উ-ল' পলতন- রে
পলতন আচায়্যাই ফায়নাইরগ চাঙ সীমাই
তাঙমানি তায়ুঙ তীয়সানি মুঙ রিয়্যাই কেরাঙ
কথমা-ন' সীয়জাকথুন। আহাইখাইন' নিনি মুঙ
মিলিকতি কইনা আনি মুঙ মুকতা হিনাই কায়্যাই
থানাই তাই গীনাঙ বাই কীরাই বীসীক হাকচালীই
তঙ আবব' ম কেরাঙ কথমা সীয়জাকথানি কায়্যাই
থাংথুন।

মিলিকতি কইনা : তিনিনি সিমি নীঙ বাই আঙ সাল বুরুম-বুরুমন' তুকুলাইনানি, নীঙ কালিনি বাগাঁই-ন' ম দুঙগুর' ফায়দি।

মিলিকতি কইনা, মুকতা থাংখা।
দাইজীক ফায়খা।

দাইজীক : ম মিলিকতি কইনা আগি খাই আ-ন' কালিনি বাগাঁই-ন' তায়ুঙ তায়সা দুঙগু-র' তুকুইনানি হিনখাই আ-ন' লগি সা-ন', তাবুক খাই আ-ন' লগিসে সানলিয়া। আ-ন' খগখগাঁইসে ফায়সিঅ, ম মিলিকতি কইনা বা তাম' অাঁংগাঁই থাংখা আঙ সায়াই মানলিয়া। ম আঙ উইসা-সীক থাংগাঁইসে মা নায়াচমনাই ব তামঙগাঁই আ-ন' খগখগাঁই মা থাং সায়াই মানানী, নীঙ আ-ন' খগাঁই থানাই সে দীলা।

দাইজীক থাংখা।
মনিয়া, মায়াতি ফায়খা।

মায়াতি : চিনি বাবু কালি-ন তুকুনানি হিনাই থাংমানি ব-র' আসীক খায়াঁই লেয়াই তঙ নীঙ আ-ব' সায়াই দে মান ব লেরাঁই তঙমানি?

মনিয়া : সিয়া-দ বর-ব' আসীক বা লেরাঁই তঙ আঙব' সায়াই মানয়া বেলে। তাবুক ব ফায়খাই সাংগাঁই নাইয়ানী, ব বর' আসীক লেরাঁই তঙ।

মায়াতি : যাং বেলে ব-ন' দিবরনি মাই চানানি নায়াসিংলায়াই তঙলাই।

মনিয়া : তাবুক ফায়গীরা খুন আঙ তেব সা খাই সাংগাঁই নায়ানী।

মনিয়া, মায়াতি থাংখা ।
মিলিকতি কইনা, মুকতা ফায়খা ।

- মিলিকতি কইনা : আঙ নীঙ বাই কালি-ন' মাতাই খায়াই তুকুমানি-বা
আঙ তামসীক তঙথকজাক তাই সায়াই মানয়া ।
আঙ সাল ফায়খাই হর ফায়খাই নন' মাং
খাতাঙগাঁই নন' মাং মুয়তু খায়াই মাতঙগ' । আঙ
মাতাই মাং আংগাঁই তঙখাই থায়ইসে থাঙগানী
বীলা নন' খাতাঙমানি বাগাঁই ।
- মুকতা : আঙব' আহাই-ন' নন' খাতাঙমানি বাগাঁই
তঙথকয়া চাথকয়া আংগাঁই তঙগ' । আঙ নন'
খাতাংমানি বাগাঁই চায়াই মানয়া নীঙগাঁই মানয়া,
আঙ রামাঁই থাংখা নায়সিগাঁই নায়গীরাদি আ-ন' ।
- মিলিকতি কইনা : চাঙবা বুফুরু কাইজাকলাই-ন' বুফুরুবা মাতাই
আংগাঁই তঙমানি হামলাই-ন' ।
- মুকতা : ফায়দি দাকতি কাইজাক খাই কাইজাকলায়াই
খিবলাইমানি হা-ম', মাতাই খাই তঙগাঁই তাই
চুকলাইলিয়া ।
- মিলিকতি কইনা : আউ আঙ ম খিপি-ন' মা বাই বা-ন' সানানি আঙ
কাইজাগাঁই খিবনানি হিনাঁই নীঙ তা উনাদি ।
ফায়দি তুকুলাইদি আইসিরকরি, তিনি ম দুঙগুরনি
তীয় বিসি খায়াই কীরীক তঙখা আব' বাই-ন'
তুকথ-গ' বিসি খায়াই ।
দাইজীক ফায়খা ।

দাইজীক ফায়াই আতকাসা নুগাঁই রিফাইখা
মিলিকতি কইনা বাই মুকতা-ন' যাক রমলায়াই
তুকলায়াই তঙমানি । আফুরুখাই খারাই বরগনি
তুকলায়াই তঙমানি, তঙমুঙন' নায়সিগাঁই তঙখা
বরগ তা-ম' সালাই হিনাঁই । নায়বা মিলিকতি কইনা

মুকতা-ন' সাঅ নীও নীও কালিনি বাগই-ন' ফায়দি
 চাও কালি-ন' মীতাই খায়াই তুকুলাইনাই হিনাই।
 আফুরু খাই মিলিকতি কইনা বাই নুকজাক-য়ায়ই
 তেব' সাখাই ন-গ' ফায়াই কামিও কাসকু রাজা
 বাই বিহিক বনকইনা-ন' দাইজীক ফায়াই সায়ই
 রিফায়খা। দাইজীক সাখা বুবাগ্রা বুখীলাই ফিকুও
 যামফীরা চাউনী তানখীলাই কতকনি থাই নুগানী
 আও নন' থাইসা সানানি মুচুওগ' বুবাগ্রা।

বনকইনা, বুবাগ্রা ফায়খা।

- বুবাগ্রা : সাদি দাইজীক নীও আ-ন' তা-ম' সানানি মুচুও
 সাদি। নীও আ-ন' কুসতাম কক-ন' ফা-ন' তাখকদি
 খুপুফুই জ-ত' কক-ন' সাদি, তালচিদি তাকিরিদি।
- বনকইনা : সাদি দাইজীক, চাওন' তাকিরিদি তালাচিদি
 খুপুফুই-ন' সাদি।
- দাইজীক : আও তিনি তায়ুও তীয়সানি দুওগুর' তুকুইনানি
 হিনাই থাংগাই বুবাগ্রা নিনি নীসাজীক মিলিকতি
 কইনা বাই মনিয়ানি বীসীলা মুকতা বাই-সে যাক
 রমাই তুকলায়ই তঙমানি নুগাইঅ।
- বুবাগ্রা : দাইজীক নিনি ম কুবুই ককদা? তাতাল কীরাইনা
 বীলা।
- দাইজীক : বুবাগ্রা আনি ম কক থাইসা ফা-ন' তাতাল হিনাই
 কীরাই।
- বনকইনা : চিনি দাইজীক চাওন' তাতাল সা-ন'? বিনি ম
 তাতাল ককয়া বুবাগ্রা।
- বুবাগ্রা : অীংখা দাইজীক নীও থাংসিদি আও নায়য়ানী।

বুবাগ্রা, বনকইনা, দাইজীক থাংখা।

বুবাগ্রা, বলনতিয়া ফায়খা।

বুবাগ্রা : বলনতিয়ারগ, নরগ থানদি চিনি কামিঙনি
মনিয়া-ন' রম্মাই তুবুই আনি থানি য়াফারাই
রিফায়দি। থানদি তাবুকন' ব-ন' নরগ খায়াই তুবুই
ফায়দি।

বলনতিয়ারগ : আউ বুবাগ্রা চাঙ থাংখা।

বুবাগ্রা, বলনতিয়ারক থাংখা।

বলনতিয়ার, মনিয়া ফায়খা।

বলনতিয়ারগ : মনিয়া নগ দে তঙ?
মনিয়া : তঙবীলা তা-ম' খাইনানি?
বলনতিয়ারগ : নীঙ চাঙ বাই থানানি নাঙগানী নন' বুবাগ্রা রিঙগ'।
মনিয়া : আ-ন বুবাগ্রা রিঙগ'?
বলনতিয়ারগ : আউ নন' বুবাগ্রা রিঙগ' নীঙ চাঙ বাই মা থানাই।
চাঙ নন' তীলাং গাঁই থানানি-ন' ফায়' হিমদি
তাবুক চাঙ বাই।
মনিয়া : বুবাগ্রা রিঙখাইত' মা থানাই, দ হিমদি খাই।
বলনতিয়ারগ : চাঙ তাবুক নন' য়াক খায়াই মা তীলাংগ' বুবাগ্রানি
আদেস বাই।
মনিয়া : আঙ তা-মনি বাগাঁই অইনাই খাইখাবা?
বলনতিয়ারগ : আ-ব' চাঙ সায়াই মানয়া।
মনিয়া : উঃ আঙ কাইসা-ন' ফা-ন' অইনাই খাইমানি
কীরাইখু।

বলনতিয়ার, মনিয়া থাংখা।

বুবাগ্রা, বলনতিয়া, মনিয়া ফায়খা।

বলনতিয়া : ইক' বুবাগ্রা চাঙ মনিয়া-ন' তুবুই রিফায়খা
নিনিথানি।

বুবাগ্রা : বলনতিয়ারগ, নরগ মনিয়া-ন' উ পালাঅ খায়ীই
কীলাংদি।

বলঙতিয়ারগ থাংখা।

বুবাগ্রা : মনিয়া, নীঙ নিনি নীসীলা মুকতা আনি
আঙসাজীক মিলিকতি কইনা বাই তায়ুঙ তীয়সানি
দুঙু-র' যাক রমলায়ীই তুকলায়ীই তঙগীই
তঙলাইমানি নীঙ সায়ীই মানয়া দে? নীঙ সায়ীই
মানতীতীই তামঙগীই আবতীই খায়ীই তিনিনানি
নাঙ সীলাই। নীঙ বিগীরা আঙ খুরুমপাই হিনীই
নীঙ সায়ীই মানয়া দা? নীঙ কীরাই
বিগীরা-তীতীই নখা হই চুকনানি নায়াই তঙ বা।

মনিয়া : আঙ আবরগ-ন' কুসতাম ফা-ন' সায়ীই মানয়া
বুবাগ্রা।

বুবাগ্রা : আঙ কুসতাম ফা-ন' সায়ীই মানয়া, নীঙ নিনি
নীসীলা বিয়াং থাং বিয়াং তঙ আব-ব দে' সায়ীই
মানয়া? নন' তাবুক আঙ খাকীলা-ব' লাথি ফুঙসা
রিখাই-ন' নীঙ জত-ন' সায়ীই মা রিডানীতা।
বিগীরা বরকসে গীনাঙ বরক বাই যাতে-তেঙ
আংগীই তঙ বা, কেনজুডা উলতা খিসায়ীই
তঙমানি হই।

মনিয়া : বুবাগ্রা আ-ন' খমা খাইদি কুসতাম ফা-ন' সায়ীই
মানজায়া।

বুবাগ্রা : খমা খাইনানি? তাবুক খমা খীলায়ীই রিডানী, নন'
ফা-ত' রিনানি বলনতিয়ারগ নরগ
ফায়বাইগীরাদি।

বলনতিয়ারগ ফায়খা।

- বলনতিয়া : তা-ম' সাদি বুবাগ্রা চাঁঙন', চাঁঙ তা-ম' খাই মান
নায়য়ানী।
- বুবাগ্রা : থানদি নরগ মনিয়া-ন' ফা-ত' খিকিলায়্যাই রিয়্যাই
ফায়দি তাবুক-ন'।
বলনতিয়ারগ মনিয়া-ন' ফা-ত' খিকিলায়্যাই রিয়্যাই
ফায়খা।

বুবাগ্রা, বলনতিয়া, মনিয়া থাংখা।
মায়াতি, মুকতা ফায়খা।

- মায়াতি : বাবু নীফা-ন' অসই-কসই রাজানি বলনতিয়ারগ
রম্মাই তীলাংগাই থাংখা তা-ম' খাইনানি-ব'।
- মুকতা : হাই বুফুরু সীলাই মা আঙ আ-ব' সায়্যাই মানয়া
বেলে, তাবুক নীঙ আ-ন' সায়্যাইসে আঙ সায়্যাই
মা-ন' বুফুরু বা-ন' আবতাই খায়্যাই রম্মাই
তীলাংগাই থাংখা। নীঙ তা উানা দি-খ আঙ নায়্যাই
নায়- গীরানাখু।
- মায়াতি : আ-ব' তাবুক তীলাংগাই থাংমানি দা, ব-ক' তাবুক
জরাতাই-ব' সকফাইয়া-খ' তা-ম' খাই বা
তনিয়্যাইখা উানামাসিঙসা, রাজা অীংখা মীতাই
বাই বাগসা। রাজা যাকবুলা রাজা কাঙবুলা' রাজা
জেসা হিনব' খায়্যাই মা-ন', রাজা হিনখাই বিনি
কইতীতীসে। আব' বাই-ন' জে রাজা সামানি
হাই খাই বিনি কইতীতীই খায়্যাই জত-ন' মাতঙগ'।
- মুকতা : দ তা উানাদি মা, আঙ বানি কক-ন' নাহার্যাই
নায়য়ানী ব-ন' রাজা তাম' খায়্যাই তনিয়্যাই তনিখা।

মায়াতি, মুকতা থাংখা।
গয়ামনি, থাঙচীরাই ফায়খা।

- থাঙট্টারাই : দা গয়ামনি তা-ম' তিনি ফুঙগ' চিনি দা মুকতানি
বুফা-ন' রাজানি বলনতিয়ারগ ফায়ীই রমীই
তীলাংগীই থাংখা হিন বেলে। আ-ব' তামঙগীইবা
আবতীই খায়ীই রমীই তীলাংগীইবা থাংখা।
- গয়ামনি : সিয়া-দ তামঙগীইবা আতকাসা বন'-বা রমীই
তীলাংগীই থাংখা তা-ম' হিনীই সানানি। উঃ
আসীক বরক কাহামন' বা।
- থাঙট্টারাই : দা মুকতানি বুমা খাইবা কাবীই-মাংসে তঙসিঅ,
বরগ আগিনি সিমি মালাইসুকখা। আগি-ব'
আহাইন' তা রাজানি তসিলরগ বাই পুন তক ডাক
তাই নকনি রিচুম মাইরাঙ লুতা তীলাংজাক-বায়ীই
কুসতাম ফা-ন' কীরীই অীংগীই কানমানি কাঙসা
চুমমানি কাঙসা অীংলায়ীই তঙজাবাইখা।
তাবুক-ব' আহাই-ন' অসই-কসই রমীই
তীলাংজাক খাই তাই বাসীক লে সহইজ' অীংনানি
বরক অীংগীই।
- গয়ামনি : তাই তা-ম' খাই নানি-বা, নীঙ রাজা-ন'
পাইলাঙ-ন'? রাজা বেলে গীনাঙ নীঙ বেলে
কীরীই আব' বাই-ন' গীনাঙ বাই কীরীই হর বাই
সাল চালমানি সীক হাকচাল।
- থাঙট্টারাই : কীরীই বরক-রগ খাই খাইরক-মিসিসা-ন'।
- গয়ামনি : চুঙ নিজি-ব' কীরীই-ন'।

গয়ামনি থাঙট্টারাই থাংখা।
মিলিকতি কইনা, মুকতা ফায়খা।

- মুকতা : আঙব' হামজাকখা নন', নীঙব' হামজাকখা
আ-ন'। হামজাক লাইফান'-সে আহাইন'সে নীঙ
বাই আঙ কাকলায়ীই মাখিবনাই। তামঙগীই হিনবা
নিনি নীফানি বলনতিয়ারগ তিনি ফুঙ-গ' থাংগীই

- আনি বা-ন' তাম' খাইনানি-ব' অসই রমাই তুবুই ফায়খা তা-ম' খাইনানি হিনাই-ব'।
- মিলিকতি কইনা** : হাই আ-ব' আঙ সায়াই-সে মানয়া বেলে সীলাই। হাই আ-ব' তা-ম' হিনমানি কক, আঙ তাবুক থাংগাই আনি বা-ন' সাংগাই নায়য়ানী নীঙ তামঙগাই অসই কীরাই বরক-ন' রমাই তুবনানি নাঙ হিনাই সাংগাই নায়য়ানী নীঙ কুসতাম ফা-ন' তা উনাদি।
- মুকতা** : আনি বা আসাঁক কীরাই বিগীরা খরঙ-খরঙন'সে বুবাথানি বলনতিয়ারগ থাংগাই রমাই তুবুই ফায়নানি হিনখাই তঙ-তীতীই উনাই তঙনানি ককয়া দে?
- মিলিকতি কইনা** : নীঙ আসাঁক তা উনাদিখ', ফায়দি চাঁও তিনি তাই তুকুলাইলিয়া ন-গ' থাংলাইমানি হা-ম'। ম কক-ন' আঙ তাবুক থাংগাই আনি বা-ন' সাংগাই নায়-য়ানী নীঙ তামঙগাই অ কীরাই বরক-ন' রমাই তুবনানি নাঙ হিনাই।

মিলিকতি কইনা, মুকতা থাংখা।
বুবাথ্যা, বলনতিয়া ফায়খা।

- বলনতিয়ারগ** : বুবাথ্যা নীঙ চাঁঙন' তা-ম' খাইনানি বাগাঁই রিঙ সীলাই। সাদি নীঙ জে খাইদি হিনমানি চাঁঙ আব-ন' খাইনাই।
- বুবাথ্যা** : নরগ উসাঁকাঙগ' মনিয়া-ন' রমাই তুবুই ফায়খা, তিনি খাই বীসীলা মুকতা-ন' রমাই তুবুই রিফায়দি আনি থানি। থানদি তাবুক-ন' থাংগাই রমাই তুবদি আনি কাম-ন' আঙ খাইনানি।
- বলনতিয়ারগ** : চাঁঙ থাংখা বুবাথ্যা।

বুবাগ্ৰা, বলনতিয়ারগ থাংখা ।
মিলিকতি কইনা, বুবাগ্ৰা ফায়খা ।

- মিলিকতি কইনা : বা নুঙ ব-র' মনিয়া কাঁরাই বরক-ন' নিনি
বলনতিয়া রমাই তুবুই ফায়হিন সীলাই? নীঙ
তা-ম' খাইনানি বাগাঁই অ কাঁরাই বরক-ন' রমাই
মা তুবু সীলাই?
- বুবাগ্ৰা : আনি কাম আঙ খাইঅ, নীঙ আনি কাম-ন' মানা
তাখাইদি। নীঙ আনি মাতিঙ আংগাঁই আঙ বুবাগ্ৰা
আঙ গীনাঙ আনি ককতাই আংনানি, বুইনি
ককতাই খায়ীই তঙয়া ।
- মিলিকতি কইনা : বলে নিনি তা-ম' খতি খাইখা বা নীঙ ব-ন' রমাই
তুবুই ফায়বা?
- বুবাগ্ৰা : আনি খতিনি কক-ন' আঙ সায়াই মা-ন' আনি
খতিনি কক-ন' নীঙ দে সায়াই মান বা? নীঙ
নিরাল খায়ীই তঙগাঁইদি, থানদি আনি কাম-ন'
আঙ খাইঅ নিনি কাম-ন' নীঙ খাইদি থানদি ।

মিলিকতি থাংখা ।
বলনতিয়ারগ তাই মুকতা ফায়খা ।

- বলনতিয়ারগ : বুবাগ্ৰা ইক' নীঙ রমাই তুবুদি হিনমানি বরক-ন'
রমাই তুবুই রিফায়খা মুকতান' ।
- বুবাগ্ৰা : নরগ মুকতা-ন' রমাই তনিদি, তা যাকারদি ।
- বলনতিয়ারগ : আউ বুবাগ্ৰা ।
- বুবাগ্ৰা : মুকতা, নীঙ নখা-ন' তাঙগাঁই মাহরডানী হিনাই
আসায়ীই তঙগ' না ?
- মুকতা : আউ বুবাগ্ৰা খাতঙখাই' যাকচু-গ' আবতাই হিনতা
আঙ ।

- বুবাগ্রা : মুকতা নীঙ সাগর তীয় কুথুক-ন' বাসই দে থাংগাঁই মান-ন'বা ?
- মুকতা : খা তঙখাই য়াকচু-গ' বুবাগ্রা ।
- বুবাগ্রা : বলনতিয়ারগ, মুকতা অ কক-ন' কক সায়াই তঙখা, থানদি ব-ন' বুফা বাই বাগসা ফা-ত' বিসিঙগ' খায়াই দায়াই রিয়াইদি ।

মিলিকতি কইনা ফায়খা ।


- মিলিকতি কইনা : বা আনি জাননিজান মুকতা-ন' নীঙ তামঙগাঁই আবতাই খাইনানি নাঙ সীলাই নীঙ আনি জাননিজান-ন' ফা-ত' দায়াই নীঙ সুখি খাই তঙদি, আঙ তায়ুঙ তীয়সানি হারুডাগ' কুচুক সাকাঅ বাখীলায়ই খীয় থাঙগীরানা (হিনাই গুদু গুদু খায়াই খাই চিগই থাংখা) ।
- মুকতা : অ রাঙচাক আনি জাননি-জান নীঙ আবতাই তাআংদি (হিনাই চিরিখগাঁই খাইচিগাঁই থাংখা, থাংগাঁই হারুডাগ' কুচুক সাকাঅ বাখীলাই-নানি নায়াই তঙমানি-ন' সাবচা খাই রমাই সপেরে য়াই তুবুই ফায়খা তলাঅ নখর-রিয়াই নীঙ আবতাই তা আংদি হিনাই) ।
- মিলিকতি কইনা : (হিনাই ফায়') নীঙ তাম' খাইনানি আ-ন' রমাই তুবুই ফায় আঙ থীয়াই থানানি হিনাই থাংমানি ।
- বুবাগ্রা : (আফুরুখাই সিলাই য়া-গ' নাহারাই হিনখা) নীঙ আরনি কনরদি মাতিঙ আঙ মুকতা-ন' সিলাই বাই কগাঁই বুথার খিবনানি ।
- মিলিকতি : (আফুরু খাই মুকতান, বিনি ফিকুঙগ' তনিয়াই খাকীলাপ চাগাঁই রিখা) হিনদি বা ব-ন' বুথারমানি সীলাই আ-ন' বুথারাই খিবদি, আঙ নন' খাকীলাপ চাগাঁই রিখা ব-ন' বুথার-য়াই আ-ন' বুথারদি ।

বনকইনা ফায়খা।

- বনকইনা : বুবাগ্রা, নীঙ জদি মুকতা-ন' বুথার খাই আঙব' ততীরা রাসই থীয়নানি, ইক' নাহার দি আনি যা-গ' সেঙ কুবুক ছলজাক।
- বুবাগ্রা : আংখা মাতিঙ নীঙন' জিতিখা' ইক' নাহার-দি আনি যাকনি সিলাই হাঅ খিকীলাইয়ীই রিখা। নীঙ নীসাইরগ-ন' তুবুয়ীই ন-গ' কাফায়-সিদি, থানদি নরগ জতন' ন-গ'। আঙ খীনানি বিসিঙগ' ন' আনি মাতিঙ-ন' সাদি খায়ীই রিউনা।

মনিয়া ফায়খা।

বুবাগ্রা মনিয়া-ন' চামাই হিনীই কীবাকখা,
মনিয়া-ব' বুবাগ্রা-ন' চামাই হিনীই কীবাকখা।



TRIBAL RESEARCH AND
CULTURAL INSTITUTE



I SBN 978-93-86707-35-2

Price : Rs. 100/-